


"24 საათის" ფიქციანი ნომერი *2424

პრესობაუდსმენი A3



საარჩევნო კომისიამ ყარაბაი გამარჯვებულად გამოაცხადა A7



დეპნილობაში საკუთარ ქვეყანაში - ცხოვრება ომის პეიდაბ



24 საათი

"24 საათის" ელექტრონული ვერსია იხილეთ Web-გვერდზე www.24saati.ge

ჩვენი პარტნიორები:

დასავლეთი რუსეთს თანამშრომლობისკენ მოუწოდებს

ივა შილაკაძე

ნატო-ს ახალი გენერალური მდივანი ანდრეს ფოგ რასმუსენი გუშინ ბრიუსელში, კარნეგის ფონდში საპროგრამო სიტყვით გამოვიდა. მისი გამოსვლის მნიშვნელოვანი ნაწილი რუსეთთან ურთიერთობებს მიეძღვნა. რასმუსენმა რუსეთს მთელ რიგ სფეროებში თანამშრომლობისკენ მოუწოდა. ეს, პირველ რიგში, ავღანეთის, ირანისა და ჩრდილოეთ კორეის მიმართ დამოკიდებულებას ეხება.

ნატო-ს გენერალურმა მდივანმა აღნიშნა, რომ ნატო რუსეთის მტერი არ არის და სასურველია, თუ ამ თვალსაზრისს რუსეთიც გაიზიარებს. რასმუსენის აზრით, რუსეთთან მეტი თანამშრომლობაა საჭირო, პირველ ეტაპზე - ექსპერტების დონეზე, რათა ერთობლივად განისაზღვროს საფრთხეები, რომლებიც ყველას ემუქრება. რასმუსენმა აღნიშნა, რომ ირანსა და ჩრდილოეთ კორეაში ატომური იარაღის გავრცელება ამ ქვეყნების ზოგიერთ მეზობელს მიბაძვის სურვილი გაუჩინოს. სარაკეტო ტექნოლოგიების გაუფრთხილებლობა ნატო-სა და რუსეთს თანაბრად აინტერესებთ. ნატო-ს თავკაცის აზრით, სასურველია, რომ რუსეთსა და ნატო-ს "პოზიტიური სტრატეგიული პარტნიორობის" დონეზე ჰქონდეთ ურთიერთობები.

ბაზრძალაბა A7 გვერდზე



აშშ-ს თავდაცვის მინისტრი რობერტ გეითსი

Coca-Cola პირველია

მსოფლიოს ყველაზე ძვირად ღირებული ბრენდი არის Coca-Cola. ასეთია კვლევის შედეგები, რომელიც გამოაქვეყნა სააგენტო "ინტერბრანდმა". ეს სააგენტო დაკავებულია ბრენდების შესწავლით. უკანასკნელი ათი წლის განმავლობაში ის აქვეყნებს მსოფლიოს ასი ყველაზე ძვირადღირებული ბრენდის სიას და მათი ღირებულების შეფასებას. მიუხედავად იმისა, რომ მსოფლიოს ძირითადი ბრენდების შეფასება "ინტერბრანდის" მიერ ატარებს გარკვეულად სუბიექტურ და მიახლოებით ხასიათს, ანალიტიკოსების აზრით, ის ყველაზე ზუსტია არსებულ შეფასებებში. მას ფართოდ იყენებენ სხვადასხვა კონსალტინგური კომპანიები ამა თუ იმ კომპანიის შეფასებისათვის. სიაში წარმოდგენილია 13 ქვეყნის კომპანიის ბრენდები, რომელთა ძირითადი ნაწილიც ამერიკულია. ახლად გამოქვეყნებულ სიაში ლიდერია Coca-Cola, რომლის ბრენდის ღირებულება შეფასებულა

ლია დაახლოებით 69 მილიარდ დოლარად. ქვემოთ მოყვანილია მსოფლიოს ათი ყველაზე ძვირად ღირებული ბრენდის სია.

1. კოკა-კოლა 68,734 (\$მ)
2. IBM 60,211 (\$მ)
3. მაიკროსოფტი 56,647 (\$მ)
4. GE 47,777 (\$მ)
5. ნოკია 34,864 (\$მ)
6. მაკდონალდსი 32,275 (\$მ)
7. გუგლი 31,980 (\$მ)
8. ტოიოტა 31,330 (\$მ)
9. ინტელი 30,636 (\$მ)
10. დისნეი 28,447 (\$მ)

სააგენტოს შეფასებით, პირველად, სიის გამოქვეყნების ათი წლის განმავლობაში, სიაში შემავალი ბრენდების ღირებულება შემცირდა 4.6%-ით და გაუტოლდა 1.15 ტრილიონ დოლარს. ეს დაკავშირებულია იმასთან, რომ კრიზისის დროს მომხმარებელმა ნაწილობრივ დაკარგა ბევრი საყოველთაოდ აღიარებული ბრენდის ნდობა.

ბაზრძალაბა A4 გვერდზე

მუხროვანის ამბოხის სასამართლო განხილვა

ხათუნა ჯანბრავილი

2009 წლის 5 მაისს, მუხროვანის სატანკო ბატალიონში მომხდარ სამხედრო ამბოხში მონაწილეების სასამართლო პროცესი, ორ დღეში, განსასჯელების დაკითხვით განახლდება. სასამართლოს ჩვენება უკვე მისცა 25-მდე განსასჯელმა. საქმეში სულ 41 განსასჯელია. მათგან 20-მდე სამხედრო, დანარჩენი კი სამოქალაქო პირია. განსასჯელების ინტერესებს 60-ზე მეტი ადვოკატი იცავს.

ხელისუფლების ძალადობრივი გზით შეცვლის მცდელობა, ამბოხების მომზადება-განხორციელება, სამხედრო ხელმძღვანელების ბრძანების დაუმორჩილებლო-

ბა, დანაშაულის დაფარვა, დანაშაულის შეუტყობინებლობა, პოლიციისთვის წინააღმდეგობის განწევა, იარაღის უკანაონოდ ტარება - ასეთია განსასჯელებისთვის წარდგენილი ბრალდებები. 34-მა განსასჯელმა თავი დამნაშავედ ცნო, ორმა - ნაწილობრივ, ხუთმა კი თავი დამნაშავედ არ ცნო. განსასჯელებმა, რომლებმაც დანაშაულში თავი წილობრივ ცნეს დამნაშავედ, განაცხადეს, რომ მონაწილეობა მიიღეს დაუმორჩილებლობაში და არა სამხედრო ამბოხში. სასამართლო პროცესი, სავარაუდოდ, თავდაცვის სამინისტროს სპეციალური დანიშნულების რაზმის "დელტას" ყოფილი ასმეთაურის, გია ღვალაძის დაკითხვით განახლდება. ბაზრძალაბა A6 გვერდზე

პრობაციონერის მიერ საზღვრის უნებართვოდ გადაკვეთისთვის პასუხისმგებლობა წესდება

პარლამენტის იურიდიულ საკითხთა კომიტეტის ინიციატივით, "არასპატიმრო სასჯელთა აღსრულების წესისა და პრობაციის შესახებ" კანონში ცვლილება შედის. პრობაციონერის მიერ საზღვრის უნებართვოდ გადაკვეთის ან გადაკვეთის მცდელობისთვის პასუხისმგებლობა წესდება. როგორც კანონპროექტის ავტორები აცხადებენ, გასული წლების პრაქტიკამ აჩვენა, რომ მსჯავრდებულები ხშირ შემთხვევაში უნებართვოდ ტოვებდნენ საზღვარს, რაც შემდგომ მათზე ძებნის გამოცხადების საფუძველი ხდებოდა.

კანონპროექტის მიხედვით, პრობაციონერის მიერ საზღვარგარეთ გამგზავრების ნებართვის გარეშე საზღვრის გაკვეთა ან გადაკვეთის მცდელობა 500-დან 1000 ლარამდე დაჯარიმდება. სასჯელის ფორმად 30 დღემდე ვადით ადმინისტრაციული პატიმრობაც განისაზღვრება.

რაც შეეხება პრობაციონერის საზღვარგარეთ გამგზავრების ნებართვას, მას მისი მიღება გარკვეული საფასურის გადახდის შემდეგ შეუძლია. ამავე კანონპროექტის მიხედვით, სახელმწიფო ბიუჯეტს პრობაციონერის მიერ საზღვარგარეთ გამგზავრების ნებართვისთვის გადახდილი მოსაკრებელი მოაკლდება. სასჯელაღსრულების, პრობაციისა და იურიდიული დახმარების საკითხთა სამინისტროს სისტემაში შემავალი საქვეყნო დაწესებულება, არასპატიმრო სასჯელთა აღსრულებისა და პრობაციის ეროვნულ სააგენტოდ ყალიბდება, რომელიც საჯარო სამართლის იურიდიული პირი იქნება. პრობაციონერის მიერ საზღვარგარეთ გამგზავრების ნებართვისთვის გადახდილი მოსაკრებელი, რომელიც არსებულთან შედარებით იზრდება, არა სახელმწიფო ბიუჯეტში, არამედ აღნიშნული სააგენტოს ანგარიშზე ჩაირიცხება.

კანონპროექტში ნათქვამია, რომ აღნიშნული თანხა სააგენტოს მიზნებსა და ფუნქციების განხორციელებას მოხმარდება, რაც სამსახურის გაძლიერებას შეუწყობს ხელს.

ევროსაბჭოს საპარლამენტო ასამბლეის საშემოდგომო სესია

28 სექტემბერს სტრასბურგში ევროსაბჭოს საპარლამენტო ასამბლეის საშემოდგომო სესია იხსნება. დღის წესრიგის უმთავრესი პუნქტები იქნება კლიმატის ცვლილებისგან მომდინარე გამოწვევები, რუსეთ-საქართველოს ომის წლისთავზე არსებული ვითარება და ევროსაბჭოს ახალი გენერალური მდივნის არჩევნები.

ასამბლეას სიტყვით სლოვენის პრეზიდენტი დანილო ტურკი მიმართავს.

სესიაზე ასამბლეა რუსული დელეგაციის მანდატების გადახედვის შესახებ ორგანიზაციის 72 წევრის მიერ წარდგენილ მოთხოვნასაც განიხილავს.

დეპუტატების თემები ასევე იქნება მონაკოს მონიტორინგის დასრულების საკითხი და ადამიანის უფლებათა ევროპული კონვენციის ახალი დამატებითი ოქმის შემუშავების შესახებ წინადადების განხილვა, რომელიც ჯანსაღ გარემოში ცხოვრების უფლებას შეეხება. ასევე განიხილავენ სისხლის სამართალწარმოებაში პოლიტიკურად მოტივირებულ დარღვევების, "დამსმენთა" დაცვის მექანიზმების და ქალთა გაუპატიურების საკითხებს.

გარდა ამისა, ასამბლეაში მოთხოვნილია დეპუტატი ჩრდილოეთ კავკასიის რეგიონში ადამიანის უფლებათა დამცველების მდგომარეობის შესახებ.

სესიის ფარგლებში ეკონომიკური განვითარებისა და თანამშრომლობის ორგანიზაციის გენერალური მდივანი ასევე გურია თავის ორგანიზაციის საქმიანობის შესახებ გაფართოებულ დეპუტატებში მიიღებს მონაწილეობას.

პირველი

აშშ ირანის ტერიტორიიდან თავდასხმის მოგერიებისთვის რუსეთში, არმაჯირთან განთავსებულ რადარებს გამოიყენებს

ბარაკ ობამას ახალ ინიციატივაზე პენტაგონი კიდევ ერთ განმარტებას აკეთებს. როგორც აშშ-ს თავდაცვის მდივანმა რობერტ გეიტსმა ჩეხ კოლეგასთან შეხვედრის შემდეგ განაცხადა, თავდაცვის რაიეტსანიანალმდეგო სისტემის არქიტექტურის შეცვლა პროექტში სხვადასხვა სარადარო და სარაკეტო კომპლექსების, მათ შორის რუსული ობიექტების ჩართვის საშუალებას იძლევა.

როგორც გეიტსმა აღნიშნა, რომ სამხრეთში არსებობს არმაჯირის სარადარო სადგური, რომელიც შესაძლებლობას იძლევა, ირანის ტერიტორიიდან თავდასხმის მოგერიებაში სისტემა უფრო დახვეწილი გახადოს. გეიტსის განცხადებით, ჩეხეთი და პოლონეთი ამ საკითხში ვაშინგტონის პარტნიორებად რჩებიან.

"რუსეთს ქვეყნის სამხრეთ ნაწილში არმაჯირთან რადიოლოკაციური სადგური აქვს. ამ ობიექტის ჩართვა შესაძლებლობას მოგვცემს, შევავსოთ ის სიცარიელებები, რომელიც სისტემას ირანის ტერიტორიის მხრიდან თავდასხმის შემთხვევაში გააჩნია. ჩვენ მოხარულნი ვიქნებით, თუ რუსეთი ჩვენს რაკეტსანიანალმდეგო ქსელში ჩაერთვება. 2006 წელს ჩემ მიერ ხელმოწერილი პროექტისგან განსხვავებით, ამ შეცვლილი არქიტექტურის მთავარი მიღწევა ის არის, რომ ის სარადარო სისტემაში ერთდროულად რამდენიმე ქვეყნის და სხვადასხვა სახის ობიექტების ჩართვის შესაძლებლობას იძლევა. სწორედ ამიტომ, ეს აშშ-სთვის და მისი პარტნიორებისთვის ხელსაყრელი პროექტია," - განაცხადა რობერტ გეიტსმა.

ჯი-ეი-ენი

მარიონეტების ზეიმი

პირიკო თავზაძე

სამხედრო აღლუმში, რუსეთიდან გამოგზავნილი ძვირფასი საჩუქრები ჰუმანიტარული დახმარებისა და პრეზიდენტ მედვედევის მისალოცი წერილის სახით, რაც ყველაზე მთავარია - პირველად აფრებული "სახელმწიფო ჰიმნი" და კიდევ რამდენიმე წერილ-წერილი ლონისძიებთა თავისებურ სხვის ჰმატებადა სეპარატისტულ ცხინვალში მოწყობილ ზეიმს, რომელიც "რესპუბლიკის დღეს" მიეძღვნა.

ცხინვალში "რესპუბლიკის დღე" მეცხრამეტედ აღნიშნეს. 1990 წელს, საქართველოს უზენაესი საბჭოს გადამწყვეტილების (სამხრეთ ოსეთის ავტონომიური ოლქის გაუქმების შესახებ) პასუხად, სამხრეთ ოსეთის საოლქო საბჭომ სამხრეთ ოსეთის დემოკრატიული რესპუბლიკა გამოაცხადა.

გუშინდელ საზეიმო აღლუმზე სიტყვით გამოსულმა სამხრეთ ოსეთის დე ფაქტო პრეზიდენტმა კოკოთიმ სეპარატისტთა წინსვლასა და იმ წარმატებებზე ისაუბ-

რა, რომლებიც მათ წინააღმდეგობების, ბრძოლისა და ტკივილის ფასად მოიპოვეს. კოკოთი რესპუბლიკის გამოცხადების 19-წლიან პერიოდს განსაკუთრებულ ისტორიულ მნიშვნელობას ანიჭებს. "ეს წლები ბევრ რამეს აერთიანებს - საკუთარ მიწაზე ცხოვრების უფლებისთვის ბრძოლას, ომის საშინელებას, ახლობლებისა და ნათესავების დაკარგვას, სტიქიურ უბედურებებს, ომის შემდგომ მძიმე პერიოდს. ყველაფერი მიუხედავად, რესპუბლიკა წინ მიდიოდა," - განაცხადა კოკოთიმ.

სამხრეთ ოსეთის დე ფაქტო პრეზიდენტმა ედუარდ კოკოთმა საქართველოს ხელისუფლებას "გონიერებისკენ" მოუწოდა: "საქართველოს ხელისუფლებას გონიერებისკენ მოვუვლიდეთ. არსებული რეალიების გათვალისწინებით, სამხრეთ ოსეთისა და აფხაზეთის დამოუკიდებლობის აღიარების მოთხოვნა ძალაში რჩება." კოკოთის შეფასებით, "ოსი ხალხის გამარჯვებაში" განსაკუთრებული როლი "დიდ რუსეთს" ენიჭება.

სეპარატისტთა ზეიმს რუსი დეპუტატები და რუსეთში ნიკარაგუის ელჩი ესწრებოდნენ. რაც შეეხება რუსეთის ფედერაციის პრე-

ზიდენტ დმიტრი მედვედევს, მან ოს სეპარატისტებს მისალოცი წერილი გაუგზავნა. მედვედევის მილოცვის ტექსტი კრემლის ოფიციალურ ვებგვერდზე გავრცელდა. მედვედევი სეპარატისტთა წარმატებებზე საუბრობს: "სუვერენული სამხრეთ ოსეთი ეკონომიკისა და სოციალური სფეროს განვითარების საკითხებს წყვეტს, დემოკრატიულ ინსტიტუტებსა და ადგილობრივი თვითმმართველობის ორგანოებს ქმნის."

რუსეთის პრეზიდენტი ყურადღება ამახვილებს "ორი სახელმწიფოს" ერთობლივი მუშაობის შედეგებზე ინფრასტრუქტურის აღდგენის საქმეში, მშენებლობის სფეროში, რეგიონში უსაფრთხოებისა და სტაბილურობის თვალსაზრისით სახელმწიფო საზღვრის გამაგრების საკითხში.

დმიტრი მედვედევმა ე.წ. სამხრეთ ოსეთის მოსახლეობას და მათ წინამძღოლ ედუარდ კოკოთის "დამოუკიდებელი, დემოკრატიული და აყვავებული სახელმწიფოს მშენებლობაში" შემდგომი წარმატებები უსურვა და განაცხადა, რომ რუსეთი მათ მეგობრად დარჩება და კვლავაც გააგრძელებს მხარდაჭერას "რესპუბლიკის სოციალურ-

პრეზიდენტი მიხეილ სააკაშვილი

ნიუ-იორკში გაემგზავრა

ლებელ დირექტორ დევიდ შარისთან, ასევე აშშ-ს სპეციალურ წარმომადგენელთან ავლანეთისა და პაკისტანის საკითხებში რიჩარდ ჰოლბრუკთან.

გაერო-ს გენერალურ ასამბლეაში მიწვეული იქნა იმართება საყოველთაო დეპუტატი და განხილვა, რომელშიც სხვადასხვა სახელმწიფოების პირველი პირები მონაწილეობენ. ნიუ-იორკში გაერო-ს 64-ე გენერალური ასამბლეა 16 სექტემბერს გაიხსნა. გენერალური ასამბლეის თავმჯდომარედ, აფრიკის რეგიონული ჯგუფის წინადადებით, ლიბანელი დიპლომატი ალი აბდელ სალამ აბ-ტრეიკი აირჩიეს.

"ფიქრობ, ყველას გვესმის, რომ გაერო რეფორმებსა და დემოკრატიზაციის საჭიროებს. გენერალური ასამბლეა, რომელიც მთელს მსოფლიოს წარმოადგენს, მუდმივად ხდება წინააღმდეგობებს თავის საქმიანობაში," - განაცხადა ალი აბდელ სალამ აბ-ტრეიკიმ.

გენერალური ასამბლეის თავ-

მჯდომარე ასევე აღნიშნა, რომ განსაკუთრებული ყურადღება უნდა დაეთმოს დიალოგის განვითარებას, ურთიერთგაგებას ამა თუ იმ პრობლემის გადაწყვეტისას.

"ემბარგო და ბლოკადა არანაყოფიერია, აღრმავებს ანტაგონიზმს და პროტესტს, ხელს უშლის ნდობას, საერთაშორისო თანამეგობრობის ქვეყნებს განზარაბს და მხოლოდ მოსახლეობას აზარალებს," - განმარტა მან.

გენერალური ასამბლეის სესია, დაახლოებით, 160-პუნქტიანი დღის წესრიგით იმუშავებს, მათ შორის იქნება ისეთი აქტუალური თემები, როგორც არის მშვიდობისა და უსაფრთხოების უზრუნველყოფა, ტერორიზმთან ბრძოლა, ადამიანის უფლებების დაცვა, სოციალური და ეკონომიკური განვითარების საკითხები. ასევე მნიშვნელოვანი ყურადღება დაეთმოება გაეროს დაცვისა და შიდასაფრთხოების საკითხებს.

გენერალური ასამბლეა უშიშროების საბჭოს რეფორმირებისა

ეკონომიკური აღმავლობის უზრუნველყოფისთვის

სეპარატისტთა ზეიმი 20 სექტემბერს არ დასრულებულა. "რესპუბლიკის დღისადმი" მიძღვნილი ღონისძიებები 19 სექტემბერს დაიწყო და 23 სექტემბრამდე გასტანს. რუსეთის განსაკუთრებული როლი ამ ღონისძიებებშიც იგრძნობა. მაგალითად, 22 სექტემბერს ცხინვალში რუსული ენისა და კულტურის დღეები გაიხსნება. სამხრეთ ოსეთის სეპარატისტული მთავრობის ე.წ. კულტურის მინისტრის მოადგილე ზამირა ჯიოევას ინფორმაციით, ღონისძიების ფარგლებში სამეცნიერო კონფერენციები ჩატარდება და მრავალი მაგია მოეწყობა.

სააგენტო "რეს" ცნობით, საზეიმო დღეებში ცხინვალის სეპარატისტული რეჟიმის შინაგან საქმეთა სამინისტრო მუშაობის გაძლიერებულ რეჟიმზე გადასული. ძალოვნების საგანგებო მუშაობა მოსახლეობის და სტუმრების უსაფრთხოების უზრუნველყოფას ემსახურება.

ე.წ. შინაგან საქმეთა მინისტრ ვალერი ვალიევის განცხადებით, მისი უწყება საგანგებო რეჟიმში 23 სექტემბრამდე იმუშავებს.

და ორგანიზაციის საქმიანობის გააქტიურების საკითხებზე გააგრძელებს მუშაობას.

საერთო პოლიტიკური დისკუსიის დაწყებამდე 22 სექტემბერს გაიმართება სამიტო, რომელიც კლიმატის ცვლილებებს მიეძღვნება. სამიტის ფარგლებში 8 მრგვალი მაგიდა გაიმართება, ხოლო პლენარულ სხდომაზე მხოლოდ გაერო-ს გენერალური მდივანი პან გი მუნი და მინვეული მომხსენებლები გამოვლენ.

დეპუტატი 23 სექტემბრიდან დაიწყება. საერთო პოლიტიკურ დისკუსიაში გაერო-ს წევრი სახელმწიფოების მეთაურები და საგარეო საქმეთა მინისტრები მონაწილეობენ.

23 სექტემბრის გამომსვლელთა სიაში რუსეთის პრეზიდენტი დმიტრი მედვედევიც არის.

საქართველოს პრეზიდენტის ვიზიტი შტატებში 25 სექტემბრამდე გაგრძელდება.

საკუთარი ინფორმაცია

რუსეთი აფხაზეთში კატარღებს

აბჯანის

რუსეთი აფხაზეთის საზღვაო საზღვრის დასაცავად ოცამდე საგუშაგო კატარღას აგზავნის. ამის შესახებ რუსეთის ფედერალური უსაფრთხოების სასაზღვაო სამსახურის უფროსის მოადგილემ, გენერალ-პოლკოვნიკმა ვიქტორ ტრუფანოვმა განაცხადა.

აღნიშნული კატარღები ოჩამჩირეში განთავსდებიან, სადაც უკვე დაწყებულია შესაბამისი ბაზის შექმნა. რუსეთის სასაზღვაო სამსახური აფხაზეთის საზღვაო სივრცის დაცვის სისტემის შექმნას ნოემბერში დაასრულებს.

რუსეთი აფხაზეთში დამატებითი სასაზღვაო საგუშაგო კატარღების გამოგზავნის შესახებ თავის გადაწყვეტილებას ბოლოდროინდელი მოვლენებით ხსნის, როდესაც ქართულმა მხარემ აფხაზეთში ტვირთის უკანონო გადაზიდვის გამო თურქული გემი დააკავა.

რუსეთის ფედერალური უსაფრთხოების სასაზღვაო სამსახურის უფროსის მოადგილის, გენერალ-პოლკოვნიკ ვიქტორ ტრუფანოვის განცხადებით, თუ აფხაზეთის საზღვაო საზღვარს დაარღვევს, ისინი კანონის შესა-

ბამისად იმოქმედებენ.

"თუ საზღვრის დარღვევისას კანონის შესაბამისად ვმოქმედებთ, თუ ჩვენ ვიცავთ საზღვარს, ჩვენ ვაკავებთ და შესაბამის ღონისძიებებს ვატარებთ," - განაცხადა ტრუფანოვმა.

მისივე თქმით, რუსეთის და აფხაზეთის სახელმწიფოს უსაფრთხოების უზრუნველყოფისთვის რუსეთი ყველაფერს გააკეთებს.

ცნობისათვის - აფხაზეთის ტერიტორიაზე საზღვრის დაცვის მიზნით 1000-ზე მეტი სამხედრო მოსამსახურეა შეყვანილი, რომ-

ლებიც 215 კმ. საზღვაო, 98 კმ. სახმელეთო და 39 კმ. სამდინარო საზღვარს აკონტროლებენ.

აფხაზეთის საზღვაო აკვატორიას აშუამად შავი-აზოვის ზღვის სასაზღვაო სამმართველოს გემები და კატარღები იცავენ.

ივნისში რუსეთის სამხედრო-საზღვაო ფლოტის ადმირალი ვლადიმერ ვისოცკი აცხადებდა, რომ აფხაზეთში მასშტაბური ბაზის შექმნა არ მოხდებოდა, ხოლო ბაზის შექმნას. დაახლოებით. 2-3 წელი დასჭირდებოდა.

საკუთარი ინფორმაცია


გაზეთი "24 საათის" გამოცემაელი შპს "გზა". რედაქტორ-გამომცემელი: გიგოლა ფარულაშვილი, პაატა ვეშაპიძე.

რედაქცია: სოფიო ჩხაიძე (მთავარი რედაქტორი), ლევან ღირსიაშვილი (მმართველი რედაქტორი). რედაქტორები: შალვა ჯანაშია (საზოგადოება, Weekend), ინგა ალაიძე (სამართალი), დავით ნინიკაშვილი (ბიზნესი), სოფო კილასნიანი (რეკლამა), ანა ფარულაშვილი (სპორტი). **რედაქცია და მარკეტინგის მენეჯერი** ირაკლი ლევაია ტელ: 899 22 09 49. **მომხმარებელი ცენტრი:** თამაზ ჩხაიძე (მენეჯერი), არმა ვიშკარაძე, დიმიტრი შალვაშვილი, თენგიზ ქორია, ნინო ყავლაშვილი

რედაქციის მისამართი: თბილისი, 01-86. **ირაკლი გამრეკელი ქ.51. ტელ:** 20-24-24, 31-91-03 (06, 07), 31-93-90 (91). **ფაქსი:** 31-93-86. **ელ-ფოსტა:** public@24hours.ge

რუსეთის ერთადერთი მოკავშირე

ნოდარ ლავროვი



დღეს მოვალე ვარ... არა, მოვალე კი ვარ, მაგრამ მსურს კიდევ დავუბრუნდე ჩემს სტატიას "ცუდად მიჯაჭვული პრომეთე", რომელიც 24 აგვისტოს დაიბეჭდა. სტატიაში საუბარი იყო ეკონომიკური განვითარების ყოფილი მინისტრ ლაშა ჟვანიას ბოლო ბრიფინგზე. მჭევრმეტყველების ნაყალუხვი ნაკადიდან მე მხოლოდ ერთი ეპიზოდი გამოვყავი: ყოფილმა მინისტრმა მადლობა გადაუხადა ტელეკომპანია "იმედის" ჟურნალისტს, ლელა ნიკლაურს შემდეგი სიტყვებისათვის: "ძალიან არ მსიამოვნებს, რომ თქვენზე ნეგატიურ სიუჟეტს მაკეთებინებენ". ახლა უკვე არ მადარდებს, რამდენად სწორად ვიმეორებ ლაშა ჟვანიას ნათქვამს, რადგან საგვებით დარწმუნებული ვარ: ჟურნალისტს არასოდეს წარმოუთქვამს ეს სიტყვები.

რატომ ვარ ასე დარწმუნებული? 24 აგვისტოს სტატიაში მე განვიხილე ორი შესაძლო შემთხვევა: 1) ჟურნალისტს მართლაც "აკეთებინებდნენ" ნეგატიურ სიუჟეტს; 2) ჟურნალისტმა უბრალოდ იცრუა, რათა მინისტრთან ურთიერთობა არ გაეფუჭებინა. რამდენიმე დღის წინ მე საშუალება მქონდა ამ შემთხვევისა და ჩემი სტატიის შესახებ პირადად მესაუბრა ლელა ნიკლაურთან. ის არ გაცხარებულა, მაშინვე არ დაუწყია "სიმართლის ძიება", ერთი სიტყვით, არ ჰქონია სტანდარტული რეაქცია: მან უბრალოდ მითხრა, რომ მე გამომჩნა მესამე შესაძლებლობა, ანუ ის, რომ იცრუა ყოფილმა მინისტრმა... ამგვარმა ემოციურმა ნონასწორობამ მეტი ადამიანური დამაჯერებლობა შესძინა ჟურნალისტის სიტყვებს. თანაც ადამიანურის გარდა ამას ფაქტობრივი დამაჯერებლობაც ახლდა თან, მაგრამ ამის აქ გამჟღავნება სრულიად ზედმეტია — ისედაც კვირაში ერთხელ ვხვდები მკითხველს და ვილაყ ყოფილი ფუნქციონერის ცხოვრებიდან რაღაც წვრილმანი ჭეშმარიტებების ჩამოთვლას რატომ დავაკარგვინებ სიცოცხლის ძვირფასი წუთები?

უბრალოდ ვალიარებ, რომ ავყვივ ერთ ცდუნებას და არ გავითვალისწინებ ერთი გარემოება. ცდუნება ის იყო, რომ განხილული ორი შესაძლებლობა ზოგადი მსჯელობის საბაზს მძღვედა, ლაშა ჟვანიას თუმცა ხმამაღალი, მაგრამ მაინც ყოფითი თავხედობა კი, აბა, რის მაგალითად გამოდგება? — მხრების აჩქრვადაც არ ღირს.

გარემოება კი შემდეგია: ცხოვრებისეული გამოცდილება ადრე თუ გვიან ყველას გვარწმუნებს, რომ ყველაფერი მოსალოდნელია. ვინ იფიქრებდა, რომ საქართველოში სააღდგომო ცეცხლის ლამის სამრეწველო მასშტაბებით შემომტანი მინისტრი ბანალური ცრუპეტელა აღმოჩნდებოდა? — საკვირველი არააფერია, რადგან ზედამიწურ რელიგიურობას ამოფარებული ძალაუფლების ნყურვილი არა მარტო პიროვნულ დონეზე ჩნდება...

აი, მაგალითად, რამდენიმე დღის წინათ თითქმის ერთდროულად მოხდა ორი ერთი შეხედვით ურთიერთსაწინააღმდეგო მოვლენა.

პირველი: მოსკოვის საპატრიარქოს გარესაკლესიო ურთიერთობათა განყოფილებამ განაცხადა, რომ "საქართველოს პოლიტიკური საზღვრების ცვლილება არ ნიშნავს საქართველოს მართლმადიდებელი ეკლესიის კანონიკური ტერიტორიის ცვლილებას" — რატომღაც თითქმის ყველამ გაიხარა, არქა, მოსკოვის საპატრიარქო ჩვენს მხარეზეაო. არადა ვერ გავიგე, რა არის სასიხარულო იმაში, როცა შენი პოლიტიკური საზღვრების შევიწროებას სრულიად უეჭველ ფაქტად აღიარებენ.

მაგრამ ნუ ვიჩქარებთ. სანამ გონების ვარჯიშს დაიწყებდეთ, ოდნავ გავ-

ხურდეთ.

განცხადებას ხელს აწერს მთავარეპისკოპოსი ილარიონ ალფევეი, რომელსაც მოსკოვის საპატრიარქოსთან დაახლოებულ წრეებში დღემდე შერჩა ბავშვობისდროინდელი სახელი "ილარიოსიკ". საკვირველი არაფერია:

მთავარეპისკოპოსი ილარიონი ბავშვობიდანვე იყო მოსკოვისა და სრულიად რუსეთის ახლანდელი პატრიარქის, კირილეს ფავორიტი. დანამდვილებით ვერ გეტყვით, რამ იმოქმედა, ოქროსფერი ღიზილით ახლადშემოსილმა სანდომიანმა პირისახემ თუ მუდამდღე ეგზალტირებული დეიკოს ჰიპერაქტიურობამ, მაგრამ ილარიონმა ადრეულ ასაკში მიიღო ილუმენის ნოდება და თეოლოგურ განათლებასაც საზღვარგარეთ დაუფლდა. ამ განხრით რამდენიმე წიგნი აქვს დაწერილი. ერთხელ ჩვენი გზები ვატიკანის აღმოსავლური ინსტიტუტის ბიბლიოთეკაში გადაიკვეთა, სადაც რუსეთის ეკლესიის ნებიერმა წარმომადგენელმა ბიზანტიური ასპექტიზმის შესასწავლად შემოიარა.

მაგრამ საბოლოოდ არც ლოცვით მოსაგრობას დასდგომია და არც მეცნიერის გზა აუჩქარებია: ბიუროკრატის კარიერა უფრო სანუკვარი აღმოჩნდა. კირილემ ილარიოსიკი ვერც მუხლების გადასატყავებლად გაიმეტა და ვერც მუხლის დასანაოჭებლად: ჯერ საკუთარ თანაშემწედ აქცია საგარეო განყოფილებაში, ხოლო მფარველის გაპატრიარქების შემდეგ თვით ახალგზარდა პროტეჟე იქცა უწყების ხელმძღვანელად.

გარდა ამისა, საკმაოდ დიდი ხნის წინ ახლად შეღერებული ილარიოსიკი დედამ, ვალერია ალფევეამ საქართველოში ჩამოიყვანა. ვაჟთან ერთად ამ ქალბატონმა რამდენიმე კვირა დაჰყო ბეთანიის მონასტერში და ამის შემდეგ დაწერა რომანი "ჯვარი", უფრო სწორად, "დჟვარი", რომელიც 1989 წელს გამოქვეყნდა ჟურნალში "ნოვი მირ" (N 7). რომანში, რომლის სატიტულო ფურცელს ამკობს წარწერა — "ფუძენი ჩემს ვაჟს" — აღწერილია, როგორ უშედეგოდ ცდილობს მამათა მონასტერში შენიზნული რუსი ბავშვიანი ქალი ქართველი წინამძღვრის შეცდენას.

მაგრამ ეს ჯერ კიდევ არ არის ყველაფერი: ილარიონ ალფევეი სიყრმეში იყო საქართველოს სამოციქულო ეკ-

ლესიის კათოლიკოს-პატრიარქის, ილია მეორის სულიერი შვილი და სტიქაროსანი! — სხვა სიტყვებით კი, იგივე წარმოშობა ჰქონია, რაც ლაშა ჟვანიას... რომ არაფერი ვთქვათ, გიგი უფულავაზე, კობა სუბეზინასა და ჩვენი პოლიტიკურ-სოციალური ზეცის სხვა ნაკლებად კამკამა მნათობებზე.

როგორც ვხედავთ, "ილარიოსიკს" საკმაოდ ძლიერი პირადი საფუძველი აქვს იმისათვის, რომ გვაჩუქოს ის, რაც ისედაც გვეკუთვნება და ყოველთვის გვეკუთვნება — საქართველოს სამოციქულო ეკლესიის კანონიკური ტერიტორია.

მეორე მოვლენა, რომელიც თითქოს ეწინააღმდეგება მოსკოვის საპატრიარქოს ამ გულუხვ ძღვენს, არის აფხაზეთში რამდენიმე სამღვდლო პირის დემარში: ცხუმ-აფხაზეთის ეპარქიის გაუქმება და აფხაზეთის დამოუკიდებელი ეკლესიის დაარსება. ამაზე გაგორება არ ღირს, რადგან კათოლიკოს-პატრიარქმა, ილია მეორემ საგვებით ამოწურა საკითხი, როცა განაცხადა შემდეგი: "აფხაზეთის დამოუკიდებელ ეკლესიაზე ლაპარაკი არასერიოზულია. არაფის აქვს დამოუკიდებლობის გამოცხადების უფლება დედა ეკლესიის გარეშე".

ერთი მხრივ, განცხადება მართლაც დამამიდებელია, მაგრამ საქმე არც ისე მარტივადია. სირთულეში გასარკვევად კვლავ ერთმორწმუნე ძმებს მივმართოთ: ამჯერად ყველაზე პროდუქტიული საეკლესიო იდეოლოგი, დიაკონი ანდრია კურავეი უნდა გავიხსენოთ. ამ სუბიექტის გასაცნობად ერთი ეპიზოდი კმარა: მახსოვს, მოსკოვის ჩრდილოეთით, დუბნაში ვიყავით, როცა ვილაყ ახალმოქცეულმა ქალბატონმა ჰკითხა, მამაო, ორი სიტყვით გამოთქვით ქრისტიანობის არსიო. კურავეი არც დაფიქრებულა: "ორი სიტყვით თუ გნებავთ, ასე იქნება: მოინანიეთ, ნაბიჭვრებო!".

მაგრამ დავუბრუნდეთ ჩვენს საქმეს. 2008 წლის 15 დეკემბრით დათარიღებულ სტატიაში "საეკლესიო პოლიტიკის აფხაზური კვანძი" ანდრია კურავეი წერდა: "ჩვენი ქართველი პატრიარქი აფხაზეთში გვიჭირავს, ის კი უკრაინით გვაკავებს".

ნუ ვიქნებით გულუბრყვილონი და ნუ ვიფიქრებთ, თითქოს აფხაზეთის სტიქმატები მოსკოვური დირექტივის

გარეშე მოქმედებენ. მაგრამ რას მიგვანიშნებს მოსკოვის საპატრიარქოს ეს ორმაგი დარტყმა?

იმას, რომ საქართველოში ხელოვნურად გათამამდა, ასე ვთქვათ, უკრაინის ვითარება. უკრაინაში კანონიერად ხელდასხმული მიტროპოლიტის, ფილარეტის იურისდიქციაში მყოფი მრევლი უკვე კარგა ხანია ესწრაფვის ავტოკეფალიასა და მოსკოვის საპატრიარქოსაგან დამოუკიდებლობას.

ამ საკითხის განდევნებაზე არსებითად იმოქმედებს საქართველოს ეკლესიის პოზიცია. ამას არც ანდრია კურავეი მალავს: "საკმარისია განვაცხადოთ აფხაზეთისა და სამხრეთ ოსეთის გამოყოფა საქართველოს ეკლესიისგან, რომ ჩვენ ვკარგავთ ერთადერთ მოკავშირეს კონსტანტინოპოლთან უკრაინის თემაზე შესაძლო დიალოგში". ამიტომაც მიგვანიშნებს რუსეთის საპატრიარქო: მხარი დაუჭირეთ ჩემს ინტერესებს, თორემ სტიქმატები თქვენთანაც არიანო. მაგრამ დააკვირდით და ნუ გამოგრჩებათ გულახდილობის მწვერვალზე მოკიფე განსაზღვრება: "ერთადერთი მოკავშირე".

ახლა კი ვნახოთ, რითი ყიდულობს მესამე რომი თავის ერთადერთ მოკავშირეს.

გამეორება, მოგეხსენებათ, ცოდნის დედაა. ჰოდა, ცხადად დაყვენით ერთმანეთის პირისპირ უკვე ნახსენები ორი მოსკოვის:

1) მოსკოვის საპატრიარქო აცხადებს, რომ საქართველოს სამოციქულო ეკლესიის კანონიკური ტერიტორია ხელშეუხებელია. ასეთივე წარმტებით შეიძლება განაცხადოს, რომ ზაფხულში თბილა, ან რომ წყალი სველია. მაგრამ აქ თეორიული მხარე ნაკლებად მნიშვნელოვანია: საქმე ისაა, რომ მოსკოვის საპატრიარქო ვერანაირად ვერ შეცვლის რუსეთის სამხედრო მანქანის მიერ დამყარებულ რეალურ ვითარებას. ანდრია კურავეი ამაზე წერს: "ვთქვათ, შეუშვეს ქართველი მღვდლები აფხაზეთში. ვთქვათ, გამოვიდნენ ისინი სოხუმის მიუდანუვ და მიმართეს აფხაზებს ქართულად ... რაო, აფხაზები მაშინვე მუხლს მოიყრიან და ხელს გაიწოდებენ ... ?!". აქ სწავლული დიაკონი, რა თქმა უნდა, დაუშვებლად ამარტივებს სურათს. ასეთივე წარმტებით შეიძლება შევუტრილოთ მისივე ნათქვამი და "რუსი მღვდლები" ჩავენერთო... მაგრამ ნუ ავღელდებით: ერთი რამ ნამდვილად მართალია: ოდენ საეკლესიო სახსრებით პოლიტიკური მდგომარეობის შეცვლა შეუძლებელია და რომ არა რუსული პოლიტიკის შეგნებული თანხმობა, ვერც ქართველი სამღვდლოება გახსნიდა ომის დროს ჰუმანიტარულ დერეფანს.

2) ამავე დროს მარცხენა ხელით (რომელმაც, მიუხედავად ყველაფრისა, მინც მშვენივრად იცის, რასა იქმს მარჯვენა) მოსკოვის საპატრიარქო აგულიანებს მღვდელ ბესარიონ აფლიას (ოდესლაც გუდაუთის ბაზარზე ის ფილიას გვარით აბრუყავებდა) და საქართველოს კანონიკურ ტერიტორიაზე ახალი დამოუკიდებელი ეკლესიის გამოცხადებისკენ უბიძგებს. ამგვარად საქართველოს ეკლესიის წიაღში ხდება რუსულ-უკრაინული კონფლიქტის სიმულირება. მაგრამ სიმულირების ხარისხი დაბალია: ეს ორი ვითარება ერთ-

მანეთს სულაც არა ჰგავს, რადგან არსებობს ეკლესიურობის ურღვევი პრინციპი: სადაც ეპისკოპოსია, იქ არის ეკლესია. შეიძლება გამოვთქვათ ნეგატიურადაც: სადაც არ არის ეპისკოპოსი, ეკლესია ვერ იქნება.

უკრაინელ მორწმუნეებს ჰყავთ ავტოკეფალიისა და მოსკოვისგან დამოუკიდებლობის მომხრე კანონიერად დადგენილი ეპისკოპოსები, აფხაზ სტიქმატებს კი კანონიერი ეპისკოპოსი პრინციპულად ვერ ეყოლებათ, რადგან მათთვის ეპისკოპოსის დადგენით რუსები ამკარად დაარღვევენ საეკლესიო კანონებს და ამას არავინ სცნობს.

ქრისტიანულ ასპექტიკაში ფართოდ გავრცელებული აზრის თანახმად, ემპიკი ღმერთის მაიმუნია: ბაძავს შემოქმედს, მისი ადგილის დაჭერა სურს, მაგრამ ვერ ახერხებს. პრაქტიკულად, მოსკოვის საპატრიარქო რუსეთის ხელისუფლების მაიმუნია. რადგან რუსეთ-უკრაინის კი არა, რუსეთ-საქართველოს ომის შედეგად გაიმეორა. აკირუსეთის მთავრობაც აცხადებს, რომ აფხაზეთი და სამხრეთ ოსეთი დამოუკიდებელი სახელმწიფოებიაო, მაგრამ დამოუკიდებლობის არც ერთს არაფერი სცხია. ჰოდა, აქაც იმავეს ვიღებთ: ხუთი მღვდელი დამოუკიდებელ ეკლესიას აცხადებს, რეალურად კი ალბათ სტაფორპოლის ეპარქიის დანამატი იგულისხმება...

ამ კონტექსტში ილია მეორის სიტყვები, რომ "დედა ეკლესიის გარეშე არაფის არა აქვს დამოუკიდებლობის გამოცხადების უფლება", კარგავს საიმედო საზრისს და რუსეთის ერთადერთი მოკავშირის ბუნებრივ განცხადებად იქცევა: გამოდის, რომ არც უკრაინელ ეპარქიას ჰქონია "დედა ეკლესიის" გარეშე დამოუკიდებლობის გამოცხადების უფლება. და ეს მაშინ, როცა კონსტანტინოპოლის პატრიარქმა ბართლომე უკრაინელი ერისადმი მიმართვაში ნათლად აღნიშნა, რომ უკრაინის ეკლესია ანექსირებულ იქნა რუსეთის სახელმწიფოს მიერ 1687 წელს პეტერ პორევის გავლენით.

"ერთადერთი მოკავშირე" ყველა დონეზე ავლენს თავს. მაგალითად, ახლახან ვნახეთ სამღვდლოთა და საერთოა აქციები "სოკარის" ბენზინის ჩამომსხმელ პუნქტებთან: თურმე "სოკარს" საქართველოს მეჩეთებით ავგების განზრახვა ჰქონია. მაგრამ საკმარისია ოდნავ ღრმად შევხედოთ, აღმოვაჩინოთ, თუ რა სწონს ორულ-ბენეფიციარული სიაბიტილობა სუფევს "მართლმადიდებელ მშობელთა კავშირსა" და "სოკარის" კონკურენტ "ლუკოილს" შორის, რომ აქციების ნამდვილი მოტივაცია მაშინვე გასაგები გახდება.

ამიტომ დროა საეკლესიო სფეროშიც სიხუსტე და გამჭვირვალება შემოვიღოთ: აფხაზეთი იმიტომ კი ვერ გამოცხადებენ ავტოკეფალიას, რომ დედა ეკლესიას ვერავინ უფანებს, არამედ იმიტომ, რომ ეს რუსული ანექსიის დაუფარავი ნიშანი იქნება. ხოლო უკრაინის ეკლესიის დამოუკიდებლობისკენ სწრაფვა დედა ეკლესიისაგან მოწყვეტას კი არა, რუსული ანექსიისაგან გათავისუფლებას ნიშნავს.

ბოლოს და ბოლოს, გავახილოთ თვალები, დავინახოთ, რომ ჩვენს მოკავშირეობას მოსკოვის საპატრიარქო გახვრეტლი კაპიკანებზე ყიდულობს, და ვალიაროთ, რომ უკრაინელი მართლმადიდებლების მხარდაჭერაზე უარი არა ჭეშმარიტების დაცვა იქნება, არამედ რუსული პოლიტიკის ბრმა მორჩილება. უკრაინის საკითხში მოსკოვის პოზიციის გაზიარებით საქართველოს საპატრიარქო იმავე ფუნქციას შესაძლებლად აღმოსავლეთ საქრისტიანოში, რასაც საერთაშორისო პოლიტიკაში დანიელ ორტეგა და უგო ჩავესი ასრულებენ.

დიმიტრი მედევეცი: რუსეთი სამხრეთ ოსეთის მხარდაჭერას გააგრძელებს

რუსეთი კვლავ გააგრძელებს სამხრეთ ოსეთის მხარდაჭერას რესპუბლიკის სოციალურ-ეკონომიკური განვითარების მიზნით. ამის შესახებ ნათქვამია რუსეთის ფედერაციის პრეზიდენტ დიმიტრი მედევეციის მისალოც წერილში, რომელიც მან ე.წ. სამხრეთ ოსეთის პრეზიდენტ ედუარდ კოკოითს რესპუბლიკის დღესთან (დამოუკიდებლობის დღე, რედ.) დაკავშირებით გაუგზავნა.

კრემლის პრესსამსახურის ინფორმაციით, პრეზიდენტი მედევეცი წერილში აღნიშნავს, რომ "დროში გამოცდილმა მეგობრობამ და რუს და სამხრეთ ოსეთის ხალხებს შორის თანამშრომლობამ სახელმწიფოთაშორისი საზომი შეიძინა. სუვერენული სამხრეთ ოსეთი დარწმუნებით წყვეტს ეკონომიკისა და სოციალური სფეროს ამოცანებს, აყალიბებს ხელისუფლების დემოკრატიული ინსტიტუტებისა და ადგილობრივი თვითმმართველობის საქმიანობას".

მედევეცი თავის წერილში აღნიშნავს, რომ ერთობლივ მუშაობას სახელმწიფოებო სამართლებრივი ბაზის ფორმირებისა და ორი სახელმწიფოს შემდგომი ურთიერთქმედებისათვის კონკრეტული შედეგები მოაქვს ინფრასტრუქტურის აღდგენისა და მშენებლობის, "სახელმწიფო საზღვრის გამაგრების, რეგიონში უსაფრთხოებისა და სტაბილურობის" მხრივ.

დიმიტრი მედევეცი აღნიშნავს, რომ რუსეთი კვლავაც გააგრძელებს მეგობარი სამხრეთ ოსეთის ხალხის ყოველმხრივ მხარდაჭერას "რესპუბლიკის სოციალურ-ეკონომიკური აღმავლობის უზრუნველსაყოფად".

რუსეთის პრეზიდენტმა სამხრეთ ოსეთის ხალხს და ედუარდ კოკოითს "დამოუკიდებელი, დემოკრატიული და აყვავებული სახელმწიფოს მშენებლობაში" შემდგომი წარმატებები უსურვა.

სამოქალაქო-სამართლებრივ ხელშეკრულებებზე კომერციული საიდუმლოების სტატუსის მოხსნის შესახებ ბიუროს ახალი ინიციატივა წარედგინება

"ქრისტიან-დემოკრატები" პარლამენტის ბიუროს ახალი ინიციატივას წარუდგენენ. ახალი ინიციატივით, "ქრისტიან-დემოკრატები" სახელმწიფო საკუთრებაში არსებული ქონების გასხვისების ან მართვაში გადაცემის შესახებ ხელშეკრულებებზე კომერციული საიდუმლოების სტატუსის მოხსნას ითხოვენ.

"ქრისტიან-დემოკრატები" მიიჩნევენ, რომ არ შეიძლება საიდუმლო იყოს სამოქალაქო-სამართლებრივი ხელშეკრულება, რომელიც უკავშირდება სახელმწიფო საკუთრებაში არსებული ქონების გასხვისებას ან მართვის გადაცემას.

როგორც ლევან ვეფხვაძე აცხადებს, აღნიშნული დოკუმენტის საჯაროობა საზოგადოების ლეგიტიმური უფლებაა.

ვეფხვაძემ გასაიდუმლოების მაგალითად ენგურშესთან დაკავშირებული საქმე დაასახელა, როდესაც კომერციული საიდუმლოების მოცივით, ენერგეტიკის სამინისტრომ ხელმოწერილი შეთანხმების მედიისთვის გადაცემაზე უარი თქვა.

მისი თქმით, მსგავსი პრობლემა "ენერგო-პრო ფორჯისთან" გაფორმებული ხელშეკრულების ირგვლივაც არის, რადგან "ქრისტიან-დემოკრატებს" მოთხოვნაზე, სამინისტროს მოეწოდებინა ხელშეკრულება, რომ გაეგოთ, რა პირობებით მოხდა თავის დროზე საქართველოს ელექტროენერჯის სადისტრიბუციო ქსელის გადაცემა, უარი მიიღეს.

საკანონმდებლო ინიციატივის წარდგენის გარდა, "ქრისტიან-დემოკრატები" აღნიშნულ საკითხზე პარლამენტში სამთავრობო საათზე ენერგეტიკის მინისტრ ალექსანდრე ხეთაგურის დაბარებასაც აპირებენ, რათა მისგან მოისმინონ ახსნა-განმარტება, თუ რა ღონისძიებებს გეგმავს სახელმწიფო მომხმარებელთა უფლებების დარღვევის, მათ შორის კოლექტიური მრიცხველების პრობლემის აღმოსაფხვრელად და გაზრდილი ტარიფების შესამცირებლად.

სეპარატისტულმა აფხაზეთმა რუსეთთან სოფლის მეურნეობის სფეროში ურთიერთგაგების მემორანდუმი გააფორმეს

რუსეთის სოფლის მეურნეობის სამინისტრომ და სეპარატისტული აფხაზეთის ე.წ. სოფლის მეურნეობის სამინისტრომ ურთიერთგაგების მემორანდუმი გააფორმეს. მემორანდუმს ხელი რუსეთის სოფლის მეურნეობის მინისტრმა ელენა სკრინიკმა და სეპარატისტულ სოფლის მეურნეობის ე.წ. მინისტრმა იური აკამამ მოაწერეს. ხელმოწერა სოჭში მიმდინარე საერთაშორისო ინვესტიციური ფორუმის ფარგლებში გაიმართა.

"ურთიერთხელსაყრელი თანამშრომლობა რუსეთსა და აფხაზეთს შორის განხორციელდება შემდეგი მიმართულებებით: მცენარეთმცოდნეობა, მეცხოველეობა, აგროსამრეწველო წარმოების ავტომატიზაცია და სოფლის მეურნეობის კულტურების წარმოება-გადამუშავება," - განაცხადა რუსეთის სოფლის მეურნეობის მინისტრმა ელენა სკრინიკმა.

მისივე თქმით, გარდა ამისა, აფხაზეთსა და რუსეთს შორის თანამშრომლობის ფარგლებში ასევე განხორციელდება სპეციალისტთა გაცვლა და ინფორმაციებისა და ტექნოლოგიების ურთიერთგაზიარება.

Coca-Cola პირველია



პირველი გვირგვინი

პირველი ათეულის ბრენდებიდან გაიზარდა Coca-Cola-ს და IBM-ის ლირებულება, შესაბამისად, 3 და 2 პროცენტით. სამაგიეროდ, მნიშვნელოვნად დაეცა პირველი ხუთეულის დანარჩენი ბრენდების ლირებულება, მათ შორის ყველაზე ძლიერად General Electric-ის - 10%-ით. მსოფლიოს ყველაზე უფრო მზარდ ბრენდად უკანასკნელი სამი წლის განმავლობაში რჩება Google, რომლის ლირებულებამაც უკანასკნელი წლის განმავლობაში დაახლოებით 25%-ით მოიმატა.

ბრენდი არ არის მხოლოდ სახელი და ლოგო. ის არის მოცემული კომპანიის პროდუქციის ან

მომსახურების ხარისხისა და ინდივიდუალობის ყველაზე სრული მახასიათებელი, რომელიც ცნობილია მომხმარებლისთვის. კომპანიის ლირებულებისგან, აქციების ფასისაგან და, შესაბამისად, კაპიტალიზაციისგან (კაპიტალიზაცია არის კომპანიის ყველა აქციის ფასი და შეესაბამება კომპანიის საბაზრო ფასს) განსხვავებით ბრენდის ლირებულება ნაკლებად მერყევიანია (ვოლატილური). ბევრი ანალიტიკოსის აზრით, სწორედ ბრენდი წარმოადგენს კომპანიის ყველაზე ლირებულ აქტივს.

ამის მაგალითად შეიძლება მოვიყვანოთ იგივე Coca-Cola. კრიზისის პირველ თვეებში კომპანიის აქციების ფასი 37.5 დოლარამდე დაეცა. შესაბამისად

მნიშვნელოვნად შემცირდა კომპანიის კაპიტალიზაცია. ამავე დროს თითქმის არ შეცვლილა ბრენდის ლირებულება. Coca-Cola-ს მიმდინარე კაპიტალიზაცია არის დაახლოებით 71 მილიარდი დოლარი.

მსოფლიო კრიზისის ზეგავლენა მოცემულ სიაზე აისახა ფინანსური ინსტიტუტების ბრენდების ლირებულების დაცემით. მაგალითად, American Express-ი იყო მე-15, გახდა 22, HSBC იყო 27, გახდა 32.

ავტომობილის მწარმოებელი კომპანიების ბრენდებში ლიდერობს ტოიოტა, რომელმაც შეინარჩუნა ადგილი ათეულში, თუმცა მეექვსედან მერვე ადგილზე ჩამოქვეითდა. მე-12 ადგილზეა მერსედეს-ბენცი, რომ-

ლის ლირებულებაც 7%-ით შემცირდა. ამერიკული ავტომწარმოებელი კომპანიებიდან სიაში დარჩა მხოლოდ ფორდი, რომელმაც 49 ადგილი შეინარჩუნა.

მთლიანობაში მსოფლიოს ყველაზე ძვირად ღირებულ ბრენდების სია კარგად ასახავს მნიშვნელოვან ცვლილებებს, რომელიც მოხდა მსოფლიო ეკონომიკაში მიმდინარე კრიზისის შედეგად, აგრეთვე ძალთა თანაფარდობას მსოფლიო ეკონომიკის სხვადასხვა დარგებში. სისათავეში კვლავ რჩებიან ძველი ლიდერები, მაგრამ სიის ანალიზი გვაჩვენებს, რომ მსოფლიო ბიზნესში იკვეთებიან ახალი ლიდერები, რომლებმაც უნდა შეცვალონ მსოფლიო ეკონომიკის სახე ოცდამეერთე საუკუნეში.

bmi-ის ელექტრონულ ბილეთს ტურისტული სააგენტოების გაყიდვას

სოფო ანხლადი

ბრიტანულმა ავიაკომპანია bmi-მ საქართველოში ტურისტული სააგენტოებისთვის ელექტრონული ბილეთების პირდაპირი გაყიდვის სისტემა დაწესა. კომპანია პირველია, რომელიც მომხმარებელს ამ ტიპის მომსახურებას სთავაზობს. აქამდე მხოლოდ ავიაკომპანიის ოფისებში იყო შესაძლებელი ელექტრონული ბილეთის შექმნა, რომელიც საკმაოდ მოხერხებულია მგზავრობისათვის. ამიტომაც ის ბილეთის სტანდარტულ ფორმად იქცა როგორც შიდა, ასევე საერთაშორისო მარშრუტებზე. "bmi - პირველი ავიაკომპანია პირდაპირ ტურისტულ ბილეთს ტექნოლოგიური უპირატესობების განვითარების საქმეში მონიშნავს და ახალი ტექნო-

ლოგიების დანერგვაში სწრაფად ახდენს ინვესტირებას, რითაც მგზავრებს მაქსიმალურ სარგებელს სთავაზობს," - აცხადებენ კომპანიაში.

ტურისტული სააგენტო CTS-ი პირველი ქართული სააგენტოა, რომელმაც სექტემბრის დასაწყისში bmi-ს ელექტრონული ბილეთი გაყიდა. CTS-ი არის Carlson Wagonlit Travel-ის წარმომადგენელი საქართველოში და ერთ-ერთი პირველი, რომელმაც ახალი სისტემა გამოსცა. CTS-ის ფინანსურმა დირექტორმა გურამ ცერცვაძემ ამ ფაქტთან დაკავშირებით აღნიშნა: "ელექტრონული ბილეთის სისტემა ძალზე მნიშვნელოვანია ქართული ბაზრისთვის და ტურისტულ სააგენტოებს ტექნოლოგიურ უპირატესობებს სთავაზობს, რაც სამომავლოდ ხარჯების შემცირების

პერსპექტივაში აისახება."

ელექტრონული ბილეთები დიდი უპირატესობებით გამოირჩევა. ავიაბილეთი კლასიკური გაგებით არ იბეჭდება, ფრენის შესახებ ინფორმაცია სისტემაში ციფრული ვერსიით ინახება და საიმედოდ არის დაცული. ეს კი მგზავრს თავიდან აცილებს ისეთ უხერხულობას, როგორცაა ბილეთის დაკარგვა, რადგან არ არის აუცილებელი, რომ მგზავრმა თან იქონიოს ბილეთი. ელექტრონული ბილეთი გაიცემა მომენტალურად და მგზავრს დროის დაკარგვა აღარ უნევს. ელექტრონული ბილეთი მგზავრს სხვა მომსახურებით სარგებლობის უპირატესობასაც სთავაზობს.

აღსანიშნავია, რომ ახლო მომავალში bmi-ის ელექტრონული ბილეთების გაყიდვის სისტემით სხვა IATA-ს (საჰაერო ტრანსპორტის საერთაშორ-

ისო ასოციაცია) წევრი ქართული ტურისტული სააგენტოებიც ისარგებლებენ.

bmi მსოფლიოში ავიახაზების ყველაზე დიდი ალიანსის (Star Alliance) წევრია, რომელიც 1997 წელს დაფუძნდა. იგი მსოფლიოში პირველი, ავიახაზების ალიანსია და მომხმარებელს წყნარი და მშვიდი მგზავრობის გამოცდილებას სთავაზობს. Star Alliance-მა მსოფლიო ბაზარზე საავიაციო ლიდერობა 2008 წელს მოიპოვა და მიენიჭა ყველაზე საუკეთესო ალიანსის წევრის სტატუსი 2003, 2006, 2007, 2008 წლის Business Traveller Magazine-ის და Skytrax-ის 2003, 2005, 2007 და 2009 წლის შედეგების შესაბამისად. Star Alliance-ის ქსელი ყოველდღიურად ანხორციელებს 17 000 რეისს 916 დანიშნულების ადგილზე 160 ქვეყანაში.

ბორის ბერეზოვსკი საქართველოში არ ყოფილა

შს სამინისტრო ბორის ბერეზოვსკის საქართველოში ჩამოსვლის შესახებ ინფორმაციას არ ფლობს.

შს სამინისტროს ანალიტიკური დეპარტამენტის უფროსის შოთა უტიასვილის განცხადებით, ბერეზოვსკი საქართველოში არ ყოფილა.

არადა, გავრცელებული ინფორმაციით, დიდ ბრიტანეთში მცხოვრები რუსეთის მიერ დევნილი ოლიგარქი ბორის ბერეზოვსკი 11 სექტემბერს თბილისში იყო და ბადრი პატარკაციშვილის საფლავზეც მივიდა. მისი თვითმფრინავი თბილისის საერთაშორისო აეროპორტში 17 სექტემბერსაც დაფიქსირდა. **ინტერპრესნიუსი**

ადვოკატი დააკავეს

საქართველოს მთავარი პროკურატურის სამსახურებრივი ინსპექტირების დეპარტამენტმა დააკავეს ადვოკატი კახა ვიბლიანი. გამოძიების მტკიცებით, ადვოკატმა ყაჩაღობისა და ქურდობისთვის ბრალდებულ რაფაელ ისაევს და მისი ოჯახის წევრებს საპროცესო შეთანხმების დადების მოტივით, მოტყუებით გამოართვა და მიისაკუთრა 50 ათასი ლარი. მოგვიანებით კი მსჯავრდებულ რაფაელ ისაევს და მის ახლო ნათესავებს უკვე შეწყალებით განთავისუფლების სანაცვლოდ გამოართვა 15 ათასი დოლარი.

გარდა ამისა, კახა ვიბლიანმა, ნარკოტიკული საშუალებების შეძენა-შენახვისათვის მსჯავრდებულ ვიტალი ტადიევის შეწყალების გზით განთავისუფლების სანაცვლოდ თაღლითურად მიისაკუთრა 18 ათასი დოლარი.

კახა ვიბლიანს ჩხრეკისას აღმოაჩნდა დაახლოებით 14 ათასი დოლარი. მას ბრალი დიდი ოდენობით სხვისი კუთვნილი თანხის თაღლითურად დაუფლებისათვის წარედგინა, რაც თავისუფლების აღკვეთას 6-დან 9 წლამდე ითვალისწინებს. **ჯი-ეიჩ-ენი**

საკანონმდებლო ცვლილებები პრობაციონერებისთვის

პრობაციონერის მიერ საზღვრის უნებართვოდ გადაკვეთისთვის ან გადაკვეთის მცდელობისთვის პასუხისმგებლობა წესდება.

ამ საკითხს "არასაპატიმრო სასჯელთა აღსრულების წესისა და პრობაციის შესახებ" კანონში ცვლილებების პროექტი ითვალისწინებს.

როგორც კანონპროექტის ავტორები აცხადებენ, გასული წლების პრაქტიკის ანალიზმა აჩვენა, რომ მსჯავრდებულები ხშირ შემთხვევაში უნებართვოდ ტოვებდნენ საზღვარს, რაც შემდგომ მათზე ძეზნის გამოცხადების საფუძველი ხდებოდა.

კანონპროექტით კი, პრობაციონერის მიერ საზღვარგარეთ გამგზავრების ნებართვის გარეშე საზღვრის გაკვეთა ან გადაკვეთის მცდელობა 500-დან 1000 ლარამდე დაჯარიმდება. სასჯელის ფორმად განისაზღვრება ადმინისტრაციული პატიმრობაც 30 დღემდე ვადით.

კანონპროექტის ავტორი და ინიციატორი პარლამენტის იურიდიულ საკითხთა კომიტეტია. რაც შეეხება პრობაციონერის საზღვარგარეთ გამგზავრების ნებართვას, მისი მიღება გარკვეული საფასურის გადახდის შემდეგ იქნება შესაძლებელი. **ინტერპრესნიუსი**

მუხროვანის აბოხის სასამართლო განხილვა

პირველი ბაიროლიდან

გია ღვალაძე ბოლო სასამართლო სხდომაზე უნდა დაკითხულიყო, თუმცა, ის შეუძლოდ გახდა. ამბოხების საქმეში ძირითადი ბრალდებულები - ყოფილი სამხედრო მალაჩინოსნები სასამართლოს ჩენებას სწორედ გია ღვალაძის დკითხვის შემდეგ მისცემენ.

სწორედ გია ღვალაძე გახლავთ იმ ფარული ოპერატიული ვიდეომასალების მთავარი გმირი, რომლებიც, თავის დროზე, შინაგან საქმეთა სამინისტრომ გამოაქვეყნა. მუხროვანის სამხედრო ნაწილში მომხდარი ამბოხის შესახებ ინფორმაცია სწორედ ამ ოპერატიული ვიდეომასალების საშუალებით გახდა ცნობილი. ფარულ ვიდეოჩანაწერებში ბატალიონ "დელტას"

ყოფილი ხელმძღვანელი გია ღვალაძე რამდენიმე პიროვნებასთან ერთად სამხედრო ამბოხების დეტალებზე საუბრობდა.

შინაგან საქმეთა სამინისტროს მიერ გავრცელებულ ფარულ ვიდეო-ჩანაწერში, სამხედრო ამბოხში ეჭვმიტანილი გია ღვალაძე რამდენიმე გენერალსა და ყოფილ პოლიტიკურ ფიგურას ასახელებდა, რომლებიც, მისივე თქმით, ამბოხებულთა გვერდით იდგნენ. ფარულ ვიდეოჩანაწერში გია ღვალაძე აცხადებდა, რომ ხელისუფლების შეცვლის შემდეგ საქართველოში დაბრუნდებოდნენ ასლან აბაშიძე, ქიბარ ხალვაში, ლევან მამალაძე და ლევან პირველი. ამბოხებულთა გვერდით მყოფთა კონტექსტში ის ასევე ვინმე კანდელაკს ასახელებდა. ფარულ ვიდეოჩანაწერში

გია ღვალაძე აცხადებდა რომ ამბოხებულებთან ერთად იქნებოდნენ გია ყარყარაშვილი, დავით თევზაძე, კობა კობალაძე, ჯემალ გახოკიძე, გია კრილაშვილი, ფირცხალიაშვილი.

გია ღვალაძის დაკითხვა, სავარაუდოდ, დიდ ხანს გაგრძელდება, რადგან, მასთან უამრავი კითხვა აქვს, როგორც ბრალდების, ასევე განსასჯელების დაცვის მხერსაც. განსასჯელების ადვოკატები აცხადებენ, რომ პროკურატურის მხრიდან გია ღვალაძის მიმართ ადგილი აქვს ზეწოლას.

"გია ღვალაძეს, მოულოდნელად, ადვოკატი შეუცვალეს და მისი დამცველი სახაზინო ადვოკატი გახდა. პროკურატურა ყველაფერს აკეთებს იმისთვის, რომ გია ღვალაძემ სასამართლო პროცესზე ის

თქვას, რასაც ეტყვიან. სწორედ მის მიერ სასამართლოსთვის მიცემულ ჩვენებაზეა დამოკიდებული საქმისთვის ბეჭეტი რამ," - განაცხადა ჩვენთან საუბრისას ეროვნული გვარდიის ყოფილი სარდლის, გენერალ კობა კობალაძის ინტერესების დამცველმა გელა ნიკოლაიშვილმა. მისი დაცვის ქვეშ მყოფი დანაშაულს არ აღიარებს. დანაშაულს არ აღიარებს ასევე მუხროვანის ბატალიონის ყოფილი მეთაური კობა ოთანაძე.

ადვოკატ გელა ნიკოლაიშვილის განმარტებით, დასაკითხ პირთა განრიგს პროკურატურა ადგენს და როგორც წესი, იმ განსასჯელების დაკითხვა, რომლებიც დანაშაულს არ აღიარებენ, ყველაზე ბოლოს ხდება.

ე.ნ. უდოს კომისიის წევრობის ხუთი არასამთავრობო კანდიდატურა

ბოლო წლების მანძილზე ყბადაღებული პატიმრების ვადაზე ადრე გათავისუფლების საკითხი რამდენიმე დღეში საბოლოოდ მოგვარდება.

"პატიმრების შესახებ" კანონში შეტანილი ცვლილებით, ე.წ. უდოს მუდმივმოქმედი კომისიის პირველი სხდომა სექტემბრის ბოლო დღეებში ჩატარდება. თუმცა, მანამდე ახალი ცვლილებების თანახმად, კომისია ახალი წესით, ახალი წევრებით უნდა დაკომპლექტდეს.

"პატიმრობის შესახებ" კანონში შეტანილი ცვლილებების საფუძველზე შეიცვალა როგორც სასჯელაღსრულების, პრობაციისა და იურიდიული დახმარების საკითხთა სამინისტროს სასჯელაღსრულების დეპარტამენტის მუდმივმოქმედი კომისიის არსებობის ადგილი და ფორმატი, ასევე კომისიაში შემავალ პირთა წრე. კერძოდ, პარლამენტის მიერ მიღებული კანონის მიხედვით, კომისიაში ცხრა წევრი შევა. აქედან ექვსი სამინისტროს წარმომადგენელი იქნება. დარჩენილ სამ ადგილს

კი პარლამენტის უმრავლესობის, მის გარეთ მყოფი დეპუტატების და არასამთავრობო ორგანიზაციის წარმომადგენლები როტაციის პრინციპით დაიკავებენ. ისინი სამ თვეში ერთხელ შეიცვლებიან.

უკვე ცნობილია კომისიის თავმჯდომარის ვინაობა, ამ თანამდებობაზე სასჯელაღსრულების, პრობაციისა და იურიდიული დახმარების საკითხთა მინისტრმა დიმიტრი შაშკინმა თავისი მოადგილე ლევან ზარანდია დანიშნა. კომისიაში პარლამენტის კვოტით უკვე წარდგენილები არიან პარლამენტის უმრავლესობიდან გია არსენიშვილი, უმცირესობიდან კი დიმიტრი ლორთქიფანიძე.

სასჯელაღსრულების, პრობაციისა და იურიდიული დახმარების საკითხთა სამინისტროს კომისიაში სულ ექვსი წარმომადგენელი ეყოლება. თუმცა, მათი ვინაობა ჯერ ცნობილი არ არის. როგორც მინისტრმა განაცხადა, უახლოეს დღეებში მოხდება მათი შერჩევა და პრეზენტაცია.

უცნობია არასამთავრობო სექტორის ნდობით აღჭურვილი

პირის საბოლოო ვინაობაც.

რამდენიმე დღის წინ სასჯელაღსრულების, პრობაციისა და იურიდიული დახმარების საკითხთა მინისტრმა არასამთავრობო ორგანიზაციის წარმომადგენლები დაიბარა. შეხვედრაზე მუდმივმოქმედი კომისიის დაკომპლექტებაზე იმსჯელეს.

ამის შემდეგ 20-მდე არასამთავრობო ორგანიზაცია "საქართველოს ახალგაზრდა იურისტთა ასოციაციაში" შეიკრიბა, სადაც ადრეული კენჭისყრის შედეგად 13 კანდიდატურიდან ხუთი კანდიდატურა შეარჩიეს. ესენი არიან "ახალგაზრდა იურისტთა ასოციაციის" თავმჯდომარე თამარ ხიდაშელი, "ადამიანის უფლებათა პრიორიტეტის" ხელმძღვანელი ლია მუხამაგვრია, "კონსტიტუციის 42-ე მუხლის" თავმჯდომარე მანანა კობახიძე, ორგანიზაცია "არ მკითხოს" წარმომადგენელი გია თევზაძე და ყოფილი შურნალისტი თამაზ ბაკურიძე.

შეხვედრა პროტესტის ნიშნად "ახალი თაობა - ახალი ინიციატივის" ხელმძღვანელმა კოკი იონათამიშვილმა დატოვა, რომელიც ხუთ არჩეულ კანდი-

დატს შორის ვერ მოხვდა.

პატიმართა ვადაზე ადრე გათავისუფლების ე.წ. უდოს-ს კომისიაში არასამთავრობო სექტორის ხუთ კანდიდატს სასჯელაღსრულების, პრობაციისა და იურიდიული დახმარების საკითხთა მინისტრს დღეს წარუდგენენ.

საია-ს თავმჯდომარის თამარ ხიდაშელის განცხადებით, ხუთი კანდიდატიდან მინისტრი დიმიტრი შაშკინი პარასკევისთვის ერთს შეარჩევს, რომელიც ე.წ. უდოს-ს კომისიაში არასამთავრობო სექტორის კვოტით შევა.

სასჯელაღსრულების, პრობაციისა და იურიდიული დახმარების საკითხთა მინისტრის დიმიტრი შაშკინის თქმით, ვადაზე ადრე გათავისუფლების, ე.წ. უდოს-ს კომისიის პირველი სხდომა ახალი შემადგენლობით 30-31 სექტემბერს ჩატარდება და კომისია 100-ზე მეტი პატიმრის საქმეს განიხილავს. კომისიის სხდომა კი ყოველი თვის ბოლოს ჩატარდება.

საკუთარი ინფორმაცია

განცხადება

ქალაქ თბილისის N160 საჯარო სკოლა აცხადებს აუქციონს, მის ბალანსზე რიცხული, მოსულიშვილის ქ. N@1-ში მდებარე შენობის I სართულზე 58 მ.კვ ფართობის იჯარით გაცემის თაობაზე. (სკოლის სასადილოს მოწყობისათვის) იჯარის ვადა: 10 წელი - საწყისი ყოველთვიური ქირა 100 ლარი, ბე 100 ლარი, ბილეთის ფასი 5 ლარი, ბიჯი 10 ლარი სკოლის ანგარიშზე ჩარიცხვით. საკონკურსო პირობები:

- 1. ეკოლოგიური, სანიტარულ ჰიგიენური და ხანძარ საწინააღმდეგო პირობების დაცვა;
- 2. საიჯარო ფართში ელექტროენერჯის, წყლის განმხობლობა;
- 3. დაკავებული ფართის მიხედვით ზამთრის პერიოდში პროპორციულად გაზის საფასურის გადახდა;
- 4. ბუფეტის ფუნქციონირებისათვის სხვა აუქცილებელი დოკუმენტაცია;

განაცხადები მიიღება: 2009 წლის 21 სექტემბრიდან 21 ოქტომბრის 1200 საათამდე; აუქციონი - 19.09. 14 საათი. განცხადების წარმოდგენა და დამატებითი ინფორმაციის მიღება შესაძლებელია შემდეგ მისამართზე: ქ. თბილისი, მოსულიშვილის ქუჩა N1. N160-ე საჯარო სკოლა საბანკო რეკვიზიტები: სს "საქართველოს ბანკის" ც.ფ. კოდი 220101502; ა/ნ 119930700.

ტელ: 58 56 34

ტორონტოში ქართული გობონა უგზო-უკვლოდ დაიკარბა

14 სექტემბერს ტორონტოში 17 წლის მარიამ მახნიაშვილი უგზო-უკვლოდ გაუჩინარდა.

ტორონტოს ტელევიზიის ინფორმაციით, მახნიაშვილი 14 სექტემბერს უმცროს ძმასთან ერთად, ადგილობრივი დროით შვიდი ნახევარზე "ფორესტ ჰილის" სკოლაში მივიდა. მან თავის ძმას უთხრა, რომ სკოლაში სხვა შესასვლელიდან შევიდოდა. ამის შემდეგ, მახნიაშვილი გაუჩინარდა.

მარიამ მახნიაშვილს კ-9 ქვედანაყოფი, საზოგადოებრივი უსაფრთხოების თანამშრომლები და ცხენოსანი პოლიცია ეძებს. ტორონტოში მესამე დონის საძიებო ოპერაციაა გამოცხადებული.

პოლიცია სკოლიდან 4 კი-

ლომეტრის რადიუსში ადგილობრივი მაცხოვრებლების დაკითხვას ახორციელებს. ჩხრეკენ გარაჟებს და დამხმარე ნაგებობებს. 17 წლის ქართველის ძებნაში მოხალისეებიც მონაწილეობენ.

ადგილობრივი მედიის ინფორმაციით, მახნიაშვილების ოჯახი კანადაში 2008 წლის ზაფხულში გადავიდა საცხოვრებლად. ბავშვების მშობლები ლელა და ვახტანგ მახნიაშვილები ბოლო ხუთი წლის განმავლობაში ლოს-ანჯელესში ცხოვრობდნენ და ტორონტოში გადასვლის შემდეგ, საქართველოდან კანადაში ბავშვებიც ჩაიყვანეს.

ბავშვების მშობლებმა ტორონტოში პრესკონფერენციაც

გამართეს, რომელზეც დაკარგული არასრულწლოვანის დედამ ლელა მახნიაშვილმა განაცხადა, რომ მან ბოლოს შვილი 14 სექტემბერს ნახა, როდესაც სკოლაში აცილებდა.

დეტექტივ სტივ მაკკილვეინის თქმით, კანადის პოლიცია დაკარგულის წარსულის შესახებ ინფორმაციის მისაღებად, საქართველოში დარჩენილ მახნიაშვილების ოჯახის წევრებთან დაკავშირებას აპირებს. ადგილობრივი პოლიციის ინფორმაციით, მარიამ მახნიაშვილს არ ჰქონდა მობილური ტელეფონი. სკოლის შენობაზე კი სათვალთვლო კამერები არ იყო დამონტაჟებული.

მედიანიუსი

საარჩევნო კომისიამ ყარზაი გამარჯვებულად გამოაცხადა

თამაზ ახაძე

ავღანეთის ცენტრალურმა საარჩევნო კომისიამ ბიულეტენების 100 პროცენტის დათვლის შედეგად გამოაცხადა, რომ ჰამიდ ყარზაიმ ხმების 54,62 პროცენტი მიიღო, ხოლო მისმა მთავარმა ოპონენტმა აბდულა აბდულამ - 27,75 პროცენტი. თუმცა ქაბულში გამართულ პრესკონფერენციაზე ევროკავშირის დამკვირვებლებმა, რომლებიც 20 აგვისტოს ავღანეთის საპრეზიდენტო არჩევნებში მომხდარი დარღვევებისა და ფალსიფიკაციის ფაქტებს იკვლევდნენ, განაცხადეს, რომ შესაძლოა გაყალბებულია, დაახლოებით, 1,5 მილიონი ამომრჩევლის ხმა. საეჭვო ბიულეტენების 3/4 მოქმედი პრეზიდენტის სასარგებლოდ არის გაყალბებული.



ავღანეთის ცენტრალურმა საარჩევნო კომისიამ ბიულეტენების 92,8 პროცენტის დათვლის შედეგად ყარზაი თითქმის ორჯერ გაუსწრო მთავარ ოპონენტს, საგარეო საქმეთა სამინისტროს ყოფილ ხელმძღვანელ აბდულა აბდულას. დამოუკიდებელი საარჩევნო კომისიის მონაცემებით, დარღვევების გამო ბიულეტენების 2,15 პროცენტი ამოღებულია ხმის მიცემის შედეგებიდან და, როგორც კომისია აღნიშნავს, მათ ძალა დაკარგული ექნებათ მანამ, ვიდრე არ დადასტურდება აღნიშნული ბიულეტენების ნამდვილობა. კომისიამ, რომელიც არჩევნების სამართლიანობას იკვლევს, განაცხადა, რომ სასურველია ბიულეტენების, დაახლოებით, 10 პროცენტის ხელახლა გადათვლა, რადგან ისინი შესაძლოა, გა-

ყალბებულია. საქმე ეხება ქვეყნის ყველა პროვინციის 2500 საარჩევნო უბანს. მთლიანად ხმის მიცემა 25450 საარჩევნო უბანზე მიმდინარეობდა. აბდულა აბდულა კი აცხადებს, რომ მისი მონაცემებით ბიულეტენების, დაახლოებით, 20 პროცენტი გაყალბებულია. აქედან გამომდინარე, აბდულა მეორე ტურის ჩატარებას ითხოვს. მისი აზრით, ეს არჩევნებისადმი ხალხის ნდობას აღადგენს. წინა კვირას ამერიკამ მოუწოდა ავ-

ღანეთის ხელისუფლებას, საპრეზიდენტო არჩევნების შედეგები იმგვარად დაეთვალა, რომ არც ადგილობრივ ამომრჩევლებს გასჩენოდათ ეჭვი და არც საერთაშორისო საზოგადოებას. ავღანეთში აშშ-ს ელჩ კარლ აიკენბერის თქმით, არ-

სებობს გაყალბების ბევრი შემთხვევის დამადასტურებელი ფაქტები. თუმცა ავღანეთის კანონმდებლობა არ ითვალისწინებს ხმების ხელახლა დათვლას. გაეროს წარმომადგენლობასთან არსებული არჩევნებთან დაკავშირებული საჩივრების განმხილველი კომისიის ხელმძღვანელმა გრანტ კიპენმა განაცხადა, რომ დარღვევებს მთელი ქვეყნის მასშტაბით 2500 საარჩევნო უბანზე ჰქონდა ადგილი.

ავღანეთის პრეზიდენტი კი ირმუნეზა, რომ არჩევნები სამართლიანად ჩატარდა. მისი სიტყვებით, "ის, უბრალოდ, გააკვირვა და დააფიქრა" ევროკავშირის დამკვირვებლების განცხადებებმა, რომ შესაძლოა ხმების მეოთხედზე გაყალბებულია. ჰამიდ ყარზაის თქმით, გაყალბების ფაქტები ქვეყნის საკონსტიტუციო ორგანოებმა უნდა გამოიძიონ.

"ღრმად ვარ დარწმუნებული, რომ არჩევნები იყო სამართლიანი, ავღანელი ხალხი და ავღანეთის მთავრობა ამ პროცესში სამართლიანი გახლდათ," - განაცხადა მან პრესკონფერენციაზე.

ჰამიდ ყარზაიმ აღიარა, რომ ზოგიერთი ოფიციალური პირი არ იყო მიუკერძოებელი და სურდათ მისი გამარჯვება, ისევე როგორც იყვნენ აბდულას მხადამჭერები. ეს გარდაუვალია, "სანამ ავღანეთი არ გადაიქცევა უფრო სტაბილურ სახელმწიფოდ", - აღნიშნა ყარზაიმ. მისი თქმით, 20 აგვისტოს არჩევნებში ფართომასშტაბიანი დარღვევები არ ყოფილა. "შეიძლება იყო ერთი შემთხვევები, მაგრამ მსგავსი რამ ყველა ქვეყანაში ხდება," - დაამატა მან.

ჩრდილოეთ კავკასიაში ძალადობის არა ფართოვდება

ნვ ზილასაძე

ჩრდილოეთ კავკასიაში ძალადობა არ ცხრება, ერთმანეთს ენაცვლება მკვლევლები და სამართალდამცავი ორგანოების სპეცოპერაციები, რომლებიც, როგორც წესი, ლიკვიდაციით მთავრდება. გამოუცხადებელი და განსაკუთრებულია სასტიკი ომი მიმდინარეობს პრინციპით - "ტყვეები არ აგვყავს". სამართალდამცავებს თითქოს დაავიწყდათ, თუ რა არის დაპატიმრება. გუშინ ყველაზე საყურადღებო და შემაშფოთებელი იყო ძალადობის არეალის გაფართოება. ყარაჩაი-ჩერქეზეთში, სადაც აქამდე შედარებითი სიმშვიდე იყო, გახმაურებული მკვლელობა მოხდა. აქამდე ჩრდილოეთ კავკასიის ყველაზე ცხელ წერტილებად ჩეჩნეთი, ინგუშეთი, დაღესტანი და ამ რეგიონის დასავ-

ლეთ ნაწილში - ყაბარდო-ბალყარეთი მიიჩნეოდნენ. დილის ათის ნახევარზე ჩერქესკის ცენტრში მანქანაში ყარაჩაი-ჩერქეზეთისა და სტავროპოლის მხარის მუსლიმების სასულიერო მმართველობის თავმჯდომარის მოადგილე, ისლამური ინსტიტუტის რექტორი ისმაილ ბოსტანოვი ჩაცხრილეს. მის შუქნიშნთან გაჩერებული მის ავტომობილს გვერდზე ჩავლილი მანქანიდან გაუხსნეს ცეცხლი. ბოსტანოვი ადგილზე გარდაიცვალა, მანქანაში მყოფი მისი შვილი დაიჭრა და საავადმყოფოში გადაიყვანეს. აღძრულია სისხლის სამართლის საქმე, მიმდინარეობს ძიება, საქმეში მეზობელი რეგიონის - სტავროპოლის მხარის სამართალდამცავებიც ჩაერთვნენ, რადგან ტერორისტების მანქანას იქაური სახელმწიფო ნომრები ჰქონდა. ბოსტანოვზე თავდასხმა ადრეც

სცადეს. 2006 წლის დეკემბერში მას სახლში შეუვარდნენ, ცეცხლსასროლი იარაღიდანაც და დანებიდანაც დაჭრეს, უმონყალოდ სცემეს და მისი სახლიდან 200 ათასი რუსული რუბლიც გაიტაცეს. ბოსტანოვის მკვლელობა ადგილობრივმა მუსლიმებმაც და ხელისუფლების წარმომადგენლებმაც დაგმეს. განსაკუთრებული აღშფოთება იმან გამოიწვია, რომ ეს დანაშაული მუსლიმებისთვის წმინდა რამადანის პერიოდში მოხდა. ყარაჩაი-ჩერქეზეთისა და სტავროპოლის მხარის მუსულმანების სასულიერო ლიდერ ისმაილ ბერდიევს მიაჩნია, რომ ბოსტანოვი თავისი პრინციპული პოზიციების გამო ვახაბიტებმა მოკლეს. ბოსტანოვის მკვლელობა ჩეჩნეთის პრეზიდენტმა რამზან კადიროვმაც დაგმო, რომელიც ასეთ ფაქტებს მთელს ჩრდილოეთ კავკასიაში "უყურადღებოდ" არასდროს

ტოვებს. გუშინ სროლა ინგუშეთშიც იყო. ნახრანის რაიონში ფედერალურ მაგისტრალ "კავკაზზე", სოფელ გაზი-იურტთან დაცხრილეს ავტომანქანა, რომელშიც სამართალდამცავები ისხდნენ. შინაგან საქმეთა სამინისტროს ექსტრემიზმთან ბრძოლის ცენტრის ორი თანამშრომელი დაიღუპა, ერთი დაიჭრა. სპეცოპერაცია დაღესტანშიც ჩატარდა. უშიშროების ფედერალური სამსახურის სპეცოპერაციის შედეგად ლიკვიდირებულ იქნა ბოვეიკების ერთ-ერთი ლიდერი აბდულა საადულაევი (დაუდი) და მისი თანმხლები ორი თანამებრძოლი. საადულაევი დაღესტნის "ამირის" უმაღლეს მაგომედოვის ერთ-ერთ უახლოეს თანამებრძოლედ მიიჩნეოდა და შარიათის სასამართლოს უმაღლესი მოსამართლის როლსაც ასრულებდა. სპეცოპერაცია უკვე "აპრობირებული"

ლი" მეთოდით განხორციელდა. პოლიციამ მათი მანქანის გაჩერება სცადა, იქიდან სროლა გაისმა და სამართალდამცავებმაც ბოვეიკები საპასუხო ცეცხლით ჩაცხრილეს. სხვათა შორის, კავკასიაში მოსკოვის მოქმედება უკვე დასავლეთის ყურადღებას იქცევს. ბრიტანულ "თაიმსში" გამოქვეყნდა სტატია, რომელშიც კონკრეტულ ფაქტზე და მის განზოგადებაზე დაყრდნობით გაკეთებულია დასკვნა, რომ კრემლი კავკასიაში "სასტიკ და საიდუმლო ომს აწარმოებს". სპეცსამსახურების საფარქვეშ შექმნილი სიკვდილის ბრიგადები ე.წ. სპეცოპერაციების დროს ხოცავენ ადამიანებს, რომლებსაც ხშირად საერთოდ არა აქვთ კავშირი შეიარაღებულ იატაკქვეშეთთან, მაგრამ შემდეგ მათ მაინც ბოვეიკებად ასალებენ.

დასავლეთი რუსეთს თანამშრომლობისკენ მოუწოდებს

პირველი გვირგვინი

ნატო-ს გენერალური მდივანი ვრცლად შეეხო ამერიკის პრეზიდენტის ინიციატივას, რომლის თანახმადაც, ნატო ჩეხეთსა და პოლონეთში ანტისარაკეტო სისტემებს აღარ განალაგებს. მან აღნიშნა, რომ ეს ინიციატივა ისე არ უნდა იყოს გაგებული, თითქოს ნატო საერთოდ უარს ამბობს თავდაცვასა და ანტისარაკეტო ფარზე. უბრალოდ, ეს სისტემა შეიძლება უფრო ფართო და ყოვლისმომცველი გახდეს და მასში რუსეთიც კი ჩაერთოს. ეს ამერიკის ყველა პარტნიორსა და მეგობარ ქვეყანას შეეხება და 21 საუკუნის საფრთხეებისგან დაუცველი არავინ დარჩება. უახლოეს წლებში ნატო-ს სტრატეგიის ერთ-ერთი მნიშვნელოვანი მიმართულება არქტიკის უსაფრთხოება იქნება და ამ სფეროშიც რუსეთის მხრიდან პოზიტიური თანამშრომლობას ელიან. რუსეთში რასმუსენის გამოსვლა დადებითად აღიქვს და მას ნა-

ტო-ში რუსეთის ელჩმა დიმიტრი როგოზინმა ოპერატიულად უპასუხა. აქვე გამოიკვეთა სფეროები, რომლებშიც ორივე მხარის ინტერესების თანხვედრა ხდება. როგოზინის სიტყვებით, მათ აღარ მოუწევთ საშუალო სიშორის რაკეტების განლაგება კალინინგრადში, თუ რუსეთის საზღვრების უშუალო სიახლოვეს, იგულისხმება პოლონეთი და ჩეხეთი, არ იქნება ნატო-ს ანტისარაკეტო ფარი. თანამშრომლობის მთავარი მიმართულება კი მაინც ავღანეთია. როგოზინი ნატო-ს მოუწოდებს, ამ ქვეყანაში ვადაზე ადრე არ დაიხიოს უკან. წინააღმდეგ შემთხვევაში, შეიძლება თალიბების გავლენა ცენტრალურ აზიაზე გავრცელდეს და კავკასიასაც მიაღწიოს, რაც მთელი მსოფლიოსთვის უდიდესი პრობლემა იქნება. რუსეთი ნატო-ს ამ მიმართულებით თანამშრომლობას "პირობდება", ოღონდ ნატო-ს გეგმების საქმის კურსში ყოფნა მასაც სურს. რასმუსენის გამოსვლაში არის კიდევ ერთი მნიშვნელოვანი სა-

კითხი, რომელსაც რუსულმა საინფორმაციო სააგენტოებმა გასაგები მიზეზების გამო ვირეშმაკულად აუარეს გვერდი. ნატო-ს გენერალურმა მდივანმა განაცხადა, რომ ნატო-ს კარი კვლავ ღია რჩება საქართველოსა და უკრაინისთვის და როდესაც ეს ქვეყნები შესაბამის კრიტერიუმებს დააკმაყოფილებენ, აუცილებლად გახდებიან ჩრდიო-ატლანტიკური ალიანსის წევრები. შემდეგ კი დაამატა, რომ რუსეთმა ეს საფრთხედ არ უნდა აღიქვას. გუშინ ამერიკულ მედიაში შეერთებული შტატების თავდაცვის მინისტრ რობერტ გეიტსის სტატია გამოქვეყნდა, სადაც მინისტრი დანვრილებით განმარტავს ობამას ადმინისტრაციის მიერ მიღებული ახალი გადაწყვეტილების მიზეზებს. მისი სიტყვებით, ამ გადაწყვეტილებით ამერიკა და ნატო კი არ ასუსტებენ არამედ აძლიერებენ საერთაშორისო თავდაცვისუნარიანობას. დაზვერვის მონაცემებით, დღესდღეობით უფრო საშიშია უკვე არსებული ახლო და საშუალო რადიუ-

სის ირანული რაკეტები, ვიდრე ისინი, რომელსაც ეს ქვეყანა მომავალში შექმნის. ამიტომ აქცენტი "პეტრიოტის" ტიპის უფრო ახალ სისტემებზე და უფრო მაღალი ტექნოლოგიის რადარებზე გაკეთდება. შესაბამისად, ეს სისტემები ირანთან უფრო ახლოს განლაგდება. რობერტ გეიტსმა, ალბათ უფრო ქვეყნის შიდა მოხმარებისათვის ანუ "რესპუბლიკელი" ოპონენტების გასაჩუმებლად, ისიც აღნიშნა, რომ ეს გადაწყვეტილება რუსეთის "ხათრით" არავის მიუღია და მოსკოვის განწიხებას არავითარი მნიშვნელობა არა აქვს. გუშინვე ამავე თემას "სი-ბი-ეს"-თან ინტერვიუში ამერიკის პრეზიდენტი ბარაკ ობამაც შეეხო. მანაც აღნიშნა, რომ ეს გადაწყვეტილება რუსეთის სიამოვნების მიზნით არ მიუღიათ, მაგრამ იმედი აქვს, რომ ამის შემდეგ რუსეთის პოლიტიკა "ნაკლებ პარანოიდული" გახდება. ობამას თქმით, "რუსეთის ხელისუფლება არ განსაზღვრავს ჩვენი თავდაცვის სტრატეგიას."

ჩვენ ჩვენთვის ყველაზე მისაღები გადაწყვეტილება მივიღეთ. ის საუკეთესოდ დაიცავს ამერიკელ ხალხს, ჩვენს ჯარებს ევროპაში და ჩვენს მოკავშირეებს". "თუ ამასთან ერთად რუსეთში ნაკლებად პარანოიდულად იქნებიან განწყობილი და ირანის ატომური პროგრამისა და ბირთვული რაკეტების წინააღმდეგ ბრძოლაში ჩვენთან უფრო ეფექტურად თანამშრომლობას დათანხმდებიან, ეს დამატებითი სარგებელია," - აღნიშნა ობამამ. უკვე აშკარაა, ობამამ ლამის ღიად განაცხადა, რომ რუსეთთან კონფიდენციალურ მოლაპარაკებებზე ამერიკელები პოლონეთსა და ჩეხეთში ანტისარაკეტო სისტემის განლაგებაზე უარს თქმას როგორც დათმობად წარმომადგენელ და კომპრომისზე წასვლას კრემლსაც მოსთხოვენ. შეიძლება აქ, ირანის საკითხის გარდა, შესაძლოა სხვა თემებიც ფიგურირებდეს, მაგალითად - ჩრდილოეთ კორეა.

ლუკაშენკო ევროპისკენ ფანჯარას ლიტვაში ჭრის

მარიკა იაშვილი



ბელარუსის პრეზიდენტი ალექსანდრ ლუკაშენკო წინა კვირაში ლიტვის პრეზიდენტ დალია გრიბაუსკაიტეს შეხვედა და ვილინიუსში ლიტვურ-ბელარუსული ეკონომიკური ფორუმი გახსნა. ბელარუსის პრეზიდენტის განცხადებით, სახელმწიფოს ლიდერებს შორის ლია დიალოგი შედგა.

"ჩვენი პოლიტიკური და ეკონომიკური პოზიციები ევროკავშირის ქვეყნებთან არის შეთანხმებული და ამიტომაც, რასაც ჩვენ ვამბობთ, ეს ევროპული საზოგადოების აზრია," - მკაფიოდ აღნიშნა ლიტვის პრეზიდენტმა. მან იმედი გამოთქვა, რომ ორი ქვეყნის ეკონომიკური ურთიერთობები გაღრმავდება და ისინი "პოლიტიკური დაახლოებისკენ ნაბიჯ-ნაბიჯ წავლენ."

ბელარუსის პრეზიდენტმა კიდევ ერთხელ აღნიშნა, რომ "თავს არავის წინაშე დახრის." "ჩვენ გონიერი ხალხი ვართ და მოსმენა შეგვიძლია, მაგრამ ჩვენ ზენოლას არ ავიტანთ," - განაცხადა ლუკაშენკომ ლიტვის პრეზიდენტთან მოლაპარაკების დროს. ბელარუსის ლიდერმა დაადასტურა, რომ მისი ქვეყანა დასავლეთთან დიალოგის ნარმოებისთვის მზად არის, "თუ ეს ბელარუსი ხალხის ინტერესების შესაბამისად მოხდება და მათი მეზობლებისთვის საზიანო არ იქნება."

"ჩვენი პრინციპული პოზიციაა - ვიყოთ დასავლეთისა და აღმოსავლეთის დამაკავშირებელი ხიდი," - აღნიშნა ლუკაშენკომ და დაამატა, რომ ევროპასა და რუსეთს შორის არჩევანის გაკეთება მიუღებლად მიაჩნია.

ვილინიუსში ლუკაშენკომ ევროკავშირის მშვიდი დიალოგის განახლებისკენ მოუწოდა და განაცხადა, რომ ამ პროცესისთვის ხელის შეშლას არ აპირებს. მისი თქმით, იმ მოსაგვარებელ პრობლემათა შორის, რომლებიც ევ-

როკავშირისა და ბელარუსის ურთიერთობის შეწყვეტის შემდეგ დაგროვდა, ყველაზე მნიშვნელოვანი ევროკავშირის სავაჭრო პრეფერენციების ერთიან სისტემაში ბელარუსის მონაწილეობა და ქვეყნის მოქალაქეებისთვის შენგენის ვიზების გააიფხვებაა.

ამასთანავე, საინტერესოა, რომ ლუკაშენკოს ვიზიტის განმავლობაში ლიტვასა და ბელარუსს ხელი არ მოუწერიათ შეთანხმებისთვის სასაზღვრო ზონაში გადაადგილების გამარტივების შესახებ, თუმცა დოკუმენტი, რომელიც სასაზღვრო ზონაში მცხოვრებ

მოქალაქეებს სავიზო რეჟიმის შერბილებას ჰპირდებოდა, ქვეყნებს შორის დიდი ხნის განმავლობაში თანხმდებოდა.

ლიტვაში ვიზიტი პრეზიდენტ ლუკაშენკოს ევროპაში გამგზავრების მეორე გახმაურებული ფაქტია მას შემდეგ, რაც ევროპამ მისთვის სავიზო შეზღუდვა მოხსნა. მინსკელი ანალიტიკოსები მიიჩნევენ, რომ ვიზიტს ოფიციალური მისიისა და უშუალოდ პრეზიდენტისთვის უდიდესი მნიშვნელობა აქვს. ექსპერტების აზრით, წინა ვიზიტი - რომის პაპთან შეხვედრა - პოლი-

ტიკურად სრულფასოვანი არ იყო, რადგან პაპი ყველა მონაწილე ცოდვილს იღებს, პრემიერ-მინისტრ ბერლუსკონისთან ვახშამი კი, რომელიც მაშინ შედგა, ხანმოკლე და არაოფიციალური იყო. ახლა კი შეხვედრა ლიტვის პრეზიდენტთან გაიმართა. ლუკაშენკო იმ ქვეყნის ლიდერს შეხვედა, რომელიც მზად არის, ოფიციალურ მისიასა და ევროკავშირს შორის შუამავლის როლი იკისროს. **"საბოლოო ჯამში, დასავლეთის კარი სულ უფრო ფართოდ იხსნება ადამიანისთვის, რომელსაც ჯერ კიდევ ცოტა ხნის წინ ევროპა დიქტატორად მიიჩნევდა,"** - აღნიშნავენ ექსპერტები.

მინსკელი პოლიტოლოგი ალექსანდრ კლასკოვსკი მიიჩნევს, რომ "ლიტვის გავლით" ლუკაშენკო თავისი მეოთხე საპრეზიდენტო პოსტისკენ მიიწვევს. ახლა მთავარ ამოცანად რჩება მხოლოდ ევროპის დარწმუნება, რომ ბელარუსის ხელისუფლებას ლეგიტიმაცია გაუგრძელოს.

აღმოსავლეთ ევროპის კვლევის ცენტრის ლიტველი ანალიტიკოსი ვიტაუტას სირიოს გირა აღნიშნავს, რომ **"ეს ვიზიტი ახალი გეოპოლიტიკური თამაშის - "ბრძოლა ბელარუსისთვის" - შემადგენელი ნაწილია."**

"ბელარუსის დემოკრატიზაციისა და ლუკაშენკოს რეჟიმის იზოლირების გეგმას, რომელიც დღემდე დომინირებდა, "ორმხრივი" სტრატეგია ცვლის: ერთი მხრივ, გრძელდება მუშაობა ბელარუსის ოპოზიციასთან, რაც დემოკრატიზაციის ხაზს წარმოადგენს და, მეორე მხრივ, მიმდინარეობს მუშაობა პოლიტიკურ რეჟიმთან, რომ ქვეყანა რაც შეიძლება ნაკლებად იყო დამოკიდებული რუსეთზე. ლუკაშენკოს ვიზიტიც სწორედ ამ "ორმხრივი" სტრატეგიის ნაწილია," - აცხადებს მკვლევარი.

მინსკელი ექსპერტები ვარაუდობენ, რომ ლუკაშენკოს მიერ ვილინიუსში

შეხვედრების გამართვის "დეტონატორად" ლიტვური ბიზნესი იქცა. ლიტვა ბელარუსის საგარეო ვაჭრობაში მეცხრე ადგილზეა. თუმცა ეკონომიკური ექსპერტების განცხადებით, ლიტველი ბიზნესმენები აპირებენ, კონკურენცია გაუწიონ ლატვიასა და კალინინგრადს ბელარუსული ტვირთის საზღვაო გადაზიდვაში. გარდა ამისა, მათ იმედი აქვთ, რომ ბელარუსის სახელმწიფო საკუთრების პრივატიზაციაში მიიღებენ მონაწილეობას. ლუკაშენკოს ვილინიუსში საპროტესტო პლაკატებითა და შეეგებნენ. ბელარუსი პრეზიდენტის მონაწილედგეგმება თეთრი და ნითელი ქაღალდებით გაკეთებული პატარა თვითმფრინავებით პარლამენტის შენობის წინ, მდინარის ნაპირზე, ბელარუსის აკრძალული დროშა დახატეს. საპროტესტო აქციები პრეზიდენტის რეზიდენციასთანაც გაიმართა. ლიტვის პრემიერი და საგარეო უწყების ხელმძღვანელი ცოტა ხნის წინ ბელარუსის ოპოზიციის რამდენიმე ლიდერს შეხვედნენ. ლიტველი პარლამენტარები და პოლიტიკოსები აცხადებენ, რომ ბელარუსთან ურთიერთობების გამყარების პარალელურად, ოფიციალური ვილინიუსი არ აპირებს, მეზობელი ქვეყნის დემოკრატიზაციისა და ბელარუსელთა უფლებების დაცვის მოთხოვნაზე უარი თქვას.

ლიტვის საგარეო საქმეთა მინისტრის ცნობით, ლიტვამ თავისი მეზობელი ისეთი უნდა მიიღოს, როგორც არის და უნდა სცადოს, რომ ოფიციალური მინსკი დასავლეთის სისტემითა და "აღმოსავლეთის პარტნიორობის" პროგრამაში მონაწილეობით დააინტერესოს.

თუმცა მინსკელი ექსპერტები აღნიშნავენ, რომ ლუკაშენკო ევროპას თამაშის საკუთარ წესებს კარნახობს და ხშირად მიზანსაც აღწევს.

მუშენებლობა დასრულდა!

ღარჩა მხოლოდ 19 ბინა

Park Gate
პ ა რ კ გ ე ბ ი თ ი

ჭაბჭაბაძის ბაიზ. 80

www.bagebeycity.com. 50 50 20

რევოლუ



უკვე ორი დღეა, რაც პარიზის ლამის ნახევარი ზეიმობს. მულენ რუჟის კაბარეში ახალი წარმოდგენების სერია დაიწყო. 6 ოქტომბრამდე კაბარე საკუთარ 120-ე დაბადების დღეს ზეიმობს... ეს დანახებულება პარიზის თავისებულებას, ფერადი, მხიარული და ბოჰემური კულტურისა და ყოფის ტაძარია. მულენ რუჟი არაა მხოლოდ ის ადგილი, სადაც მდიდარი ტურისტები შედიან, ანდა ხელმომჭირენი მის წინ ფოტოს იღებენ, არამედ პარიზული მეოცე საუკუნის ხატებაა. ყოზეზ ოლერმა და შარლ ზიდლერმა კაბარე 1889 წელს გახსნეს და ცოტა ხანში ეს გახდა ადგილი სადაც იკრიბებოდნენ არა მხოლოდ ლამაზი და გულახდილად ჩაცმული მოცეკვავე ქალები, არამედ იქცა ადგილად, სადაც ნახევრით ყველას, ვინც იმ დროისთვის ფრანგულ კულტურას ქმნიდნენ. მულენ რუჟის მსახიობები იმთავითვე გახდნენ არაერთი ხელოვანის შემოქმედების ინსპირატორნი, მაგრამ ყველაზე მნიშვნელოვანი როლი მათ ტულუზ ლოტრეკის მხატვრობაში ერგოთ.

ფოთის თეატრი ტექნოლოგიების განვითარების ეპოქაში

პრობლემები, ტენდენციები, შედეგები

თამარ ჯიქნაველიძე



17 სექტემბერს, ფოთის ვალერიან გუნიას სახელობის თეატრმა სეზონი პრემიერით გახსნა. რეჟისორ ზურაბ ბეგლარიშვილის მიერ რეჟისურის რომანის - "451° F" (ოთხასორმოდათერთმეტი გრადუსი ფარენჰაიტით - ტემპერატურა, რომელზეც ინვის ქალაქი) მიხედვით განხორციელებული სპექტაკლი სეზონის დახურვისას ვნახეთ და შეიძლება ითქვას, რომ ამ დადგამამ განსაზღვრა სათქმელი, რომელსაც ქვემოთ ვიტყვი.

წარმოდგენის ნახვისას გამახსენდა სიახლე, რომლის დაბადების აუცილებლობაც ტექნოლოგიების განვითარებამ განაპირობა, კერძოდ: ინგლისურენოვან მოსახლეობაში სულ უფრო პოპულარულია მიკრობლოგებით გამდიდრებული სერვისი - Twitter, რომელიც ფართო მასშტაბზე ორიენტირებული და მომხმარებელთა ინტერესების დაკმაყოფილებას ისახავს მიზნად. ახლახანს მან საზოგადოებას შესთავაზა ლიტერატურული ნაწარმოების უკიდურესად შეკვეცილი ვარიანტები, რომელთა სიდიდეც 140 ნიშანს არ აღემატება. ამის შესახებ ინფორმაცია არაერთმა სააგენტომ, ყურნალ-გაზეთმა თუ ელექტრონულმა გამოცემამ გაავრცელა... და ვიდრე გეტყვოდათ თუ რა კავშირშია ეს ყოველივე ფოთის თეატრში დადგმულ სპექტაკლთან, "მიკროკონსპექტის" რამდენიმე მაგალითსაც დავსახელებთ: სემუელ ბეკეტის პიესა "გოდოს მოლოდინში" ასეა შეკვეცილი: "ვლადიმირი და ესტრაგონი დგანან ხესთან და ელოდებიან გოდოს. მათი სტატუსი არ იცვლება", ხოლო დევიდ ჰერბერტ ლოურენსის რომანის, "ლედი ჩატერლეის საყვარელის" შინაარსი უკიდურესად არის შემოკლებული - "არისტოკრატი ქალი მეტყვევს გაჰყვა". ამით იმის თქმა მინდა, რომ საკითხი, რომელიც ზემოთ აღნიშნულ სპექტაკლში პრობლემატურია და ტექნიკური პროგრესის ტყვეობაში მოქცეული საზოგადოების მდგომარეობას ეხება, თანამედროვეობაშიც აქტუალურია. ამ თვალსაზრისით რე-

ჟისორ ზურა ბეგლარიშვილის არჩევანი გასაგებია. რეჟისორის მიერ ინსცენირებული რომანი სულიერებას მოკლებულ ადამიანებზე მოგვითხრობს. უფრო კონკრეტულად კი მოქმედება ვითარდება 2035 წელს, როდესაც წიგნის კითხვა და მისი შენახვა აკრძალულია. მეხანძრეები, რომლებიც ადრე ცეცხლს აქრობდნენ, ახლა წიგნებს წვავენ. მათ შორის გამოჩნდება გია მონტეგი, რომლის ცხოვრებაც მას შემდეგ იცვლება, რაც ის წიგნებით ინტერესდება. აი, ასეთია ამ რომანის და ფოთის თეატრის სცენაზე გათამაშებული წარმოდგენის მოკლე შინაარსი. თუმცა, თემის აქტუალობის პარალელურად, სპექტაკლში წარმოჩინდა პრობლემათა ჩამონათვალი, რომელსაც გვერდს ვერ აუვლით.

როგორც აღვნიშნე, საქმე ეხება ტექნიკური პროგრესის ეპოქას, სადაც წიგნი აკრძალულია და შესაბამისად, არსებობს ენის სინამდის შენარჩუნების პრობლემაც.

ბაზრქალაბა A10 ბავარდუა

ფოთის თეატრი ტექნოლოგიების განვითარების ეპოქაში

პირველი გვირგვინი

ეს უკანასკნელი სპექტაკლი ყოველგვარი ძალდატანებისა და გათამაშების გარეშე გამოიკვეთა. როგორი ქართული მეტყველებენ სცენიდან - აი, ეს არის უპირველესი საკითხი, რომელმაც წარმოდგენის დაწყებისთანავე მომჭრა ყური.

თუ სცენოგრაფიის თვალსაზრისით, რომელიც რეჟისორს ეკუთვნის, სასაყვედურო არ გვაქვს, რადგან კოსტუმები კარგია, ხოლო დეკორაცია შეძლებისდაგვარად მორგებულია ფოთის თეატრის პატარა სცენას, იგივეს ვერ ვიტყვით ტექსტზე, რომელიც სცენიდან ისმის. სასიხარულოა, როდესაც რეჟისორი არჩევანს აკეთებს ლიტერატურულ მასალაზე, რომლის თემატიკაც მის სათქმელს ეხმარება და ამისათვის რომანის გასცენიერებასაც არ უშინდება, მაგრამ მეორე საკითხია რამდენად გამართულია ტექსტი, რომელსაც მსახიობები წარმოთქვამენ. ამ მიმართულებით, შეუძლებელია არ აღინიშნოს, რომ არსებობს შეცდომები, რომელთა ნაწილიც გამოსწორებადია (მაგალითად, არსებითი და რიცხვითი სახელების შეუთავსებლობა), ნაწილს კი, ალბათ, აღარაფერი ეშველება, რადგანაც საქმე გვაქვს გაუმართავ წინადადებებთან, რომელთა გადაკეთებაც მსახიობებისთვის ტექსტის თავიდან დაზეპირების ტოლფასია.

კიდევ ერთი პრობლემა, რომელიც ამ თეატრისთვისაც გადაუჭრელია და მყურებლის მხრიდან სპექტაკლის აღქმაც კუდად მოქმედებს, ტექნიკური აღჭურვილობაა. აი, ასეთ პრობლემაში რატომ გადაწყვიტა ზურა ბეგლარიშვილმა ეჩვენებინა "ტექნიკური პროგრესის ხანა", გაუგებარია. ამის წარმოჩენა მოძველებული ტექნიკით შეუძლებელია. შესაბამისად, სცენები, სადაც რეჟისორს მცდელობა აქვს მომავალში "გადაგვისროლოს" და ამას მხოლოდ მარტივი განათებითა და შავებში გამოწყობილი მხანძრეების ერთფეროვანი მოძრაობებით ცდილობს, ნაკლებად დამაჯერებელია. როდესაც არ არსებობს გამართული ტექნიკური ბაზა, ვფიქრობ, რეჟისორმა აქცენტი მსახიობთა საშემსრულებლო ხელოვნებაზე უნდა გააკეთოს. სპექტაკლის ნახვისას კი შემექმნა შთაბეჭდილება, რომ მან ყველაზე ნაკლებად სწორედ მსახიობებზე იმუშავა.

შემოქმედებით ჯგუფს რაც შეეხება, სპექტაკლი დასის უმრავლესობაა დაკავებული. მასში მონაწილეობენ: გიორგი სურმაგა, მარიკა ბუკია, რამინ კილასონია, ნანა ვასაძე, ნაირა ჭიჭინაძე, ჯანსუღ იზორია, ელგუჯა ქარაია, ფატიმა აბრახამია, ნათია კუპრავა, გიორგი ჭანტურია, ალექსანდრე გუჯაბიძე, დავით დიასამიძე, გიორგი ლიპარტიელიანი, გიორგი ჯანყარაშვილი, კობა დარახველიძე, მირიამ ჯეჯელავა (ეკრანული პერსონაჟი). დადგმის ქორეოგრაფია ირინა კუპრავა, ხოლო მხატვარ-შემსრულებელი - მერაბ კვანტალიანი.

სამსახიობო ოსტატობის მხრივ, ამ შემთხვევაშიც იგივე პრობლემებთან გვაქვს საქმე, რომლებსაც მხოლოდ რეგიონალურ თეატრებში არ ვაწყდებით. ფოთის თეატრის მაგალითზე, ძალიან გამჭირდება ისეთი მსახიობის დასახელება, რომელიც ამ საქმეში ბოლომდე დაოს-



სცენა სპექტაკლიდან "451° F"

ტატებულია. ეს დასი პროფესიული ზრდის აუცილებლობის წინაშე დგას - მეტყველების, პლასტიკის, როლის გათავისების თუ პერსონაჟთა ხასიათების გახსნის თვალსაზრისით.

და მიუხედავად ყველაფრისა, წარმოდგენის მიმდინარეობისას მაყურებელს თვალზე ცრემლი მოადგა, განსაკუთრებით იმ სცენის დროს, როდესაც გაი მონტიე (გიორგი სურმაგა) პროფესორ ფაბერს (ნაირა ჭიჭინაძე) დანვას გადარჩენილ ძველ ალტემას გადასცემს. კულმინაციურმა ეპიზოდმა კიდევ ერთხელ დაგვარწმუნა, რომ მსახიობის მიერ აქტუალური ტექსტის სწორ ემოციურ აღქმას მაყურებელზე ზემოქმედების მოხდენა შეუძლია. ალბათ, ამ ფაქტორმა განსაზღვრა ის, რომ წარმოდგენამ ადგილობრივი მაყურებელი დაინტერესა.

ზემოთ აქცენტი გავაკეთე პრობლემებზე, რომლებიც ამ წარმოდგენის მხატვრულ ხარისხს უკავშირდება. თუმცა, არანაკლებ მნიშვნელოვანია საკითხების მთელი რიგი, რომელთა განხილვა-გაანალიზებაც საშუალებას გვაძლევს დაინახოთ ის "მაგრამ", რომელიც ამ თეატრის პროდუქციის ხარისხზე საუბრისას სპექტაკლების ერთი ხელის მოხმით გაკრიტიკების უფლებას გვარძობს.

ჩვენ თუ დავინტერესდებით რა პრობლემაში ფუნქციონირებს ფოთის თეატრი და იქნება მისი პროდუქცია, მაშინ მივხვდებით, რომ სპექტაკლების მხატვრულ ხარისხზე მსჯელობა იქ არსებული პრობლემებისგან მონყვევით შეუძლებელია. პირადად მე ცალკეულ ფაქტორთა გათვალისწინების აუცილებლობაში მაშინ დავრწმუნდი, როდესაც ამ თეატრში მივედი და ვნახე, რომ იქ მსახიობებისთვის საშუაოდ საჭირო პრობლემა არ არსებობს. აქედან გამომდინარე მიმაჩნია, რომ ფოთის თეატრის წარმომადგენლების მხრიდან ბოლო პერიოდში გამხორციელებული სპექტაკლები ერთგვარი დადასტურებაა მათი მცდელობისა გადაარჩინონ თეატრი და პრობლემების მიუხედავად ძალისხმევა არ დაიშრონ იმისათვის, რომ იქ შემოქმედებითი პროცესი წარმართოს.

ამ კუთხით, ვფიქრობ, საგულისხმოა თეატრის განსხვავებული მდგომარეობა. მას საკუთარი შენობაც კი არ გააჩნია და დროებით, ახალი შენობის მშენებლობის დასრულებამდე, რომელიც 2010 წლისთვის იგეგმება, ძველ კულტურის სახლშია შეხიზნული.

იქ არსებული სირთულეების შესახებ შემოქმედებითი ჯგუფის წარმომადგენლებისგან შევიტყვე. აქ უმნიშვნელოვანესია კიდევ ერთი ფაქტორი: მათ აქვთ სურვილი მოისმინონ თეატრმცოდნეებისა თუ რიგითი მაყურებლის აზრი და პირიქით, დიალოგი გამართონ ამ დარგის განვითარების გულშემოტიკურებთან, ესაუბრონ მათ საკუთარ შემოქმედებით პრობლემებსა და სირთულეებზე, რომელთა დაძლევაც ყოველდღიურად უწევთ. მაგალითად, საპრემიერო დღეს შუქი თეატრში სპექტაკლი დაწყებამდე 10 წუთით ადრე მოვიდა, რამაც მსახიობები ორმაგად ანერვიულა.

როცა მაყურებელს ეპატიჟები უნდა შეეცადო, რომ საკუთარი შესაძლებლობების მაქსიმუმი გამოავლინო და არ აკადრო მას თუნდაც ისეთი ტექსტი, როგორც ქართული ენის დამახინჯებაში დაეხმარება. და რადგანაც მაყურებელი ვახსენე, აქვე იმასაც ვიტყვი, რომ თეატრს, რომელსაც შენობის გამო სასულიერო წრესთან დიდი ხნის დავა ჰქონდა, ახლა მაყურებლის რანგში სასულიერო პირებიც აკითხავენ.

ზემოთ აღნიშნული ურთულესი პრობლემის მოგვარებით დაიწყო ჩემი დიალოგი აღნიშნული თეატრის მმართველთან, თენგიზ ხუხიასთან (პროფესიით იურისტ-ეკონომისტი). "თეატრის ძველ შენობასთან დაკავშირებული დავა ხელოვნებასა და სასულიერო წრის წარმომადგენლებს შორის, დაახლოებით, 15 წელი გაგრძელდა, რამაც შემოქმედებითი პროცესის განვითარებას ხელი შეუშალა. იმ დროს ქალაქში ადამიანთა გარკვეული ჯგუფი ვალერიან გუნიას სახელობის თეატრის გაუქმებასაც კი ითხოვდა", - გვითხრა თენგიზ ხუხიამ, რომელიც თეატრის დირექტორად 2005 წელს დაინიშნა (მმართველია - 2007 წლიდან), ანუ მას შემდეგ რაც თეატრის ძველი შენობა ოფიციალურად გადაეცა საპატ-

რიარქოს (ხუხიას დანიშნვამდე ამ თეატრის დირექტორი და სამხატვრო ხელმძღვანელი იყო ალექსანდრე ჯანელიძე). ამის შემდეგ, ფოთის თეატრის წარმომადგენლები რუსთაველის ქუჩაზე მდებარე ძველ კულტურის სახლში შეასახლეს. 2006 წლამდე იქ სარემონტო სამუშაოები მიმდინარეობდა. ამ პერიოდში დასი წარმოდგენების გასამართად სხვადასხვა სივრცე იყენებდა, მაგალითად: "მეზღაურთა კლუბს" და ქუჩას... - ეს იყო მცდელობა იმისა, რომ თეატრის შემოქმედებითი ჯგუფს პროფესიაზე ხელი არ ჩაექნია, - აღნიშნა მმართველმა. ამავე პერიოდში შედგა "ვაკის თეატრალური სარდაფის" გასტროლები ფოთში სპექტაკლით "ქრონიკები" (რეჟისორი ოთარ ევაძე) და დაიდგა მონყვეული რეჟისორის, ხათუნა ბედელაძის მიერ გ. ნახუცრიშვილის პიესის მიხედვით განხორციელებული სპექტაკლი "როგორ გვიყვარდა ჩვენ ერთმანეთი". აღსანიშნავია, რომ ამ მაგალითის შემდეგ ფოთის თეატრს რეჟისორების მოწვევის პრინციპისთვის არ უღალატია. ბოლო 5 წლის განმავლობაში აქ რეჟისორად იმუშავა ირაკლი გოგიამ ("ბუა", "მორფი", "ძალაუფლება", "პილონი"), გაგა გოშაძემ ("ზვავი", "თეატრი", "ვინ არის ვინ"), რალფ ზიბელტმა (პ. ტურინის "ვირთხებზე ნადირობა").

"ჩვენი თეატრის პოლიტიკის შემუშავებისას აქცენტი ახალგაზრდა მაყურებლის დაინტერესებაზეც გავაკეთეთ და საბავშვო სპექტაკლი "ბუა" დავდგით. მოგვიანებით, ფოთის თეატრმა სპექტაკლები თბილისშიც ჩამოიტანა და მაყურებელი ჯერ "ვაკის თეატრალური სარდაფის" სცენაზე მიიწვია ლაშა ბუღაძის "თეატრის" (რეჟისორი ი. გოგია) სანახავად, შემდეგ კი - თუმანიშვილის თეატრში, სადაც გაგა გოშაძის მიერ დადგმული "ზვავი" წარმოადგინა. სპექტაკლის სანახავდ მოსულ მაყურებელს შესაძლებლობა მიეცა შემოინიშნული ფოთის ღვთისმშობლის სახელობის ტაძრის სახელზე გაელო. ამ ფაქტმა სკეპტიკურად განწყობილი საზოგადოების ნაწილი საბოლოოდ დაარწმუნა იმაში, რომ აქამდე დაპირისპირებულ მხარეებს შორის ურთიერთობა ახალ, ერთმანეთისადმი

კეთილგანწყობილ ფაზაში გადავიდა", - გვითხრა თენგიზ ხუხიამ.

ფოთის თეატრმა მონაწილეობა მიიღო ფესტივალში "კავკასია 2007", სადაც ირაკლი გოგიას მიერ რეზო კლდიაშვილის ნაწარმოების მიხედვით დადგმული "პილონი" წარმოადგინა. ამასთან, აღსანიშნავია, რომ შეთანხმებული მუშაობა არ გაჩერებულა შენობაში, სადაც თეატრთან ერთად დღემდე ფუნქციონირებს ფოლკლორის სახლი, ქორეოგრაფიული სტუდია და თოჯინების თეატრი.

თეატრისთვის განსაკუთრებული აღმოჩნდა 2008 წელი, როდესაც განხორციელდა ლევან ხეთაგურის (პროფესორი, ევროპის კულტურის პარლამენტის წევრი) იდეა და ოფიციალურად დაარსდა "საქართველოს რეგიონალური თეატრების ქსელი" (თავმჯდომარე თენგიზ ხუხია), რომელშიც გაერთიანებულია საქართველოს ყველა რეგიონალური თეატრი, ასევე, თავისუფალი თეატრი, სამეფო უბნის თეატრი, მიხეილ თუმანიშვილის სახელობის თეატრი და თეატრისა და კინოს უნივერსიტეტი, რომელიც წევრის სტატუსით სარგებლობს. ამავე წელს ის ევროპის თეატრების ქსელის (IPM) წევრიც გახდა. ფოთის თეატრის ბოლო პერიოდის შემოქმედებით ბიოგრაფიაში განსაკუთრებული მოვლენაა გერმანელ რეჟისორთან - რალფ ზიბელტთან და მხატვართან - მაქს ჯულიან ოტოსთან თანამშრომლობა (სპექტაკლები, სახელწოდებით "ვირთხებზე ნადირობა").

კითხვაზე, რატომ იწვევთ რეჟისორებს, თენგიზ ხუხიამ გვიპასუხა: - "ეს მეთოდი აპრობირებულია ევროპაში და ამ სისტემაზე ნელ-ნელა, ალბათ, ჩვენც გადავალთ... სხვადასხვა რეჟისორთან მუშაობის პროცესი მრავალმხრივ საინტერესოა - თითოეულ მათგანს აქვს საკუთარი ხელწერა, მუშაობის თავისებური სტილი და მანერა, რაც დასს საშუალებას აძლევს არ იყოს დამოკიდებული ერთ კონკრეტულ სკოლასა თუ ხელწერაზე...".

როგორც მმართველისგან შეიტყვეთ, თეატრი, რომლის დარბაზიც 110 მაყურებელს იტევს, ადგილობრივი ბიუჯეტიდან მხოლოდ 230 000 ლარით ფინანსდება. 60-მდე თანამშრომლის საშუალო ხელფასი კი 200-დან 350 ლარამდე მერყეობს, რაც მიზეზია ადამიანებისთვის, რომლებიც მთელ დროსა და ენერგიას თეატრს უთმობენ. თუმცა, ამ დაწესებულების ერთ-ერთ ყველაზე მტკივნეულ პრობლემად რჩება ძალზედ ცუდი ტექნიკური აღჭურვილობა. "ახალ შენობაში გადასვლის შემდეგ, იმედი გვაქვს, რომ ტექნიკური აღჭურვილობის პრობლემა მოგვარდება. ამასთან, ვიტყვი იმასაც, რომ ბევრს აქვს თეატრის მხარდაჭერის სურვილი, რასაც საგადასახადო პოლიტიკამაც უნდა შეუწყოს ხელი... ამ მიმართულებით კანონში ცვლილებების შეტანა აუცილებელია", - აღნიშნა თენგიზ ხუხიამ.

იმედს გვაქვს, რომ ფოთის თეატრის ახალი შენობის მშენებლობა 2010 წლისთვის დასრულდება და 450-კაციან დარბაზში მოხვედრილ მაყურებელს საშუალება მიეცემა აქცენტი სპექტაკლის მხოლოდ მხატვრულ ხარისხზე გააკეთოს და არა თვალმისაცემ პრობლემებზე.

დევილოზაში საკუთარ ქვეყანაში - ცხოვრება ომის შემდეგ

თამარ ივანიძე

ცხოვრება (დევილოზაში) ომის შემდეგ - ყუთები ასეთი წარწერით საქართველოს 6 სკოლაში ახალი სასწავლო წლის დასაწყისიდან გამოჩნდა. ამ ყუთებში ერთი თვის განმავლობაში მოზარდებს, რომელთაც 2008 წლის აგვისტოს შემდეგ საკუთარი სახლების დატოვება მოუხდათ, ომისა და ომის შემდგომ ცხოვრებაზე შექმნილი თემებისა და ნახატების ჩაყრა შეუძლიათ.



ბის ნამუშევრები უნდა ასახავდეს ომის დილეგებს და მომავლის მათეულ ხედვას. ნამუშევრები წარმოდგენილი უნდა

კონკურსი იძულებით გადაადგილებული მოზარდებისთვის არასამთავრობო ორგანიზაციამ "მედიის განვითარების ფონდი" გამოაცხადა. კონკურსი გამოცხადებულია აშშ-ს საელჩოს 2009 წლის მცირე გრანტების ფარგლებში დაფინანსებული პროექტის "კონკურსი ახალგაზრდებისთვის - დევნილი მოზარდების ინტეგრაციისთვის" ფარგლებში.

კონკურსში მონაწილეობა შეუძლიათ 2008 წლის რუსეთ-საქართველოს ომის შედეგად დაზარალებულ 10-დან 17 წლამდე ასაკის იძულებით გადაადგილებულ მოზარდებს. კონკურსანტების

იყოს ესეს ან ნახატის სახით, 2009 წლის 14 სექტემბრიდან 14 ოქტომბრამდე. პროექტის პარტნიორია განათლების სამინისტრო. პარტნიორობა სკოლებში ყუთების განთავსებით არ შემოიფარგლება. მოზარდებს ნამუშევრების წარდგენა სკოლების გარდა რეგიონალურ საგანმანათლებლო რესურს-ცენტრებშიც შეუძლიათ. ორგანიზატორებს იმედი აქვთ, რომ ამით ყველა მსურველს მიეცემა საშუალება კონკურსში უპრობლემოდ ჩაერთოს.

"გასული წლის აგვისტო საქართველოსთვის ახალი ათვლის წერტილია. ცხოვრება ომის შემდეგ უკვე აღარავისთვისაა ომამდელის მსგავსი. თუმცა კიდევ უფრო მტკივნეული და განსაკუთრებულია მათთვის, ვისაც აგვისტოში საკუთარი სახლების დატოვება მოუხდა. ჩვენი პროექტის მიზანი იყო სწორედ ამ ადამიანების აზრის გაგება. ამასთან - სამიზნე ჯგუფებად შევარჩიეთ ახალგაზრდები, ისინი, ვინც ყოველთვის მეტად არიან ორიენტირებული მომავალზე. გვინდა გავიგოთ, როგორ აღიქვამს მათ ომი, რას ელიან მომავლისგან, რისი მიღწევა სურთ, რაზე ოცნებობენ". - განუცხადა "24 საათს" პროექტის კორდინატორმა მარიამ გორეცკაიამ.

კონკურსში 20 გამარჯვებულს 5 კაციანი ჟიური წარჩევს. 10 საუკეთესო ესეს ავტორს ჩაუტარდება მასტერკლასები წერის ხელოვნებაში; ხოლო 10 საუკეთესო ნახატის ავტორს - ხატვაში. დემოკრატიის ტურის ფარგლებში, 20 გამარჯვებული ბავშვი ეწვევა საქართველოს პარლამენტს, უზენაეს სასამართლოსა და ნახავს ტელემაუწყებლობას მოქმედებაში.

ორგანიზატორთა აზრით პროექტის განსაკუთრებით საინტერესო ნაწილია დასკვნითი ნაწილი, როცა გამარჯვებულთა ნამუშევრები წიგნის სახით გამოიცემა და საკუთარ სახელმწიფოში დევნილობაში მყოფი ახალგაზრდების ნაფიქრალს საზოგადოებას გააცნობს. პროექტის დასკვნითი ეტაპი არატრადიციულია - წიგნების ძირითადი ტირაჟი უფასოდ არ დარიგდება - გამოცემა გაიყიდება და რეალიზაციიდან შემოსული თანხები მოხმარდება შერჩეულ იძულებით გადაადგილებულ პირთა საცხოვრებელი ადგილის მწვანე ნარგავებით მომარაგებას. იმ დასახლებას, რომლისთვისაც ნარგავები იქნება შესყიდული, ფონდი გამარჯვებულ კონკურსანტებთან ერთად შეარჩევს.

ალტაირის, კრატოსისა და სხვათა შესახებ

სათამაშო ბიზნესის სიახლეები - Tokyo Game Show

ნა ვაქა

24-დან 27 სექტემბრის ჩათვლით ტოკიო მსოფლიოს ყველაზე ციფრული, ფანტასტიკური და ნოვატორული ქალაქი იქნება (თუმცა ის ხომ ისედაც ასეთია) - აქ სტარტს აიღებს სათამაშო ინდუსტრიის მსოფლიოს ერთ-ერთი ყველაზე ცნობილი და მასშტაბური Tokyo Game Show, რომელზეც ამ ინდუსტრიის ყველაზე ცნობილი და მნიშვნელოვანი კომპანიები უახლეს თამაშებსა და სხვა პროდუქციას წარმოადგენენ. ამჯერად სამი გიგანტი კომპანიის სტენდებს გააცნობთ, რომელთა მომზადება უკვე მიმდინარეობს და გეიმერებისთვის საინტერესო ინფორმაციას წარმოადგენს.

Microsoft-ს უკვე მზად აქვს დაახლოებით 30 პროექტისგან შემდგარი სია, რომლებსაც 2009-2010 წლების სეზონის განმავლობაში კონსოლ Xbox 360-ზე გამოუშვებენ. ზოგი მათგანის მხოლოდ ვიდეოჩანაწერი იქნება წარმოდგენილი, ხოლო უმეტესობის დემო ვერსიების დაგეგმვების საშუალება გამოფენის სტუმარ გეიმერებს თავისუფლად შეეძლება.

უკვე ცნობილია, რომ ყველაზე დიდ დაინტერესებას RPG End of Eternity (ევროპასა და ამერიკაში ეს თამაში Resonance of Fate-ს სახელით გამოვა) იწვევს. ასევე ყურადღების ცენტრში მოექცევა ექვსი Bayonetta, სარბოლი სიმულატორი Forza Motorsport 3, დიდებული შუტერი Halo 3: ODST და შარშანდელი გრაფიკული შედევრი Assassin's Creed-ის გაგრძელება. ამ უკანასკნელის პირველი ნაწილი მოთამაშეები გამოვლისთანავე ორ ბანაკად გაყო. ერთი მხარე ამტკიცებდა, რომ თამაში გენიალურია, ხოლო საკუთარი არგუმენტის გასამყარებლად მხოლოდ და მხოლოდ ბრწყინვალე გრა-



ფიკულ მონაცემებს და მეტ-ნაკლებად საინტერესო სთორის იშველიებდნენ. თამაშის მონაწილეობის კი გაცილებით ჩამოყალიბებული მოსაზრება ჰქონდათ: სამუხაროდ, თამაში, რომლის გრაფიკული სრულყოფისთვის საუკეთესო სპეციალისტების შრომა და მილიონობით ბიუჯეტი დაიხარჯა, ძალიან მოსაწყენი და ერთფეროვანი აღმოჩნდა. მიუხედავად იმისა, რომ პერსონაჟ ალტაირს მოძრაობის პრაქტიკულად შეუზღუდავი არეალი და შესაძლებლობები აქვს, ყველა მისია ერთსა და იმავე გადაწყვეტას ითხოვს. გარდა ამისა, პერსონაჟის მართვისთვის მოთამაშეს დიდი ძალისხმევა არ სჭირდება, რადგან თამაშის შემქმნელებმა მის

ხელოვნურ ინტელექტზე ზედმეტად კარგად იშრომეს. მაგალითად, იმისთვის, რომ ალტაირი სათვალთვლო პუნქტის მაღალ ნერტილამდე აძვრეს, მხოლოდ მიმართულების მიცემა საჭიროა - დანარჩენს იგი თავად აკეთებს, ეს კი ნამდვილ გეიმერებს ნაკლებად მოსწონთ. სწორედ ამ ნაკლოვანებების გათვალისწინებით ყველა იმედოვნებს, რომ Assassin's Creed-ის მეორე ნაწილი მხოლოდ გრაფიკული სრულყოფილება არ იქნება.

Microsoft-ის მიერ Tokyo Game Show-ზე წარმოსადგენი სიახლეების ჩამონათვალი ასეთია: Samurai Spirits Sen, FIFA 10, Lost Planet 2, Dynasty Warriors: Strikeforce Special,

Bayonetta, Dragon Ball: Raging Blast, Tekken 6, Assassin's Creed II, Shadow Complex, Tom Clancy's Splinter Cell: Conviction, Castlevania: Lords of Shadow, Call of Duty: Modern Warfare 2 და Halo Legends.

ზემოთ ხსენებული კომპანიის მთავარი კონკურენტი სათამაშო ბიზნესში Sony Computer Entertainment (ცხადია არანაკლებ შრომას ჩადებს, რომ გამოფენაზე რაც შეიძლება ღირსეულად წარსდგეს. "სონი" "მაიკროსოფტს" რაოდენობითაც გადააჭარბა და PlayStation 3-ის, PSP-სა და PlayStation Network-ის 46 ახალი პროექტი დააანონსა. მათ შორის იქნება Fat Princess და inFamous, რომლებიც ამერიკასა და

ევროპაში უკვე გამოვიდა.

კონსოლ PlayStation 3-ის თავყანის-მცემლებს წინ შემდეგი თამაშების გაცნობა ელით: Final Fantasy XIII, Front Mission Evolved, Gran Turismo 5, inFamous, Heavy Rain, Ratchet & Clank: A Crack in Time, Ninja Gaiden Sigma 2, Dragon Ball: Raging Blast, Uncharted 2: Among Thieves და God of War III.

როგორც პრესა იუწყება, განსაკუთრებულ დაინტერესებას სწორედ ეს ორი უკანასკნელი, "სონის" ექსკლუზიური თამაში გამოიწვევს. Uncharted 2: Among Thieves-ის პირველი ნაწილი Uncharted: Drake's Fortune 2007 წელს გამოვიდა და მაშინვე ჰიტად იქცა. ეს არის სათავგადასავლო ფანრის თამაში, რომელიც ხასიათით და სტრუქტურით ლეგენდარულ "ტომბ რაიდერს" მოგაგონებთ, თუმცა იმ განსხვავებით, რომ აქ გაცილებით მეტი ექვსი, იუმორი და ნამდვილი თავგადასავალია. თუ ახალი ნაწილის შემქმნელები ძველ ხასიათს შეინარჩუნებენ, მაშინ თამაშს წარმატება გარანტირებული ექნება. რაც შეეხება მის გრაფიკულ მონაცემებს, ინტერნეტში უკვე შეიძლება რამდენიმე ნახევრეტის ნახვა, რომლებიც საკმაოდ შამბეტქდავია. რაც შეეხება God of War III-ს, აქ ექვსის საფუძველი პრაქტიკულად არ არსებობს. ძველამოსილი კრატოსის შესახებ გაკეთებული თამაშის ორივე ნაწილი შედევრია და მის დევლოპერებს მცირედი ხინჯიც არ ეპატიებათ.

გამოფენაზე არანაკლებ არსენალს წარმოადგენს კომპანია Capcom-იც. დაანონსდა Dead Rising 2, Lost Planet 2 და Tatsunoko vs Capcom. აქვე ისაუბრებენ 2006 წელს გამოსული ალბათ ყველაზე იაპონური და შესაბამისად ყველაზე უცნაური Okami-ს შესახებაც. პროექტმა უკვე მიიღო საშუალო სახელწოდება Okamiden და როგორც ამბობენ, მასზე მუშაობა უკვე დაწყებულია.

თბილისის მერიის სსიპ თბილისის არქიტექტურის სამსახურის მიერ გამოქვეყნებულ "ინდივიდუალური საცხოვრებელი სახლის პროექტები მშენებლობის დაწყების მსურველთათვის" საკონკურსო პირობებში, თბილისის მერიის სსიპ თბილისის არქიტექტურის სამსახურის უფროსის 17.09.09 წლის N2833 ბრძანებით შეტანილი იქნა შემდეგი ცვლილებები:

1. საკონკურსო განაცხადების წარდგენა შესაძლებელი იქნება როგორც ქ. თბილისის მერიის სსიპ თბილისის არქიტექტურის სამსახურის კანცელარიაში (მის: ქ. თბილისი, ყ. შარტავას ქ. N7), ასევე ელექტრონული ფორმით ვებგვერდზე - www.Tbilisi.gov.ge/architect, დამტკიცებული განაცხადის ფორმის შესაბამისად. ცვლილებამდე განაცხადების მიღება შესაძლებელი იყო მხოლოდ ელექტრონული ფორმით, ზემოთმითითებულ ვებგვერდზე.
2. კონკურსანტმა გარდა უკვე გამოქვეყნებული საკონკურსო პირობებისა, პროექტს თან უნდა დაერთოს სამშენებლო მასალების ნუსხა და მშენებლობის სავარაუდო ღირებულება. სასურველია სამშენებლო მასალების ცვლილების ხარჯზე, წარმოდგენილ იქნას ხარჯთაღრიცხვის რამდენიმე ვარიანტი.
3. კონკურსში გამარჯვებული პროექტის ავტორი (და არა კონკურსანტი) ვალდებულია

შესყიდვის ხელშეკრულების გაფორმებამდე თბილისის მერიის სსიპ თბილისის არქიტექტურის სამსახურში, კონკურსის შედეგების გამოქვეყნებიდან არაუგვიანეს 10 სამუშაო დღის ვადაში, წარმოადგინოს გამარჯვებული პროექტის კონსტრუქციული ნახაზები "0" ნიშნულის ზევით. (მის: ქ. თბილისი, ყ. შარტავას ქ. N7).

4. კონკურსანტს უფლება აქვს განაცხადის ფორმაში მიუთითოს თანხის ოდენობა, რომლის ფარგლებშიც შეასრულებს პროექტის კონკრეტულ რელიეფზე მორგების საპროექტო დოკუმენტაციას, რასაც სამსახური გამოაქვეყნებს ვებ.გვერდზე www.Tbilisi.gov.ge/architect.

5. კონკურსში გამარჯვებული პროექტები გამოქვეყნდება ვებგვერდზე www.Tbilisi.gov.ge/architect. იქვე, პროექტების მიხედვით, მითითებული იქნება გამარჯვებული არქიტექტორის რეკვიზიტები.

6. საკონკურსო განაცხადების მიღების ვადა გაგრძელებულ იქნა 2009 წლის 17 ნოემბრამდე.

მსჯელობა ევროპის მომავალზე

დღიური აპლიანი

9-12 სექტემბერს პოლონეთის საკურორტო ქალაქ კრინიციში მეცხრამეტე ეკონომიკური ფორუმი ჩატარდა. ტრადიციულ ღონისძიებას ასეულობით სტუმარი დაესწრო - ევროპის ქვეყნების პოლიტიკური და ეკონომიკური ელიტის წარმომადგენლები. წლებადგენელი ფორუმი სოციალისტური ბანაკის დაშლის და აღმოსავლეთ ევროპის გათავისუფლების 20 წლისთავს მიეძღვნა. საქართველოს საკითხი ფორუმზე ამჯერადაც აქტუალური იყო - როგორც ერთ-ერთი მთავარი პრობლემა ევროკავშირ-რუსეთის და აშშ-რუსეთის ურთიერთობებში. საქართველო ევროკავშირის მომავალი გაფართოების მიმართულებებს შორისაც განიხილება.

ლია კარი "ახალი ევროპელებისთვის?"

“ევროპული სოლიდარობა რევოლუციონარ 20 წლის შემდეგ” - ამ დევიზით ჩატარებულ ფორუმზე კიდევ ერთხელ გამოჩნდა, რომ ევროპაში სოლიდარობის საკითხი დღის წესრიგში საკმაოდ მწვავედ დგას.

როგორც ფორუმის გახსნისას პოლონეთის “აღმოსავლეთის ინსტიტუტის” დირექტორმა ზიგმუნდ ბერდიხოვსკიმ აღნიშნა, ევროპის წინაშე ამჟამად საკმაოდ მწვავედ დგას კითხვები - რამდენად მზად არიან ევროკავშირის წევრები ერთმანეთის დასახმარებლად კრიზისის პირობებში? ასევე, რამდენად მზად არის თავად ევროკავშირი იმ ქვეყნების დასახმარებლად, რომლებიც მძიმე სიტუაციაში აღმოჩნდნენ.

ის, რომ ევროკავშირის სამომავლო გაფართოება კვლავაც აქტუალური თემა და მწვავე დებატების საგანია, ფორუმის გახსნისას ესპანეთის ყოფილი პრემიერმა ხოსე მარია აზნარმა აღნიშნა. თუმცა, მისი თქმით, “ევროპა უსაზღვრო პროექტი არ არის.” “მაგრამ, ევროპის საზღვრები მაინცდამაინც უკრაინასა და საქართველოზე არ გადის. ისინი უფრო ფარგლებზე გადის,” - განაცხადა აზნარმა.

“ჩვენი მეგობრები მიიჩნევენ, რომ რუსეთის მეზობლები მისივე თანამგზავრები უნდა იყვნენ,” - აღნიშნა ყოფილი პრემიერმა. თუმცა, მისი თქმით, თავად არც ამ მიდგომას ეთანხმება და არც “რუსეთის საბჭოურ პოლიტიკას”.

როგორც, თავის მხრივ, ევროპარლამენტის თავმჯდომარემ ეტი ბუზეკმა აღნიშნა, ევროკავშირის გაფართოებაზე “პესიმიზმის მიზეზები არსებობს.” ევროკავშირი ძალიან გაფართოვდა და მისი წევრი ქვეყნები ერთმანეთთან არასაკმარისად არიან ინტეგრირებულნი, - აღნიშნა ბუზეკმა. მისი აზრით, ინტეგრაცია, პირველ რიგში, ევროკავშირს შიგნით უნდა გაგრძელდეს. თუმცა, იმავდროულად, როგორც ევროპარლამენტის თავმჯდომარემ აღნიშნა, თუ ევროკავშირი თავის რიგებში ახალ წევრებს მიიღებს, ეს ქვეყნები “თავიანთ შიგნით ბევრი რამის შეცვლას შეძლებენ.”

საქართველოს, უკრაინისა და სხვა პოსტსაბჭოთა ქვეყნების ევროკავშირში შესაძლო განწევრიანება მთავარი თემა გახდა ფორუმის ფარგლებში გამართულ დისკუსიაზე, რომელიც მიეძღვნა ევროკავშირის პოლიტიკას მეზობლების მიმართ.

როგორც დისკუსიაზე გერმანიის წარმომადგენელმა, ელჩმა დიტმარ შტუდემანმა აღნიშნა, დღეს ევროპის წინაშე რთული კითხვა დგას - მაინც თუ არა ევროკავშირმა ბუნებრივ საზღვრებს და არსებობს თუ არა მისი გაფართოების პერსპექტივა?

შტუდემანის თქმით, ევროკავშირის სამეზობლო პოლიტიკამ ვერ შეძლო იმ ქვეყნების დაკმაყოფილება, რომლებიც ევროკავშირის წევრობისკენ მისწრაფებდნენ. “ისინი აღმოჩნდნენ სხვა სიტუაციაში ისეთ ქვეყნებთან ერთად, რომლებსაც ისეა მიზნები ჰქონდათ,” - აღნიშნა შტუდემანმა. რაც შეეხება აღმოსავლური პარტ-

ნიორობის პროგრამას, გერმანიის წარმომადგენლის აზრით, ეს პროგრამა ევროკავშირის მომავალს განსაზღვრავს. “მთავარია, ვართ თუ არა გახსნილი (ახალი წევრების მისაღებად) და გულწრფელი. დღესდღეობით, როგორც ჩანს, გახსნილები ვართ, მაგრამ ზღვარი, რაც მეზობლებს დაუწესეთ, ძალზე მაღალია,” - აღნიშნა შტუდემანმა.

მისი თქმით, ევროკავშირის სამეზობლო პოლიტიკა რუსეთს უშუალოდ უკავშირდება: “ადრე რუსეთი ღია იყო ინტეგრაციისთვის, დაინტერესებული იყო თავის საზღვრებზე სტაბილურობით. მაგრამ, გაზის ომმა და საქართველოს კრიზისმა მეზობლებთან ურთიერთობაში წინსვლა ევროკავშირისთვის აუცილებელი გახადა.”

რუსეთის პოლიტიკა ავსტრიელმა ექსპერტმა ერჰარდ ბუსეკმაც გააკრიტიკა: “რუსეთის მტრები არ ვართ, მაგრამ უნდა ითქვას, რისი მიცემა შეუძლია რუსეთს ევროპისთვის? რუსეთის ყოფნა ევროპაში - ეს მხოლოდ ლიტერატურა და უაზრო ლაყბობაა, მაგრამ რუსებს მაინც უნდა ველაპარაკოთ.”

ბუსეკის თქმით, რუსეთში მას ღიად ეუბნებოდნენ, რომ მოსკოვში შეცდომად მიიჩნევენ ევროკავშირისა და ნატო-ს რიგებში ბალტიის ქვეყნების მიღებას და იმასაც აცხადებდნენ, რომ ევროკავშირის ახალი წევრები მაინც რუსეთის “გავლენის სფეროში” უნდა ყოფილიყვნენ. “მათ უნდა გაიგონ, რომ იალტის გარიგება ძალაში აღარ არის,” - განაცხადა ბუსეკმა.

კრიტიკული მოსაზრებები ევროკავშირის აღმოსავლური პარტნიორობის პროგრამის შესახებ უკრაინელმა პოლიტოლოგმა ალექსანდრ პროხოროვმა გამოთქვა. მისი აზრით, აღმოსავლური პარტნიორობის პროგრამა შეიქმნა მასში ჩართული ქვეყნების ევროკავშირში განწევრიანების გასაქიანურებლად “იმ დრომდე, როდესაც მოქმედი ევროპული პოლიტიკოსები ხელისუფლებაში აღარ იქნებიან.”

“აღმოსავლური პარტნიორობა, თუ ის არ მოიცავს განწევრიანების კონკრეტულ პერსპექტივას, მხოლოდ ზღურბლის აწევას წარმოადგენს,” - მიიჩნევს ექსპერტი.

პროხოროვის თქმით, ევროკავშირის წევრობის პერსპექტივა თავის დროზე სტიმული გახდა აღმოსავლეთ ევროპისთვის, “ჩვენს სამოქალაქო საზოგადოებას კი ვეუბნებით, რომ პერსპექტივა არ გვაქვს.” მან ყურადღება გაამახვილა იმ საფრთხეებზე, რაც რუსეთისგან უკრაინას ემუქრება. გარდა ენერგეტიკული შანტაჟისა, რუსეთის ხელისუფლება უკრაინის წინააღმდეგ საინფორმაციო ომს აწარმოებს, რათა ეს ქვეყანა რუსეთის მთავარ მტრად წარმოაჩინოს.

დიდი ბრიტანეთის პარლამენტის წევრმა მარკ პრიჩარდმაც რუსეთის პოლიტიკაზე გაამახვილა ყურადღება და აღნიშნა, რომ რუსეთმა დასავლეთის “სიგნალი უნდა მისცეს” თავისი დამოკიდებულების შესახებ სახელმწიფოების ტერიტორიული მთლიანობის მიმართ, ასევე ნატო-სა და ევროკავშირში წევრობის სურვილი სახელმწიფოთა სუვერენულ უფლებად აღიაროს.

თავის მხრივ, ესპანეთის პარლამენტის წევრმა ალექს სიეზმა აღნიშნა, რომ ამ ეტაპზე ევროკავშირში ბალკანეთის სახელმწიფოები უნდა განწევრიანდნენ, რასაც აღმოსავლეთის მიმართულეებით თანამშრომლობის გაღრმავება უნდა მოჰყვებოდა. ასეთი თანამშრომლობის გააქტიურების მაგალითად მან დაასახელა მოლაპარაკებები საქართველოსთან თავისუფალი ვაჭრობის შესახებ.

“აღმოსავლეთ ევროპის ქვეყნებს სჭირდებათ მაფიო სიგნალი, რომ მათ ევროკავშირში მიიღებენ. აღმოსავლური პარტნიორობა და სამეზობლო პოლიტიკა ამ საკითხს გვერდს უვლის, მაგრამ კარი ღია უნდა იყოს. ამ პროცესების ფარგლებში ეს შესაძლებელია,” - განაცხადა, თავის მხრივ, დიტმარ შტუდემანმა. მი-



სი თქმით, ეს განსაკუთრებით “რუსეთის გარშემო მყოფ ქვეყნებს” უნდა შეეხოთ.

გადაჭარბებული ევროპული ოპტიმიზმი

დამთმობი თუ შემტევი - როგორი გახდება რუსული საგარეო პოლიტიკა ფინანსური კრიზისის შედეგად? - ამ კითხვაზე პასუხის გაცემას სპეციალურ დისკუსიაზე ევროპული პოლიტიკოსები და ექსპერტები შეეცადნენ.

უკრაინის ყოფილი საგარეო საქმეთა მინისტრი ბორის ტარასიუკი დისკუსიის ერთადერთი მონაწილე გახდა, რომელიც რუსული პოლიტიკის მწვავე კრიტიკით გამოვიდა. მან აღნიშნა, რომ რუსეთი

მეზობელ ქვეყნებზე ზენოლისთვის ეკონომიკურ და ენერგეტიკულ ბერკეტებს იყენებს, ასევე აგრესია განახორციელა საქართველოს წინააღმდეგ. “ეს იყო რუსეთის ახალი სახის ტიპური დემონსტრირება,” - აღნიშნა ტარასიუკმა.

მისი აზრით, ევროკავშირის “აქილევსის ქუსლი” საერთო საგარეო და უსაფრთხოების პოლიტიკის უქონლობაა. ტარასიუკის განცხადებით, “ცდილი არ იქნება, თუ ევროკავშირი და რუსეთი ურთიერთობებს მოავლობენ, მაგრამ ეს ფასეულობებისა და პრინციპების ხარჯზე არ უნდა მოხდეს.”

თავის მხრივ, პოლონეთის სემიის წევრი იოლანტა შიმანეკ-დერეში დარწმუნებულობით, რომ რუსეთის პოლიტიკა უფრო ცივილიზებული გახდება.

“რუსეთი გლობალურ ეკონომიკასა და პოლიტიკაში მონაწილეობას იჩვენებს. ამისთვის სტიმული ბარაკ ობამას მიერ გამოცხადებული “გადატვირთვა” გახდება,” - აღნიშნა დეპუტატმა.

იგი შეეხო მედვედევის წინადადებას ევროპაში უსაფრთხოების ახალი სტრუქტურის შესახებ. შიმანეკ-დერეშის აზრით, ეს წინადადება იმის ნიშანია, რომ რუსეთს ევროპაში უსაფრთხო გარემოს დამყარება რეალურად სურს და “რუსეთის ესმის, რომ შესახელმწიფო აღარ არის.” პოლონელი დეპუტატი ასევე დარწმუნებულია, რომ მას შემდეგ, რაც აფხაზეთი და სამხრეთ ოსეთი მხოლოდ ნიკარაგუამ აღიარა, რუსეთი “მიხვდა”, რომ ამ მხრივ მისი პოლიტიკა მცდარია.

რუსეთს რეცესია შეეხო, ხოლო ქვეყნის საზოგადოება ცხოვრების დონის ზრდას ელის. შესაბამისად, მისი აზრით, რუსეთს მეზობლებთან ურთიერთობის გაუმჯობესება მოუწევს.

როგორც, თავის მხრივ, ფინეთის პარლამენტის წევრმა კიმო კილიუნენმა აღნიშნა, ამჟამად “მრავალპოლარული სამყარო იქმნება, აშშ-ს ფუნქციები კნინდება, რუსეთის ძალა კი იზრდება.” “ფინელებმა ისტორიიდან დასკვნები გამოვიტანეთ - დიდი ქვეყნები დიდ ქვეყნებად რჩებიან. სჯობს კარგი მეზობელი გვყავდეს, ვიდრე მტერი,” - აღნიშნა კილიუნენმა.

მისი აზრით, “ჩრდილოეთის ნაკადის” პროექტი, რომელსაც რუსეთი და გერმანია ახორციელებენ, ევროპის

უსაფრთხოებაზე დადებითად აისახება, რადგან მან “ხელი უნდა შეუწყოს რუსეთის ინტეგრაციას ევროპის ეკონომიკაში.” ფინელი დეპუტატი მონონებთ შეხვდა ევროპაში უსაფრთხოების ახალი არქიტექტურის შესახებ, რადგან, მისი აზრით, “უფრო უკვე მოძველდა.”

თუ რამდენად “მზად” არის რუსეთი საგარეო პოლიტიკის შესაცვლელად, ამის განმარტება დისკუსიის რუსმა მონაწილეებმა გააკეთეს. “რუსეთი დიდი ქვეყანაა და მისი ინტერესები მის საზღვრებს სცდება. რუსეთს, ბუნებრივია, სურს, პატივს სცემდნენ. რუსეთს მსოფლიოში იმ ადგილის დაკავება სურს, რა წვლილიც აქვს შეტანილი მსოფლიო კულტურაში,” - განაცხადა ოპოზიციური პარტია “პრავოე დელის” წარმომადგენელმა დენის მილნიკოვმა.

იგი ასევე დარწმუნებულია, რომ რუსეთში კრიზისის გადატანა “ევროპის ქვეყნებზე უარესად” არ მოხდება, სხვაგვარი მოსაზრებები კი “მხოლოდ ილუზიაა.”

“რუსეთის ხელისუფლება არ არის იდეალური, მაგრამ იდეალურია ყველა ევროპული ქვეყანა?” - გამოეკომენტა პუტინის რეჟიმს “ოპოზიციონერი” და ისიც აღნიშნა, რომ როგორც ოპოზიციური პარტიის წევრი, არ ემხრობა რუსეთის ხელისუფლების იზოლაციას, ვინაიდან ამით “გაძლიერდებიან ჯგუფები, რომლებსაც ქვეყნის თვითიზოლაცია სურთ.”

თავის მხრივ, რუსმა ექსპერტმა ანა ლუნევა აღნიშნა, რომ ევროპასა და რუსეთს შორის ურთიერთობის დაძაბვა “მხოლოდ რუსეთის ბრალი არ არის.” “რუსეთისგან სულ რაღაცას ელიან. მხოლოდ მან უნდა გადადგას ნაბიჯები და ევროკავშირმა არა?” - იკითხა ლუნევა და ისიც გაიხსენა, რომ რუსეთს დღესაც კარგი ურთიერთობა აქვს გერმანიასთან, საფრანგეთთან და იტალიასთან. მისი თქმით, თუ ევროკავშირსა და რუსეთს შორის ურთიერთობა ვერ დარეგულირდება, მოსკოვს ყოველთვის შეეძლება ცალკეულ ევროპულ ქვეყნებთან ორმხრივი ურთიერთობების დამყარება.

ამერიკის საგარეო პოლიტიკა - მოლოდინები ევროპაში

ობამას ადმინისტრაცია ხედავს საკუთარი “რბილი ძალის” შესუსტებას მსოფლიოში, რაც იმის ბრალია, რომ ბუშის ადმინისტრაცია თავისი პოლიტიკის არასაკმარის კოორდინირებას ახდენდა მოკავშირეებთან, - ამის შესახებ ამერიკელმა დამოუკიდებელმა ექსპერტმა რობერტ ნურიკიმ განაცხადა დისკუსიაზე, რომელიც აშშ-ს ახალი ადმინისტრაციის საგარეო პოლიტიკას მიეძღვნა.

მისი თქმით, ობამას პოლიტიკა დღეს კონცენტრირებულია ირანზე, ერაყსა და აფღანეთზე და ნაკლებად - ევროპაზე.

რუსეთთან ურთიერთობის “გადატვირთვის” პოლიტიკაში გასაკვირი არაფერია, - აღნიშნა ნურიკიმ. ეს ურთიერთობა წლების განმავლობაში

უარესდებოდა, რუსეთ-საქართველოს ომი კი გადამწყვეტი მომენტი, გაუარესების “პიკი” გახდა. შესაბამისად, ნურიკის აზრით, მოსკოვსა და ვაშინგტონს შორის ურთიერთობის სასწრაფოდ გადასიჯვის აუცილებლობა გაჩნდა.

ექსპერტი მიიჩნევს, რომ მოსკოვთან ურთიერთობაში ყველაზე პრობლემური საკითხი მეზობლებთან რუსეთის ურთიერთობის თემაა. “ილუზიები არ უნდა ვეჭონდეს. ჩვენს ვალდებულებებს ვერ უარყვით, მაგრამ საქართველოსა და უკრაინის ნატოში წევრობა გარკვეული ხნით გადაიდო,” - აღნიშნა ნურიკიმ.

რაც შეეხება რუსეთის წინადადებებს უსაფრთხოების ახალი არქიტექტურის შესახებ, ნურიკის შეფასებით, რუსებს სურთ გავლენის სფეროს დამტკიცება და ზესახელმწიფოებს შორის თანამშრომლობა ისე, რომ, “პატარა ქვეყნები ფეხებში არ ებლანდებოდნენ.” “ამაზე უნდა ვიმჯავლოთ ჯერ ჩვენს წრეში, შემდეგ რუსეთთან. მაგრამ, ევროპის პოლიტიკა ჩამოყალიბებული არ არის,” - აღნიშნა ექსპერტმა.

აშშ-ს ახალი ადმინისტრაციის პოლიტიკის გამო შემოფოთება აღმოსავლეთ ევროპის წარმომადგენლებმა გაამხოვანეს.

რუმინეთის პრეზიდენტის მრჩეველის რუმუნული უსაფრთხოების საკითხებში იულიან ფოტას თქმით, “გაჩნდა მოსაზრება, რომ ამერიკამ ევროპა მიატოვა. ამიტომაც ევროპის ზოგიერთი ქვეყანა რუსეთთან დაკავშირების მჭიდრო ურთიერთობას. მათ ეშინათ, რომ აშშ და ჩინეთი ახალ საერთაშორისო სტრუქტურებს შექმნიან, ევროპა კი განზე დარჩება.”

“გვესმის, რატომ არის საჭირო “გადატვირთვა”. მაგრამ, რუსები საერთოდ არ არიან დაინტერესებულნი პარტნიორობით. მათ სურთ გარიგება, ზიზნესი აშშ-სთან,” - აღნიშნა ფოტამ. მისი თქმით, დღეს აღმოსავლეთ ევროპას სურს, გაიგოს, აშშ და ნატო-ს წევრი სხვა ქვეყნები კვლავაც რჩებიან თუ არა ერთგულნი ნატო-ს ხელშეკრულების მე-5 მუხლისა, რომელიც აგრესიისგან ერთობლივ თავდაცვას ითვალისწინებს.

მე-5 მუხლის მოქმედების მნიშვნელობაზე ევროპარლამენტის პოლონელმა წევრმა პაველ ზალევესკიმაც ისაუბრა. მის თქმით, “რუსეთი თავისი საგარეო პოლიტიკის ლეგიტიმაციას ცდილობს. ამ პოლიტიკაში აშშ პარტნიორად არ მოიაზრება. ჩვენ გვინტერესებს, რამდენად იზიარებს აშშ-ს ადმინისტრაცია ჩვენს შემოფოთებას.”

როგორც, თავის მხრივ, პოლონელმა ექსპერტმა იანუშ რეიტერმა განმარტა, აშშ-ს ადმინისტრაციამ მოვიდა ახალი თაობა, რომელიც “ცივი ომის ლოგიკით არ აზროვნებს.” ექსპერტის თქმით, წინა ადმინისტრაციის წარმომადგენლებს კაბინეტებში ვაცლავ პაველისა და ლეხ ვალენსას სურათები ეკიდათ, რასაც ახლანდელი ხელმძღვანელების კაბინეტებში ველარ ნახავთ. “ახალი წესრიგი ყალიბდება. რუსეთი კვლავ იწყებს მნიშვნელოვანი როლის შესრულებას. მაგრამ, რუსები ევროპელების წესებს არ მიიღებენ. მათ თავიანთი წესების შემოღება სურთ და ევროპის დაყოფით არიან დაინტერესებულნი. ჩვენ გვჭირდება აშშ-ს მონაწილეობა რუსეთთან საუბარში,” - აღნიშნა რეიტერმა.

როგორც, თავის მხრივ, რობერტ ნურიკიმ აღნიშნა, მას ესმის, თუ “რატომ მიიჩნევენ ევროპაში, რომ აშშ გულუბრყვილოდ იქცევა.” მისი თქმით, აშშ-რუსეთის ურთიერთობების გაუმჯობესება “ძალიან რთულია.” “გვაქვს იმედი, რომ გარკვეული მიმართულებებით ვითანამშრომლებთ. მაგრამ, დიდი ოპტიმიზმი არ გვაქვს. პრობლემა არა მხოლოდ რუსეთის, არამედ ევროპის პოლიტიკაა,” - განაცხადა ექსპერტმა.

გაზეთი “24 საათი” კრინიცი მე-19 ეკონომიკური ფორუმის ოფიციალური მედიასპარტნიორია. ინფორმაცია ფორუმის შესახებ იხილეთ ვებგვერდზე www.forum-ekonomiczne.pl

სპორტი

"დინამო" აიწყობა

ლოგიკური ტური ფორსმაყორის თანხლებით

ინხილ ახიზვილი

ფეხბურთში საქართველოს ეროვნული ჩემპიონატის მე-7 ტურმა ფორსმაყორულ ვითარებაში ჩაიარა. მოგეხსენებათ, სამიოდ დღის წინ საქართველოს ფეხბურთის ფედერაციის ან უკვე ექსპრეზიდენტმა, ნოდარ ახალკაცმა პოსტიდან გადადგომის თაობაზე გააკეთა განცხადება და ამის შემდგომ, ქვეყანა დატოვა. ქართული ფეხბურთი, რომელიც ბოლო ორი წლის განმავლობაში, არც თუ მთლად ლეგიტიმურ სივრცეში იმყოფებოდა, მორიგ კრიზისულ ვითარებაში აღმოჩნდა. თუმცა კი, ეს ფორსმაყორი არანაირად, ეპიზოდურადაც კი არ ასახულა ქართული კლუბების ძალთა ბალანსზე: მე-7 ტურში პრაქტიკულად ყველა შეხვედრა ლოგიკური შედეგით დასრულდა.

ტურის ცენტრალური მატჩი, რომელშიც ლიდერმა, რუსთავის "ოლიმპმა" მოქმედ ჩემპიონს, თბილისის "ვიტ ჯორჯიას" უმასპინძლა, არა რუსთავის "ფოლადის" სტადიონზე, არამედ ბორის პაიჭაძის სახელობის ეროვნულ არენაზე გაიმართა. საქმე ის არის, რომ რუსთავის სტადიონი ამჟამად რეკონსტრუქციას განიცდის - მიმდინარეობს ხელოვნური განათების დამონტაჟება და ხელოვნურსაფარიანი მოედნის დაგება, რაც უფასო გრანტის მიღების შედეგად გახდა შესაძლებელი. ეს სამუშაოები დაახლოებით 2 თვეს გასტანს და ამ პერიოდში "ოლიმპი" საშინაო თამაშებს თბილისში, ბორის პაიჭაძის სახელობის სტადიონზე ჩაატარებს.

ამ თამაშამდე გუნდები სხვადასხვა ბაგაჟით მივიდნენ. მესამე ტურის შემდეგ "ვიტ ჯორჯიამ" მთავარი მწვრთნელი გამოიცვალა: შემტვენი თამაშის მოყვარული რამაზ მუმლაძე ამ პოსტზე დაცვითი სტილის მიმდევრად შერაცხულმა მერაბ კოჭლაშვილმა ჩაანაცვლა. ეს ტრანსფორმაცია არა მხოლოდ გუნდის თამაშზე, არამედ შედეგებზეც აისახა. თუ პირველ სამ თამაშში "ვიტ ჯორჯიამ" უჩვეულოდ ბევრი - 6 გოლი გაუშვა, მომდევნო სამ ტურში გაშვებული გოლების რიცხვი ერთამდე შემცირდა. ისიც გასათვალისწინებელია, რომ კოჭლაშვილის ხელმძღვანელობით "ვიტ ჯორჯია" ზედიზედ ოთხ ლიდერს



"ოლიმპი" და "ვიტ ჯორჯია" ერთმანეთს მშვიდობიანად გაეყარნენ.

შეხვდა ("დინამოს", "სპარტაკს", "ზესტაფონს" და "ოლიმპს") და არცერთ ამ მატჩში მარცხი არ განუცდია.

საპირისპირო ბაგაჟით მოვიდა "ოლიმპი" 19 სექტემბრამდე: ბრაზილიელი ფეხბურთელებით გაძლიერებულმა ამ გუნდმა ფანტასტიური სტარტი გამოაცხო: ხუთიდან ხუთ თამაშში გაიმარჯვა და აბსოლუტური, 15-ქულიანი შედეგით ლიდერობდა ჩემპიონატს, მაგრამ ფეიერიულმა თამაშმა და მეტოქეებზე თავს დატეხილმა გოლების წვიმამ ძალზე უარყოფითი სამსახური პირველ რიგში სწორედ "ოლიმპს" გაუწია. მეექვსე ტურის შეხვედრაში ოთარ კორღალიძის შეგირდებს აშკარად აკლდათ მობილიზაციკონცენტრაცია, რასაც ამ კონკრეტულ ვითარებაში არც თუ ეფექტური ტაქტიკური განლაგებაც დაერთო და სრული ლოკალური კატასტროფით დასრულდა: "დინამომ" "ოლიმპს" ოთხი უპასუხო გოლი გაუტანა და ციდან მიწაზე დაშვებაში დაეხმარა. სწორედ ამ გარემოების გამო რუსთაველი კლუბი აბსოლუტურად განსხვავებული განწყობით, მობილიზაციით, კონცენტრაცი-

ით და გუნდავით, ტაქტიკური განლაგებით დაუხვდა "ვიტ ჯორჯიას".

ერთი შეხედვით, თამაშმა არ გაამართლა - ვგულისხმობ, სანაბაობრივ მხარეს. თუმცა, არც არავინ მოელოდა, რომ ეს შეხვედრა გახსნილი, ორმხრივი იერიშებით აღსავსე და უხვგოლიანი აღმოჩნდებოდა. მოედანზე დაძაბული, ხისტი და ორივე მხრიდან უხეშობის ზღვარზე მისული ორთაბრძოლა გაჩაღდა. "ვიტ ჯორჯიას" მცველებმა შეძლეს რუსთაველთა მთავარი დამრთმელები ძალის - აკინო-ანდერსონის ნეიტრალიზება და ამის წარმატებით გასაკეთებლად ბრაზილიელისთვის კოჭებში რამდენიმე ათეული მირტყემა ნამდვილად არ დაუმაღლებიათ. "ოლიმპს" წინა ხაზში აშკარად დააკლდა პირადი პრობლემების გამო შეგებულებაში მყოფი და სამშობლოში ათდღიანი შეგებულებით გამგზავრებული აკინოს თანამემამულე - ჟონათასი. რაც შეეხება კიდევ ერთ ახალწვეულ ბრაზილიელ სალესს, ამ ფეხბურთელმა პირველ ტაიმში თავი ვერაფრით გამოიჩინა და შესვენებაზე შეცვალეს კიდევც. საბოლო-

ოდ, მატჩი, რომელშიც პირობითმა მასპინძლებმა ორი კარგი მომენტი გააცუდეს (ერთხელ ჭედიამ და ერთხელაც - აკინომ), უგოლოდ დასრულდა.

თბილისის "დინამომ" კი აინყვიტა და ამ გუნდს ველარავინ აჩერებს. მეხუთე ტურში დინამოელებმა მტკივნეული მარცხი იწინეს ზესტაფონში ანგარიშით 1:4. როგორც ჩანს, ამ დიდი ანგარიშით წაგებამ გუნდზე გამაღიზიანებლად იმოქმედა და ჯერ ლიდერი "ოლიმპის" კარი შემუსრა ოთხჯერ, შემდეგ ზუგდიდში ჩავიდა და ადგილობრივი "ბაია" არ დაინდო: ექვსი უპასუხო გოლი გაუტანა.

გოლების იშტაზე მოვიდა "ზესტაფონიც" იმერლებმა ცხინვალის "სპარტაკს" უმასპინძლეს და დიდი ანგარიშით, 4:1 დაამარცხეს სადებიუტო ტურების შემდეგ ყველასთვის მოულოდნელად პირველ პოზიციაზე აღმოჩენილ მეტოქეს.

მე-7 ტური

ზესტაფონი - სპარტაკი	4:1
ბაია - დინამო	0:6
ლოკომოტივი - სიონი	0:0
ოლიმპი - ვიტ ჯორჯია	0:0
სამტრედია - გავრა	4:3

მილანური ომი დაიწყო

იქ, სადაც უოზე მოურიზიო მუშაობს მედიისთვის სამუშაო საკმაოდ არის. პორტუგალიელი სპეციალისტი ყოველთვის გამოირჩეოდა მკვახე გამოჩინებებით მეტოქეთა წინააღმდეგ. ინგლისში მოურიზიომ რიგრიგობით გადაიმტერა ალექს ფერგიუსონი და არსენ ვენგერი, იტალიაში პორტუგალიელი ერთხანს, თითქოს მშვიდად იყო და თავის საქმეს აკეთებდა, თუმცა მოურიზიო რის მოურიზიო იქნებოდა, რომ ამდენი მოეთმინა. ჩემპიონთა ლიგის მატჩის შემდეგ, რომელშიც "ინტერმა" "ბარსელონას" "სან სიროზე" უმასპინძლა, "ნერა-ტურის" და მის მწვრთნელს კრიტიკის ქარცეცხლი დაატყდა. მარ-

თალია ის მატჩი ფრედ 0:0 დასრულდა, მაგრამ კატალონიელებმა აშკარად დაჩაგრეს მილანელები. მიშელ პლატინი ამ თამაშის შესახებ თქვა კიდევ "ინტერმა" საკუთარი შესაძლებლობის მაქსიმუმი გამოავლინა, "ბარსელონამ" ითამაშა ლაღად და ლამაზად. მილანელები შედეგით კმაყოფილი უნდა იყვნენ ასეთი თამაშით ისინი ფრესაც არ იმსახურებდნენ.

დაახლოებით ასეთივე პოზიცია დააფიქსირა იტალიურმა მედიამ. თანაც ყველაფერი იმის ფონზე მოხდა, რომ იმავე ჩემპიონთა ლიგაში მარსელში გასულით მატჩი მოიგო "ინტერის" მუდმივმა მეტოქე "მილანმა", მეტიც ლეონარ-

დოს გუნდი ერთადერთია იტალიურ კლუბებს შორის, რომელმაც ჩემპიონთა ლიგის ჯგუფური ეტაპის პირველ ტურში გამარჯვება მოახერხა.

კრიტიკით გაბრაზებულმა მოურიზიომ კი ადგა და სწორედ "მილანს" შეუტია. "ჩვენი ჯგუფი ხუმრობა როდია, ჩვენს ჯგუფში "ციურიხი" არ თამაშობს", - თქვა მოურიზიომ, "ციურიხი კი ჯგუფში სწორედ "მილანთან" ერთად არის მოხვედრილი.

ცხადია "როსონერის" პასუხმაც არ დაახანა. "არის მარტივი მიზეზი იმისა რატომაც მოხვდა ჩვენს ჯგუფში "ციურიხი", საქმე ისაა, რომ იტალიური გუნდებიდან მხო-

ლოდ ჩვენ ვიყავით განთესილები პირველ კალათაში, ამას კი დამსახურება სჭირდება. თანაც რას ნიშნავს "ციურიხის" ხსენება ეს გუნდი შვეიცარიის ჩემპიონია და მას პატივისცემით უნდა მოვეპყროთ. ისე ეტყობა ზოგიერთს საკმაოდ მოკლე მესხიერება აქვს. უკანასკნელი ათი წლის განმავლობაში ჩვენ ათი ტიტული მოვიგეთ. აი ზოგიერთებმა კი მხოლოდ იტალიის ჩემპიონატი. მშვენივრად მესმის, რომ ზოგიერთი საკუთარი მიღწევებით კმაყოფილი ვერ იქნება, მაგრამ ჩვენ რა შუაში ვართ", - განაცხადა "მილანის" ვიცე-პრეზიდენტმა ადრიანო გალიანინი.

სანიკიდის სადებიუტო 4 ქულა

გასულ ზაფხულს საქართველოს საკალათბურთო ნაკრების ერთ-ერთმა საუკეთესო მოთამაშე ვიქტორ სანიკიდემ იტალიურ "ვირტუსთან" გააფორმა კონტრაქტი. ვიკამ იტალიური გრანდის მაისურით პირველი მატჩი ჩაატარა და 4 ქულის მოგროვება შეძლო. "რეიერ ვენეციასთან" საკონტროლო შეხვედრაში ბოლონიელებმა პირველი მეოთხედი 14:15 წააგეს, თუმცა, შემდეგ მათი უპირატესობა აშკარა გახდა, რაც ოცქულიანი გამარჯვებაში აისახა - 77:57. 23 წლისა და 203 სმ. სიმაღლის მქონე ქართველმა კალათბურთელმა ეროვნული ნაკრებისა და ექს-კლუბ "ტარტუ როკის" დარაოდ, "ვირტუსშიც" 13-ნომრიანი მაისური მოირგო გუნდს 4 ქულა შეანია. ვენეციელებთან მატჩში ბოლონიელთა რიგებში 17 ქულით მიკვლე მაჯიოლი გამოიჩინა, დავიდ ჯერალდ მოსმა 15 ქულა მოაგროვა, დუშან ვუჩევიჩმა კი - 13. კარგად გაისარჯა ქართველთა ძველი ნაცნობი პეტერი კოპონენიცი (9 ქულა), რომელსაც ფინეთის ნაკრების შემადგენლობაში ჩვენი ეროვნული გუნდის წინააღმდეგ არაერთხელ უთამაშია. სანამ სანიკიე "ვირტუსის" რიგებში სადებიუტო შეხვედრას ჩაატარებდა, კლუბის ბაზაზე ქართველი კალათბურთელის ოფიციალური წარდგენა მოხდა. ჟურნალისტებთან საუბრისას, ვიქტორმა შემდეგი კომენტარი გააკეთა: "ბედნიერი ვარ, რომ აქ მოვხვდი. ჯერ კიდევ პატარა ვიყავი, როდესაც "ვირტუსის" მიერ იტალიის ჩემპიონატსა და ევროლიგაში წარმატებულ ასპარეზობას თვალს ვადევნებდი. ასეთი დონის გუნდში არასდროს მითამაშია. ბოლონიაში ყველა პირობა შექმნილი, რათა ზრდა განვაგრძო და სამომავლოდ ნბა-ს დონეზე ასვლა შევძლო. მწვრთნელს უკვე ვესაუბრე და წინასწარი გათვლებით, სამ ან ოთხ წომრად ასპარეზობა მომიწევს. ჩემთვის ორივე პოზიცია ახლობელია, ამდენად, პრობლემა არ უნდა შემქმნას. იტალიაში საქართველოდან ჩინებულ ხასიათზე ჩამოვედი. ჩვენმა ეროვნულმა ნაკრებმა A დივიზიონის საგზური მოიპოვა, რისი წყალობითაც ქვეყანაში კალათბურთი ეროვნულ სახეობად ვაქციეთ. იმედი მაქვს, მაღალ დონეზე თამაშს მომავალშიც გავაგრძელებ".

ახალი მწვრთნელი და ხაზარელის ულტიმატუმი

შოთა ხაზარელი საქართველოს ძიუდოსიტა ნაკრების მწვრთნელობიდან გადააყენეს. გადაწყვეტილება საქართველოს ძიუდოს ფედერაციის პრეზიდენტმა დილარ ხაზულთანმა 11 სექტემბერს მიიღო და ხაზარელის შემცვლელის ვინაობაც იმავე დღეს დაასახელა.

"განთავისუფლების ბრძანებას ხელი უკვე მოვანერე. შოთა ხაზარელი ნაკრების მთავარი მწვრთნელი აღარაა. მის ადგილს მსოფლიოს ჩემპიონი ამირან ტოტიკაშვილი დაიკავებს, რომელიც სწორედ ხაზარელის აღზრდილია" - განაცხადა ხაზულთანმა.

16 სექტემბერს ფედერაციის პრეზიდენტმა დილოში მდებარე შოთა ჩოჩიშვილის სახელობის ძიუდოს კომპლექსში ახალი მთავარი მწვრთნელი ჟურნალისტებს წარუდგინა და ტოტიკაშვილს უფადო კონტრაქტიც გაუფორმა. ტოტიკაშვილმა კი თავის მხრივ, ასაკობრივი ნაკრებების ახალი თავკაცები წარადგინა. ჭაბუკთა ნაკრები რამაზ ჩოჩიშვილმა ჩაიბარა, ხოლო ახალგაზრდული - სოსო ლიპარტელიანმა.

18 სექტემბერს იმავე კომპლექსში მას-მედიას უკვე შოთა ხაზარელმა უმასპინძლა და ფედერაციის მაღალჩინოსნების თანამდებობიდან დათხოვნა მოითხოვა. ხაზარელის პრესკონფერენციას ასაკობრივი ნაკრებების ექსმწვრთნელები, ეროვნული გუნდის მწვრთნელთა საბჭოს წევრები და ნაკრების წევრთა ერთი ჯგუფიც დაესწრნენ. ძიუდოსიტებმა სპორტის მინისტრის თანდასწრებით ფედერაციის ხელმძღვანელებთან საუბარი მოითხოვეს და საამისო ვადაც წინასწარ დათქვეს.

"ისე გამოვიდა, რომ ყველაფერი ერთ კაცს დაბრალდა. დასასჯელი კი სინამდვილეში ძალიან ბევრია. თუკი უახლოეს ერთ კვირაში ჩვენი მოთხოვნა არ დაკმაყოფილდება, მაშინ კომპონებს ფედერაციის მაღალჩინოსნებს დაეუთმობთ და სამაგიეროდ მათგან ჩვენი განთავისუფლების ფურცლებს მოვითხოვთ" - განაცხადა ევროპის ვერცხლის პრიზიორმა ვარლამ ლიპარტელიანმა.

სპორტისა და ახალგაზრდობის საქმეთა დეპარტამენტი

დავით ქართველიშვილის ხსოვნის ტურნირზე თბილისურმა წყვილმა იმარტვა

19 სექტემბერს თბილისში, კუს ტბაზე გაიმართა პირველი ქართველი ლიბეროს და საქართველოს ვაჟ ფრენბურთელთა ახალგაზრდული ნაკრების ყოფილი წევრის - დავით ქართველიშვილის ხსოვნისადმი მიძღვნილი I საერთაშორისო ტურნირი პლავის ფრენბურთში სახელწოდებით - "ქართველა 2009". ტურნირის გამარჯვებული დავით ლიპარტელიანის და თენგიზ ჯანხოთელის წყვილი გახდა თბილისიდან.

აღნიშნული ტურნირი საქართველოს ფრენბურთის ფედერაციის ინიციატივით გაიმართა, სადაც მონაწილეობდა 8 წყვილი საქართველოს სხვადასხვა ქალაქებიდან და სასომხეთიდან.

I საპრიზო ადგილის მფლობელი გახდა დავით ლიპარტელიანის და თენგიზ ჯანხოთელის წყვილი თბილისიდან. II ადგილი წილად ხვდათ - არტურ ავეტისოვისა და თენგიზ ჯანხოთელის წყვილს, ხოლო III ადგილი სასომხეთიდან ჩამოსულმა სტუმრებმა დაიკავეს.

გამარჯვებულებს საჩუქრად გადაეცათ დათო ქართველიშვილის ოჯახის და მეგობრების მიერ დაწესებული სხვადასხვა ფულად პრიზები, მედლები, სიგელები და თასი I ადგილის მფლობელისათვის - "ქართველა 2009".

ტურნირის ორგანიზატორების და ფედერაციის პრეზიდენტის ლევან ახვლედიანის განცხადებით, აღნიშნული ტურნირი მიიღებს ყოველწლიურ ხასიათს. მომავალი წლიდან კი მას საერთაშორისო სტატუსიც მიენიჭება.

ტურნირის მონაწილეების განცხადებით "ქართველა 2009"-მ ჩაუყარა საფუძველი საკმაოდ საინტერესო ტრადიციას და იმედს გამოთქვავენ, რომ აღნიშნული ტურნირი უფრო გაიზრდება და დაიხვეწება გაისად, მასში მონაწილეობას უკვე მსოფლიოს სხვადასხვა ქვეყნის წარმომადგენლები მიიღებენ. ეს კი ხელს შეუწყობს ქართული ფრენბურთის პოპულარიზაციას.

სპორტისა და ახალგაზრდობის საქმეთა დეპარტამენტი

ქეცბაია ფეხბურთელებმა შეინირეს

ცნობილი ბრიტანელი მწვრწნელის გრემ სუნესის აზრით თემურ ქეცბაიას "ოლიმპიკოსიდან" წასვლის მიზეზი ბერძნული კლუბის ფეხბურთელები გახდნენ.

"ოლიმპიკოსის" გამოცდილი ფეხბურთელები კლუბის პრეზიდენტთან მივიდნენ და უთხრეს, რომ ქეცბაია მწვრწნელად არ სურდათ. ეს კიდევ ერთხელ მეტყველებს, რომ ამ გუნდში ძალაუფლება მოთამაშეებს აქვთ" - განაცხადა საუნესმა.

მესის ახალი კონტრაქტი

"ბარსელონასა" და ლიო მესის შორის არსებული კონტრაქტი 2014 წლამდე იყო გათვალისწინებული. კატალონიური გრანდის მესვეურებმა მსოფლიოს ერთ-ერთ საუკეთესო ფეხბურთელთან კონტრაქტი კიდევ ორი წლით გაახანგრძლივეს და არგენტინელსაც რეკორდული ხელფასი დაუნიშნეს.

აქამდე, სამხრეთამერიკელის "საბაზრო ფასად" 150 მილიონი ევრო სახელდება, ახალი კონტრაქტის ერთ-ერთი პუნქტის თანახმად კი, "ბარსა" თავის არგენტინელ ლიდერს მხოლოდ იმ შემთხვევაში შეეღებავს, თუკი რომელიმე კლუბი მის სანაცვლოდ 250 მილიონ ევროს (368 მილიონი დოლარი) გადაიხდის.

მესიმ და ჟოან ლაპორტამ ხელშეკრულებას კლუბის ოფისში მოაწერეს, რის შედეგადაც ორივე მხარე ამკარად კმაყოფილი დარჩა - ლაპორტა 22 წლის ვარსკვლავის ერთგულებაში კიდევ ერთხელ დარწმუნდა, ხოლო არგენტინელი ახალმა კონტრაქტმა კლუბის ყველაზე მაღალანაზღაურებად ფეხბურთელად აქცია. სხვათა შორის, მესისთვის ჯამაგირის მომატების ფაქტი არც კატალონიელთა პრეზიდენტს დაუმაღავს, თუმცა, თანხის კონკრეტული ოდენობის დასახელებისგან მან თავი შეიკავა. ესპანელმა მიმომხილველებმა კი, სანდო წყაროსგან შეიტყვეს, რომ ახალგაზრდა სამხრეთამერიკელი შემტევი ყოველწლიურად, გადასახადის გამოკლებით, 10,5 მილიონ ევროს (15,44 მილიონი დოლარი) მიიღებს.

"მესის გარეშე "ბარსელონა" ვეღარც კი წარმომიდგენია. იგი შესანიშნავი, უნიჭიერესი ფეხბურთელია, რომელსაც მოედანზე პრაქტიკულად ყველაფრის გაკეთება შეუძლია. გულშემატკივარი სტადიონზე ლამაზი ფეხბურთის სანახავად მოდის, მათთვის საამოვნების მინიჭება კი, დღესდღეობით მესის ყველაზე უკეთ ეხერხება. ბედნიერი ვარ, რომ ასეთი დონის მოთამაშესთან მინვეს მუშაობა. იგი ნამდვილი ფენომენია", - განაცხადა კონტრაქტის გაფორმების შემდეგ კატალონიური გუნდის თავკაცმა ხოსე გვარდიოლამ.

მსოფლიო თავისუფლებით იწყება

ზინა გურასაშვილი

მოჭიდავეები დღეიდან ჩაერთვებიან საქმეში. საქმეს კი მსოფლიო ჩემპიონატთან მივყავართ, რომლის მასპინძლობაც ჰერინგმა (დანია) ითავა. წესისამებრ თავდაპირველად ხალიჩაზე თავისუფლები გავლენ, მოგვიანებით ესტაფეტას ბერძენ-რომაელები ჩაიბარებენ. შესაბამისი გრაფიკის გათვალისწინებით ჯერ ზაზა თურმანიძის შეგირდებზე თქვათ, ბოლოს კი ბეგი დარჩიას სამწყსოზე.

საქართველოს თავისუფალი სტილით მოჭიდავეთა ნაკრები ჰერინგში ბორჯომის ჰაერით გაჟღერებული ფილტვებით გაემგზავრა, იქამდე კი ნაკრების მთავარმა მწვრწნელმა ის შემადგენლობა გაახმოვანა, რომელიც საკუთარ ძალებს მოსინჯავდა წლის უმთავრეს ასპარეზობაზე. ამ შემთხვევაში საინტერესო ისაა, რომ თურმანიძის რჩეულ შეიდეგში არ არიან პეკინის ოლიმპიური თამაშების ჩემპიონი რევაზ მინდორაშვილი (84 კგ.) და იმავე თამაშების ბრინჯაოსანი ოთარ თუშიშვილი (66 კგ.). პეკინის მედალოსანთაგან ნაკრებში მხოლოდ გიორგი გოგშელიძეა (96 კგ.)

თურმანიძემ წასვლის წინ საკუთარი არჩევანის განმარტებისას თქვა, საერთაშორისო ტურნირებისა და შეკრებების შემდეგ გუნდი საუკეთესო მოჭიდავეებით დაეკომპლექტება რაც შეეხებათ თუშიშვილსა და მინდორაშვილს, მათი არყოფნის უმთავრესი მიზეზი ტრავმიანობაა. ნაკრების მთავარი მწვრწნელი კმაყოფილი ჩანდა



თავისუფალთაგან ყველაზე ტიტულოვანი გიორგი გოგშელიძეა

მოსამზადებელი ეტაპითაც - გეგმაზომიერი შეკრება გავიარეთ. სანუნუნო არაფერ მაქვს. ბიჭების ამჟამინდელი ფორმით კმაყოფილი ვარო. ერთი სიტყვით, ისლა დაგვრჩენია, ჰერინგიდან თავისუფალთა წარმატებებს ველოდოთ.

ბერძენ-რომაელებმაც, ისევე როგორც თავისუფლებმაც, მსოფლიო ჩემპიონატისთვის დასკვნითი შეკრება ბორჯომში გაიარეს. იქამდე მოსამზადებლად ბაკურიანისა და მინსკის შეკრებები და კიდევ რამდენიმე საერთაშორისო ტურნირი გამოიყენეს.

საკუთარი სამწყსოს მზადყოფნას არც ბეგი დარჩია უჩივის: "გეგმაზომიერი მოსამზადებელი პერიოდი გამოგვივიდა. რაც მთავარია ბიჭები ნორ-

მალურ ფორმაში არიან და ტრავმაც არავის ანუხებს". საგულისხმო კი ისაა, რომ ნაკრების რჩეულებიდან ოთხს - გოდერძი დავითაძეს (55 კგ.), რევაზ ლაშხს (60 კგ.), გენადი ცხადაიას (66 კგ.) და მძიმეწონისან გურამ ფერსელიძეს მსოფლიოს ჩემპიონატზე აქამდე არ უახსპარეზიათ.

საქართველოს თავისუფალთა ნაკრები:

- 55 კგ. ბესიკ გუჩაშვილი
- 60 კგ. მალხაზ ზარქუა
- 66 კგ. შალვა მუზიაშვილი
- 74 კგ. გელა სალირაშვილი
- 84 კგ.

ნიკოლოზ გაგნიძე 96 კგ. გიორგი გოგშელიძე 120 კგ. ალექსი მოდებაძე

საქართველოს

ბერძენ-რომაელთა ნაკრები:

- 55 კგ. გოდერძი დავითაძე
- 60 კგ. რევაზ ლაშხი
- 66 კგ. გენადი ცხადაია
- 74 კგ. მანუჩარ კვიციანი
- 84 კგ. ბადრი ხასაია
- 96 კგ. რამაზ ნოზაძე
- 120 კგ. გურამ ფერსელიძე

ფლეი-ოფის მონაწილეები

ბოლო ტურმა გამოავლინა

შაბათს დასრულდა საქართველოს სარაგბო ჩემპიონატის რეგულარული სეზონი და გაირკვა იმ ოთხი გუნდის ვინაობა, რომლებიც ჩემპიონის ტიტულისთვის ბრძოლას ფლეიოფში გააგრძელებენ. "ლელო", "ლოკომოტივი", "ვისოლ ყოჩები" და "ბათუმი".

"ლელოს" და "ლოკომოტივის" ფლეიოფის საგზურები რეგულარული სეზონის დასრულებამდე ჰქონდათ დაბეჭეებული, ბოლო ტურში კი კიდევ ორი მონაწილის ვინაობა ირკვეოდა. შაბათს "ვისოლ ყოჩები" "ბათუმს" მასპინძლობდა და ფლეიოფში მოსახვედრად მხოლოდ მოგება სჭირდებოდა, თბილისურმა გუნდმა წარმატებას მიაღწია აი "ბათუმი" კი მარცხის მიუხედავად მოხვდნა ფლეიოფში და

ამაში ზღივსპირელებს ქუთაისის "აია" დაეხმარა, რომელმაც ბოლო ტურში "აკადემია" დაამარცხა და ბათუმელებს ფლეიოფისკენ მიმავალ გზაზე მწვანეტ შეუქაუთო. რეგულარული სეზონი საბოლოოდ "ლელომ" მოიგო, რომელმაც უახლოესი მდევარი "ლოკომოტივი" მთელი 9 ქულით ჩამოიტოვა უკან.

რაც შეეხება ცხრილის ქვედა ნაწილს, ბოლო ტურში უპრიციპულესი იყო რუსთაველი "ზარები-სა" და "უნივერსიტეტის" მატჩი, რომელიც "ზარების" გამარჯვებით დასრულდა, შესაბამისად რუსთაველები უმაღლეს ლიგაში დასარჩენად ფლეიოფში ითამაშებენ, სტუდენტები კი ქვედა ლიგაში გადაბარდნენ.

ტოჩინოშინი რეიტინგში დაქვეითების საფრთხის წინაშე აღმოჩნდა

ტოჩინოში მიმდინარე სექტემბრის ბაშოზე ელიტარულ მაკუჩი დივიზიონში მოასპარეზე ორი ქართველი განსაკუთრებული წარმატებით ვერ დაიკვეხნის. პირველი მაიგამორას რანგში მოასპარეზე ტოჩინოშინს უკვე 6 მარცხი დაუგროვდა რაც შეეხება კოკაის მას რვა დღის შემდეგ ოთხი მოგება და ოთხი მარცხი აქვს.

უნდა ითქვას, რომ ტოჩინოშინმა პირველი ოთხი მარცხის შემდეგ ზედიზედ ორი ოქეის დამარცხება მოახერხა, რამაც მის გულშემატკივარს იმედები გაუღვიძა თუმცა შაბათს და კვირას გამართული ორი დაპირისპირება ახალგაზრდა ქართველმა დათმო და ახლა იმისათვის, რომ რანგი შეინარჩუნოს დარჩენილი 7 ბრძოლიდან ექვსი აქვს მოსაგები, რაც პრაქტიკულად ალბათ შეუძლებელია და ესეგი ტოჩინოშინი რანგი დაქვეითდება.



კოკაი ბალანსი გაათანაბრა

კოკაი კი როგორც უკვე ავლინებთ ოთხი ბრძოლის მოგება მოახერხა, არადა გამოცდილმა ქართველმა ბაშო საკმაოდ კარგად დაინყო და ერთხანს დაუმარცხებლად

დაც ასპარეზობდა, თუმცა შემდეგ ზედიზედ ნააგო სამი ბრძოლა და საკუთარი ბალანსი მხოლოდ მას შემდეგ გაათანაბრა, რაც გუშინ აღმოსავლეთის მეცხრე მაიგამორა მა-

კონამის დამარცხება შეძლო. დღეს ბაშოს მეცხრე საასპარეზო დღე იმართება. კოკაი აღმოსავლეთის მეთორმეტე მაიგამორა ტოჩინოშინს უნდა შეერკინოს, რომელსაც რვა დღის შემდეგ ხუთი გამარჯვება დაუგროვდა. ტოჩინოშინის მეტოქე კი დასავლეთის სეკივაკე კოტომოვიკუ იქნება, მას ისევე როგორც ქართველს არც ისე სახარბიელო ვითარება აქვს, ტოჩინოშინის დღევანდელ მეტოქეს რვიდან ხუთი ბრძოლა აქვს წაგებული.

ახლა თავად ბაშოს მიმდინარეობაზე ვთქვათ. სუპერტურნირმა უკვე გადალახა ეკვაიორი და მას ერთი გამოკვეთილი ლიდერი ჰყავს, ბაშოს ვირტუალურ სატურნირო ცხრილს სათავეში იოკოტუნა ასოშორუ უდგას, რომელმაც რვიდან რვა ბრძოლა მოიგო, იოკოტუნა ჰაკუშოს კი ერთი დაპირისპირება აქვს წაგებული.

გაავდრებულ ჭაუხებზე

ავთანდილ ჭყვიპელი

არა, ნამდვილად არ გაუმართლა სტეფანწმინდას რაიონში, სოფელ ჯუთას თავზე აღმართულ ჭაუხების მასივის მწვერვლებზე ორმოცამდე მოლაშქრეს. ისინი ძირითადად მესტიის მკვიდრნი, აგრეთვე ყაზბეგის, გორისა და თბილისის წარმომადგენლები იყვნენ, რომლებიც იქ სპორტული კვალიფიკაციის ასამაღლებლად საქართველოს მთამსვლელობა ფედერაციის პრეზიდენტის, საერთაშორისო კლასის სპორტის ოსტატისა და თბილისის სახელმწიფო უნივერსიტეტის პროფესორის შოთა მირიანაშვილის მეთაურობით ასულიყვნენ, მაგრამ მათ ამინდი არ სწყალობდათ. თავდაპირველად მწვერვალ "გურამ თიკანაძეზე", სადაც მე-2ა კატეგორიის სირთულის გზით ავიდნენ, ერთმანეთს წვიმა, სეტყვა და ძლიერი ცივი ქარი ენაცვლებოდა. მერე "თიკანაძის" მეზობლად აღმართულ მწვერვალ "ექვთიმე თაყაიშვილზე", რომელიც მე-2b კატეგორიის სირთულის გზით დალაშქრეს, ამინდმა დაინდო მთამსვლელები, თუმცა მისი სიმაღლიდან ბუნების გრანდიოზული პეიზაჟით ტკბობა დიდ ხანს არ დასცალდათ, რადგან სულ მალე არე-მარე შედედებულ რქესავით სქელ ნისლში შთაინთქა. ბოლოს მოლაშქრებმა ისევ მე-2b



გაავდრებულ ჭაუხებზე

კატეგორიის მარშრუტით ამ მწვერვალთა ტრავერსი კვლავ სქელ ნისლში განახორციელეს, მაგრამ დაშვებისას ისევ გაავდრდა და ბანაკში კვლავ მთლად გალუმპულები დაბრუნდნენ. უშუალოდ ასვლებს შოთა მირიანაშვილთან ერთად სპორტის დამსახურებული ოსტატი, საქართველოს სპორტის აკადემიის პროფესორი აკაკი (ხუტა) ხერგანი ხელმძღვანელობდა, სამაშველო სამსახურს კი, ისევე როგორც მანამდე გამართულ სამ აღ-

პინიადას, საერთაშორისო კლასის სპორტის ოსტატი, თბილისის სამხატვრო აკადემიის პროფესორი დიმიტრი (მიტო) დანგაძე მეთაურობდა. ისინი ამ ოთხივე მოლაშქრობისას ყოველდღე გაკვირვებულნი შეჰყურებდნენ ზეცას და

ამბობდნენ, გაბმულად ასეთი ავდარი კავკასიონზე არსად გვახსოვსო. შეწუხებულნი იყვნენ ჯუთას მკვიდრნიც, წლეულს ნაადრევად გვიზამთრდებო, განსხვავებით კი ბოლოს შეიკრეს კოპები, როცა ჭაუხებზე ჩამოთოვა და ირგვლივ აღმართული მთა-გორები, სადაც საქონელს საძოვარზე მიერეკებინან, მთლად გადათეთრდა, მთამსვლელთა კარებს კი დღე და ღამ გადაულეზლად აწვიმდა და აწვიმდა. ამიტომაც მოლაშქრებმა თავიანთ გეგმებს ბოლომდე ვერ შეასხეს ფრთები - სხვა მწვერვლებზე, "ფიროსმანსა" და "ლალო ასათიანზე" მე-3, მე-4 კატეგორიის სირთულის გზებით ასვლაზე ხელი აიღეს. ერთადერთი დღე, ამინდმა რომ ბოლომდე მოწყალედ გადმოხედა მთამსვლელებს, მეორე იყო, როცა მათ პიტალო კლდეებზე მეკლდეურობაში ვარჯიშით გული იჯერეს.

ასე იყო თუ ისე, ამ მოლაშქრობათა ბოლოს ზოგი "ალპინიზმის ნიშნოსანი" გახდა, ზოგმა მესამე თანრიგის ნორმატივი შეასრულა, ნაწილს ამგვარ მიზნამდე თითო ასვლადა დააკლდა, სხვებმა კი უფრო კვალიფიციურებმა, გამოცდილება გაიმდიდრეს და მუხლიც მეტად გაიმაგრეს.

ასე რომ, საქართველოს სპორტის დეპარტამენტის მიერ დაფინანსებული ეს ჭაუხური ასვლები, საერთო ჯამში მაინც ნაყოფიერი გამოდგა.

“რედ ბულის” საჩქარი საქართველოს

ანუ. აბსოლუტური სიციყე ჰაერში

უჩვეულო შოუ, რომელიც შაბათს საღამოს თბილისელებმა თავისუფლების მოედანზე, სახელდახლოდ მონყობილ მოტოდრომზე იხილეს, “რედ ბულის” საჩქარია, რომელმაც მართალია მოკრძალებულად, მაგრამ საქართველო მაინც გარია სპორტის შედარებით ახალი, თუმცა ამის მიუხედავად, მთელს მსოფლიოში მზარდი პოპულარობით გამოჩენილი სახეობის - “ფრისტილი მოტოქროსის მარაქში. შოუზე, სახელწოდებით “რედ ბული” იქს ფაიტერს იქსპიზიშნ ტურ”, მოკრძალებული მხოლოდ მონაწილეთა რაოდენობა იყო. თბილისში სულ სამი თავხეხელადებული მოტოქროსმენი ჩამოვიდა, მაგრამ თავისუფლებაზე ისეთი

ცეცხლი დაანთეს, თქვენი მონონებული. მათ გამოსვლებს შორის კი მრავალრიცხოვან მაცურებელს ბელარუსიდან ჩამოსული ცნობილი ჯგუფი დრამ ექსტაზი ახურებდა. თბილისელები ექსტრემალური მოტოსპორტის (მოტოსპორტი ხომ ისედაც ექსტრემალურია) ხელოვნებას აზიარეს: 28 წლის ახალზელანდიელმა ნიკ ფრანკლინმა, 29 წლის შვედმა მორგან კარლსონმა (ვისაც თავზეხელაღებული ტრიუკების გამო თავნება კატას ეძახიან) და ყველაზე ტიტულოვანმა, 27 წლის ბელგიელმა სტივენ სტუივენმა, ვინც თავისუფალ მოტოქროსში ევროპისა და მსოფლიოს ჩემპიონია. სანახაობა ზუსტად ისეთი გამოვი-

და, როგორსაც ველოდით. ეგაა, ხალხი მხოლოდ ჰაერში მფრენ მოტორიან მხედრებს ხედავდა, თუმცა მთავარი ალბათ ეს იყო, რადგან რა ხდებოდა ხმელეთზე, უფრო სწორედ, სპეციალურ დასაშვებ “გორაკზე”, ეს უკვე საინტერესო აღარ იყო. ყველაფერს კი ყველაზე უკეთ ის მაცურებელი ხედავდა, რომელიც რისკს არ მოერიდა და ტრიბუნად გარშემო მდგარ შენობათა სახურავები გამოიყენა. მაცურებელს ცეცხლს შოუს ნამყვანი ნიკა გრიგოლიაც უნებდა, რომელმაც მოტორიანი მხედრებისთვის ყველაზე შესაფერის კომპლიმენტად “არანორმალური” აირჩია (ვის მოუბრუნდება ენა, ეს კომპლიმენტი დააკნინოს,

ისინი ხომ მართლაც არანორმალურად ვირტუოზულები არიან). და თავადაც, იმ დროს, როდესაც შოუს მთავარი გმირები სულის მოსათქმელად ჩერდებოდნენ, ნამდვილი არანორმალურივით ახერხებდა ცოტა ხნით “მიძინებული” მაცურებლის გამოლიქვებას და ახმაურებას. მოკლედ, მის მიწურულს ნამოსული კოკისპირულის მიუხედავად, შოუ შედგა, “რედ ბული” კი, რომლისთვისაც ეს მოტორიზებული წარმოდგენა ჩვეულებრივი სარეკლამო და პრომო აქცია იყო, წინააღმდეგობის თვალს დაეციდა და იწყებს - ეჭვიც ნურავის შეეპარება, რომ გუშინ საღამოს, თავისუფლებაზე მყოფი მაცურებლის უმეტესობა დღეს

სუპერმარკეტებში “რედ ბულის” ენერგეტიკულ სასმელს მოიკითხავს. რა თქმა უნდა, კარგი იქნება, თუ მსგავსი შოუების ხილვის სიამოვნებას “რედ ბული” მომავალშიც არ მოგვაკლავს. პირადად მე კი ერთ სურვილს (გინდათ, ოცნება დაარქვით) გაგიმხელთ - რა იქნება, თუ იმავე “რედ ბულის” მონაწილეთა, ერთ მშვენიერ შაბათს საღამოსაც, რუსთაველზე ფორმულა 1-ის ავტომობილის ხმასაც გავიგებთ?..

მერაბ ლორთქიფანიძე
<http://formula1ge.blogspot.com/>



**საქართველოს
განათლებისა და
მეცნიერების სამინისტროს
გ ა ნ ც ხ ა დ ე ბ ა**

საქართველოს განათლებისა და მეცნიერების სამინისტროს

გ ა ნ ც ხ ა დ ე ბ ა

2009-2010 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველ საფეხურზე ან პროფესიული უმაღლესი განათლების საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში სახელმწიფო სასწავლო გრანტით დაფინანსების ოდენობისა და პირობების განსაზღვრის შესახებ

საქართველოს მთავრობის დადგენილების (149, 2009 წლის 14 აგვისტო, ქ. თბილისი) მიხედვით

საქართველოს აკრედიტებულ უმაღლეს საგანმანათლებლო დაწესებულებებში ჩარიცხულ სტუდენტთა დაფინანსებისათვის გამოყოფილია 1 073 000 ლარი. სოციალური პროგრამის ფარგლებში დაფინანსება შეიძლება მოიპოვოს მხოლოდ იმ სტუდენტმა, რომელიც 2009 წლის ერთიანი ეროვნული გამოცდების შედეგად ჩარიცხვა უმაღლეს საგანმანათლებლო დაწესებულებაში და ვერ მოიპოვა სახელმწიფო სასწავლო გრანტის სრული ან ნაწილობრივი ოდენობა.

სოციალური პროგრამით გათვალისწინებული თანხა გადაეცემა შემდეგი კატეგორიის სტუდენტებს:

- 150 სტუდენტს, რომლებიც ბოლო სამი წლის განმავლობაში სწავლობდნენ და ზოგადი განათლების დამადასტურებელი დოკუმენტი მიიღეს მაღალმთიან და ეკოლოგიური მიგრაციის რეგიონების შემდეგ მუნიციპალიტეტებში: მესტია, ლენტეხი, ონი, ქედა, ხულო, შუახევი, ყაზბეგი, დუშეთი - (ბარისახო, შატილი, ქვეშეთი, მღეთა, მალაროსკარი და გუდამაყრი), ადიგენი, ახალქალაქი, ნინოწმინდა, ნალკა, დმანისი, ახმეტა- (პანკისის ხეობა, ზემო და ქვემო ალვანი).
- 180 სტუდენტს, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს ოკუპირებულ ტერიტორიაზე არსებულ ზოგადსაგანმანათლებლო დაწესებულებებში (აფხაზეთის ავტონომიური რესპუბლიკა, აჭარის მუნიციპალიტეტი, ცხინვალის რეგიონი - ქურთა, ერედვი, ახალგორი და სოფელი პერევი), ასევე სტუდენტები, რომლებიც 2008 წლის 7 აგვისტომდე მე-10 და მე-11

კლასებში სწავლობდნენ ოკუპირებულ ტერიტორიაზე, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ;

- 30 სტუდენტს, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს აზერბაიჯანულენოვან ზოგადსაგანმანათლებლო დაწესებულებებში;
- 30 სტუდენტს, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს სომხურენოვან ზოგადსაგანმანათლებლო დაწესებულებებში;
- 45 სტუდენტს, რომლებიც არიან საქართველოს ტერიტორიული მთლიანობისათვის ბრძოლაში დაღუპულთა და უგზო-უკვლოდ დაკარგულთა შვილები;
- 5 სტუდენტს, რომლებიც არიან კომუნისტური რეჟიმის დროს საქართველოდან დეპორტირებული სამცხე-ჯავახეთის მოსახლეობის შთამომავლები;
- 30 სტუდენტს, რომლებიც არიან ობლები (უდედმამო), ან მრავალშვილიანი ოჯახის (ოთხი და მეტი შვილით) წევრები;
- 6 სტუდენტს, რომლებიც არიან მკვეთრად გამოხატული შეზღუდული შესაძლებლობის მქონე პირები.

ამ დადგენილებით განსაზღვრული პრინციპის შესაბამისად, ასევე დაფინანსდებიან:

- 2008 წელს ერთიანი ეროვნული გამოცდების შედეგად ჩარიცხული ის სტუდენტები, რომლებიც არიან საქართველოს ტერიტორიული მთლიანობისათვის ბრძოლაში დაღუპულთა და უგზო-უკვლოდ დაკარგულთა შვილები;
- 2009 წელს ერთიანი ეროვნული გამოცდების შედეგად ჩარიცხული ის სტუდენტები, რომელთა ოჯახები რეგისტრირებული არიან სოციალურად დაუცველი ოჯახების მონაცემთა ერთიან ბაზაში და მათი სარეიტინგო ქულა არ აღემატება 70 000-ს.

დაფინანსების მოსაპოვებლად მიმართეთ საქართველოს განათლებისა და მეცნიერების სამინისტროს (მის: ქ.თბილისი, უზნაძის №52). განცხადებები მიიღება 2009 წლის 7 ოქტომბრის ჩათვლით. განცხადებებს იხილავს შესაბამისი კომისია. დამატებითი ინფორმაციისათვის დარეკეთ ტელ: 43 88 53 ან სამინისტროს ვებ-გვერდზე www.mes.gov.ge იხილეთ: საქართველოს მთავრობის დადგენილება N 149 2009 წლის 14 აგვისტო ქ. თბილისი, საქართველოს განათლებისა და მეცნიერების სამინისტროს 2009 წლის 07 სექტემბრის N736 ბრძანება.

მის საქართველო 2009 MISS GEORGIA



იმიჯ-ცენტრი იწვევს 17-25 წლამდე ასაკის გოგონებს მის საქართველო 2009 -ში მონაწილეობის მისაღებად.

გახდი მის საქართველო!

მოიგებ მთავარი პრიზი ახალი ავტომობილი სუზუკი სელერიო და გაემგზავრეთ სილაგაზის საერთაშორისო კონკურსებზე.

მის საქართველო 2009, ფინალური შოუ, გათუმი 11 ოქტომბერი

დასწრების მსურველები დაგვიკავშირდით: თბილისი ნიკო ნიკოლაძის №6, ტელ.: 98 51 48, 20 00 20, 855 95 90 25

www.missgeorgia.ge www.imagecentre.ge



გ ა ნ ც ხ ა დ ე ბ ა

დავით ტატიშვილის სამედიცინო ცენტრი აცხადებს კონკურსს შემდეგ სპეციალობებზე:

- გინეკოლოგი
- ენდოკრინოლოგი
- ბავშვთა ენდოკრინოლოგი
- ბავშვთა ორთოპედ-ტრავმატოლოგი
- ბავშვთა ნევროლოგი
- მამოგრაფიის სპეციალისტი
- ნეფროლოგი
- უროლოგი
- დერმატოლოგი
- კარდიოლოგი
- ოფთალმოლოგი
- რევმატოლოგი

მოთხოვნები:

- სახელმწიფო სერთიფიკატი შესაბამის სამედიცინო საქმიანობაში;
- პროფესიული მუშაობის გამოცდილება, სამუშაო სტაჟი 5 წ.

საკონკურსო განაცხადის შემოტანის ვადა 2009 წლის 1 ოქტომბრამდე

მისამართი: ქ. თბილისი, თენგიზ აბულაძის ქ N20

ტელ: 91 31 19;
91 32 42

თვალის მიკროქირურგიის ჯ ა ვ რ ი შ ვ ი ლ ი ს კლინიკა

" ო ფ თ ა ლ მ ი ჯ ი "

ერთადერთი კლინიკა 8

გლოკით

SLT-ლაზერი გლაუკომის ქირურგიაში

ოფთალმოქირურგიული ტექნიკის

უკანასკნელი მიღწევა

ტელეფონი: 54 53 53; 30 10 80



შანი ადგილი ინტარნეტში
www.myhost.ge

3 თვე უფასო ჰოსტიინგი

☎ 470000

✉ info@myhost.ge

